



9.20
529

新時代
史地叢書

中國民族志

撰述者 張其昀
校閱者 邵元冲

主編者 吳敬恆
蔡元培
王雲五



536.2
306
✓

新時代表地叢書

<p>主編者 吳敬恆 蔡元培 王雲五</p>	<p>中 國 民 族 志</p>	<p>撰述者 張其昀 校閱者 邵元冲</p> <p>1925</p>
------------------------------------	----------------------------------	--

商務印書館發行



996325

中國民族志

目次

本書綱要·····	一
第一章 中華民族發展史·····	二一
第二章 中華民族之現狀·····	五六
第三章 海外華僑與祖國之關係·····	七六
第四章 移民實邊政策·····	一〇一
第五章 原始民族之開化運動·····	一二一
第六章 西北回教徒之分佈·····	一四一
第七章 外蒙問題與西藏問題·····	一四七
第八章 中國之民族精神·····	一六三

三 勞工教育發展時期……………八

第三章 勞工學校……………一〇

一 設立……………一〇

二 組織……………一三

三 經費……………一四

四 教材……………一五

五 時間……………一六

六 獎勵……………一八

第四章 勞工的識字訓練……………二〇

一 強迫的識字教育……………二一

二	免受識字教育·····	一一二
三	學校班數的自辦及代辦·····	一一一
四	經費·····	一一三
五	教學情形·····	一一四
第五章	勞工的公民訓練 ·····	一一七
一	工人運動的訓練·····	一一八
二	民族意識的培養·····	一二八
三	工場和平的注重·····	一三〇
第六章	勞工的職業補習 ·····	一二四
一	專門職業的知識和技能·····	一二五

二 農工商業的常識	三八
三 服務道德	三九

第七章 工餘文化活動 四三

一 講演會	四四
二 展覽會	四四
三 圖書館	四五
四 運動會	四六
五 同樂會	四六
六 工友訪問	四七
七 其他	四七

第八章 勞工教育館 四九

一	勞工教育館	四九
二	農民教育館	五一
	第九章 勞工教育實驗區	五三
一	勞工教育指導委員會	五三
二	實驗區域	五五
三	經費學生及教職員	五六
四	實施工作	五八
	第十章 勞工運動人員訓練所	六〇
一	工會法中的工會職務	六〇
二	目前所需要的工會幹部人員	六一
三	勞工教育的新意義	六三

第十一章 中國勞工教育鳥瞰……………六六

一 各地勞工教育統計……………六六

二 各地勞工教育程度……………六九

三 勞工教育實施後的缺點和困難問題……………七二

(甲)缺點……………七二

(1)因循觀望藉故不辦

(2)隨意敷衍漫無計劃

(3)舍本逐末忘記勞工本身教育

(4)課程過少或不緊要

(乙)困難的問題……………七四

(1)經費問題

(2)教材問題

(3)時間問題

(4)運用問題

第十一章 中國勞工教育的改進……………七七

- 一 設定勞工教育基金……………七八
- 二 教材應由專家在適應特別需要的條件下去選擇……………七八
- 三 中央政府應該通令切實執行工廠法內所規定的工時制……………七九
- 四 編印淺顯的勞工課外讀物……………七九
- 五 勞工學校的管理權應歸工會……………八〇
- 六 使兒童少受徒弟教育多受職業教育……………八〇
- 七 予已受勞工教育的工人以工作的優先權……………八一
- 八 小學後期數年應施以技能訓練……………八二

參考書……………八四

中國民族志

本書綱要

第一章 中華民族發展史

(甲)中華民族同化之次序

(1)漢族 漢族爲二千年來同化他族之主體。塞外種族所以次第同化於我者，由於我漢人之文化勢力與政治觀念，而武力尙爲其次。據梁伯強君醫學上之研究，中國人之血液以南方爲最純粹，北人不及南人。

(2) 東胡族 鮮卑(北魏) 契丹(遼) 女真(金) 滿洲(清) 皆以東胡族入主中原。自鮮卑與漢族通婚姻以來，此族同化最爲完全。今除興安嶺中與松花江下流一帶外，不復見有純粹之滿人。

(3) 突厥族 突厥族之歷史，殆如雙峯並峙，一爲秦漢間之匈奴，一爲隋唐間之突厥。漢破匈奴，唐平突厥，故此族未嘗一度入主中原，此爲與東胡族不同之點。突厥族一部分同化於華夏，一部分遠徙於歐洲。其支派曰回紇，唐時自外蒙徙居新疆，五代以後信奉回教，卽今日新疆回族之所由來。

(4) 蒙古族 此族爲東胡突厥之混種，其興起最晚，而武力最盛。當十三世紀之時，建設大帝國，統一全亞，並歐洲之東部，混合一切民族。蒙古帝國經百年而瓦解，明太祖恢復中華，蒙古族退居塞外，復反於部落狀態。此族與漢人不甚同化，最近外蒙古受俄人之援助，成立外蒙民國。

(5) 西藏族 此族至唐代始入歷史時代。唐代吐蕃最強大，其與唐朝之關係爲獨立國

之關係。元明清三朝皆優待西藏之喇嘛教。清乾隆以後，西藏純然爲中國之藩屬國。西藏地勢高寒，居民有熱烈之宗教感情，至今尙未同化。最近英人在西藏實行侵略主義，然藏人多傾向中國。

(乙) 先民經營國土之勞績

(1) 黃河流域 中華民族最初根據地在此。春秋戰國時中原文化已極燦爛。長安洛陽爲中國之古都。

(2) 揚子江流域 大江南北之發達，始於六朝以後。南京爲六朝時之都城。自隋唐統一，而南北經濟已有倒置之象。

(3) 珠江流域 自南宋遷都杭州，於時閩浙二省成爲全國文化中心。宋亡後，漢人遷居嶺南者甚衆。至現代則廣州爲國民革命之根據地。

(4) 雲貴高原 雲南建省始於元，貴州建省始於明。明代江南人民遷居滇南者甚多。但西南方山谷間有蠻族數百萬人，尙未開化。

(5) 滿洲 滿洲爲東胡族之故鄉。東胡族以游牧爲生計，滿清入關以後，滿洲仍爲封禁之地，然漢人越關私墾者頗多。咸豐以後，始定移民實邊政策，至光緒季年設立東三省，於是滿洲成爲漢人之新農業區域。

(6) 蒙古 蒙古草地爲二千年來突厥族，東胡族，蒙古族與漢族先後活動之舞臺。前三族均爲游牧民族，至近百年來，漢人出塞移殖，昔日之牧場亦改造而爲農業帶。惟陰山以北之蒙人，仍爲天幕生活，馬上生活。

(7) 新疆 新疆卽古之西域，漢代統治西域凡百餘年，爲當時東西交通之津梁。唐代亦於西域置都護府。清代征服新疆，不禁漢人移殖，故天山南北二路日漸發達。光緒初年改建行省。現代新疆漢人約居五分之一，回人約居五分之四，漢回間頗能相安無事。

(8) 西藏青海 自元代征服西藏青海，未嘗殖民其地。清季西藏問題發生後，始注意於經營川邊，民國以來，於川邊置西康特別區域。江達爲川邊極西之境，距拉薩一八〇哩，尙有漢人烟戶。經營青海，尙在建議時期。

(丙)孫中山民族主義之目的

(1)中國民族自求解放，即反帝國主義。

(2)中國境內各民族一律平等。

孫中山建國大綱民族條云：『對於國內之弱小民族當扶植之，使之能自決自治；對於國外之侵略強權，政府當抵禦之，並同時修改各國條約，以恢復我國國際平等，國家獨立。』

第一章 中華民族之現狀

(甲)中國人口之總數

我國現時尚無完備之人口統計，據政府報告，全國人口為四萬四千四百萬人，（佔世界人口總數四分之一而弱）每一平方英里人口密度為一〇四人。人口之增減，其有關於國民經濟者至為重要，國民黨對內政策第九條云：『清查戶口，整理耕地，調整糧食之產銷，以謀民食之均足。』

(乙) 中國人口之密度

(1) 中國人口之分佈狀況，與地形及雨量之分佈大有關係。本部十八省每方英里人口密度平均爲二六七人，東三省平均爲五三人，內蒙古三特別區平均爲三五人。至於外蒙，新疆，西藏平均僅得三人。

(2) 江浙兩省人口密度平均六六九人，實世界上人口最稠密之區域。

(3) 凡一地人口密度達飽和點時，必有移民。我國移民最盛之區域有二：一爲福建之廈門與廣東之汕頭一帶，卽南洋華僑之出發地。一爲山東半島，卽滿蒙移民之出發地。

(丙) 中國之都市人口

吾國工人總數，至今尙無完備統計，據政府報告，吾國鄉村戶口所佔之百分率爲八〇，卽都市人口之百分率爲二〇。吾國農民人數雖遠過勞工人數，然近年來新式工人集中於少數之大都會，大規模之組織因而產生，各地工會聯合機關，其會員數額，動以萬計。故國民革命必有賴於全國農夫工人之參加，而後可期成功。

(丁)中國之糧食問題

糧食爲人口問題之關鍵。我國以農立國，但近年以來，糧食恐慌成爲重大問題。以洋米進口論，自民國九年迄於十四年，金錢外溢之數，平均達八千六百萬元之鉅。根本解決之策，惟有利用科學方法，振興農田水利，餘如禁種鴉片，化兵爲工，均爲當務之急。

第三章 華僑與祖國之關係

(甲)華僑史上之重要時期

(1)宋元以來，東南沿海已有人滿之患。明初鄭和航海，移民事業大盛。明史稱閩人在呂宋者達數萬人。

(2)明亡以後，漢族遺民流亡海外者甚衆。清廷以其多有民族思想，故海禁極嚴。如乾隆時，荷蘭人慘殺爪哇華僑六萬餘人，而清政府毫不過問。

(3)十八世紀中葉，英、美、西班牙諸國，始與中國訂立條約，招致華工出洋，任開礦築鐵路

等事。至光緒七年（一八八二）美國始下禁止華工入境之令，爾後各國紛起排斥華工矣。

（乙）華僑之地理分佈

暹羅一百八十萬人（潮州人最多）；英屬馬來半島一百二十萬人；荷屬東印度羣島七十萬人；美屬菲律賓羣島四十萬人（福建泉漳人最多）；法屬安南四十萬人；美國六萬人（廣州人最多）；加拿大五萬人。全世界華僑合計七八百萬人。華僑多屬中等階級，以經商為主，而自大資本家以至負販苦力皆有之。

（丙）華僑對於祖國之貢獻

- （1）如福建，漳，泉，永諸地，為華僑之故鄉，每年寄回現款達三千萬元。
- （2）如廈門大學，先施公司等重要機關，為華僑所建設。
- （3）孫中山革命事業，慷慨助餉，多為華僑。戴季陶氏嘗稱海外華僑為中華民國之母。

（丁）華僑保護問題

列國對於華僑之待遇，如財產權、營業權、納稅問題、國籍問題等，皆施以嚴酷之限制，但不施於他國僑民。反之，外國人在中國者，享有特殊權利（如租界權、領事裁判權）為一般國家所未有。是以中國之民族解放運動，應有二大目的，一方面宜打破外國人在中國之特殊地位，一方面宜解除華僑在海外所受種種限制。

第四章 移民實邊政策

（甲）移民實邊之重要

我國邊塞，荒地猶多，而內地戶口繁殖，失業者衆，正苦人滿為患；亟應移內地之貧民，實邊疆之曠土，國計民生，咸有裨益。且我國應裁之兵，數過百萬，殖民政策乃其最善之解決方法也。伍朝樞云：『希望本黨國精神，由珠江，揚子江，黃河三大流域最後發展至黑龍江流域。』

（乙）移民實邊之歷史（以黑龍江省呼蘭平原為例證）

(1) 官屯期（十九世紀中葉以前）
咸豐以前，滿洲尚為封禁之地，不准漢人出關開墾，僅有少數旗民駐防屯墾，故稱官屯期。但滿人天性素不習農，清代中葉，漢民越關私墾者已不少。

(2) 民墾前期（二十世紀以前）
咸豐末年，俄人南下侵略，清廷始以移民實邊為急務。山東直隸人滿為患，移民之風大盛。此期以農民為開發之主體，其農業經濟純屬中國式。

(3) 民墾後期（最近三四十年）
本期移民以鐵道為中心，新式工業勃興，滿洲農產在世界市場上佔一位置。

(丙) 殖民事業之三大區域

(1) 滿洲
東三省人口密度平均為五十三人，山東省為五百五十二人，適成十與一之比例。據日人統計，滿洲未開發之農田，其面積等於日本全國耕田之三倍。近年我國內地人民移殖東三省者，每年平均在五十萬人以上（回籍移民即春去秋歸者約居其

半。滿洲實我國過剩人口之重要出路。

(2) 內蒙古 自京綏鐵道告成，本區移民進行甚速，惟除鐵道沿線外，人煙仍極寥落，熱河，察哈爾，綏遠三特別區，合計不過七百萬人。大抵在綏遠宜提倡農墾，在察區亦提倡畜牧，孫中山嘗稱察哈爾為中國之阿根廷，將來世界肉類最大供給地之一。

(3) 新疆 天山北路，伊犁河，額爾齊斯河流域，皆膏腴沃壤，頗適耕種，現多用為牧場，亦為移民屯墾至有希望之地。

(丁) 中國邊防之二大問題

(1) 間島問題 間島在吉林省東南隅之鴨綠江流域，間島人口朝鮮人二十二萬餘，中國人不過七萬，即所謂雜居區域也。東三省之日本僑民，雖不過二十萬人，而以南滿洲鐵道公司為其大本營，其關係之重大，較之間島，不啻十倍。

(2) 片馬問題 片馬為雲南西邊要隘，在騰越之北，野人山在其西，高黎貢山在其東。英人之野心，欲以武力進佔片馬，以高黎貢山為界，由此可以進窺西藏滇蜀。

第五章 原始民族之開化運動

(甲)未開化民族之生活

- (1)上古部落時代； (2)女權時代； (3)畜牧時代漸進至耕稼時代； (4)無文字，無貨幣，無醫藥。

(乙)未開化民族之種類

- (1)苗人 居於雲貴高原之苗嶺，總數約一百五十萬，大別為正苗族與漢苗混合族。
- (2)獠人 居於嶺南山地，分生獠熟獠二種，閩浙深山間有畚民，亦獠之一支。
- (3)黎人 居於海南島之五指山，亦分生熟二種，海南島天然富源多在黎境之中。
- (4)白夷 即擺夷，居於滇省西南部之峽谷，大抵夷人多居於拔海四千尺以下之幽谷，漢人居於四千尺以上之高原。
- (5)獯獯 居於四川建昌道南部之谿谷，在諸蠻中最為桀驁不馴。

(6) 西番 與西藏人同種，居於西康特別區，甘肅西南部之高原，及青海。

(7) 黑龍江下流之「魚皮韃子」即黑斤人，以捕答抹哈魚（即鮭魚）爲生計，亦稱答抹哈人。江上結冰，則以數犬駕橇，故又稱使犬部。

(8) 興安嶺中之打牲部落 即索倫人與鄂倫春人，以採獵爲生計，射擊最精，亦知養馴鹿，又稱使鹿部。

(丙) 蠻族之開化運動（舉例）

(1) 南京高等師範學校畢業生藍絢，係浙江遂安縣之畚民。

(2) 雲南普洱沿邊白夷村落中，近設漢文學校，漢夷漸通婚姻。

(3) 近年黑龍江政府提倡鄂倫春教育，嫩江諸縣之國民學校有鄂倫春人兒童，入校半年可通漢語。

(4) 民國十六年六月，廣東省政府設立開化黎孺局。

孫中山民族主義有扶植弱小民族一項，今後對於數百萬蠻族，當助其開化，以期地無遺

利，人無餘力。

第六章 西北回教徒之分佈

回民乃五族之一。新疆甘肅係回教之三大中心，甘肅回教徒約二百萬人，新疆在二百五十萬人以上，此外陝西雲南等省亦有之。中國回教徒分爲二派，卽漢回與纏回。漢回居於甘肅與天山北路，言語衣服皆從華風，甘肅經商販馬多回人。纏回乃天山南路之土著，務農者居多，頭纏白布，故有纏頭回之稱。漢回多強悍，往往與漢人發生仇隙，清季回亂，卽由漢回起釁。纏回多安居樂業，簡質循法，歐戰以後，雖有土耳其回教徒之煽惑，而不爲所動，實五族中之良民也。

第七章 外蒙問題與西藏問題

(甲)外蒙古問題 外蒙喀爾喀四部，隸屬我國已歷二百餘年，最近形勢激變，分爲四期如

左：

(1) 辛亥革命，蒙古獨立，受俄帝國之保護。

(2) 民國四年，中俄蒙條約成立，我國得宗主權之虛名，俄國得經濟上之實權。

(3) 歐戰勃興，俄國革命，民國八年，蒙古王公自願取消自治，九年有庫烏科唐鎮撫使之設立，駐紮庫倫。

(4) 民國十年蒙古國民黨以蘇維埃俄國之奧援，組織政府，號曰蒙古共和國，廢除階級制度，實行社會主義。

民國十三年中俄協定成立，蘇聯政府承認外蒙為中華民國之領土，而事實上則外蒙之俄化益甚，不啻為蘇俄聯邦之一員。

(乙) 科布多與唐努烏梁海問題

(1) 科布多係西蒙古人，與外蒙喀爾喀之東蒙古人本不同宗，且世有仇敵。辛亥外蒙獨立，科城尙孤守一載有餘，可見其內向之誠。惟近年我國無暇北顧，科布多不得已加入

外蒙民國。

(2) 烏梁海人係突厥族與蒙古族之混合種，語言與蒙語不同。其地山河環繞，富於森林礦產，實外蒙之寶庫。自蒙古獨立，俄人乘機侵略，蠶食殆盡。民國八年曾一度收回。民國十三年烏梁海人倣效外蒙，建設烏梁海民國，已入蘇俄勢力範圍。

(丙) 西藏問題

(1) 光緒十九年（一八九三）訂定藏印通商條約，亞東開為商埠，以藏人持閉關主義，致起兵端。

(2) 光緒三十年（一九〇四）英兵入拉薩，迫藏人為城下之盟，遂開亞東江孜噶大克三地為商埠。

(3) 民國二年（一九一三）中英藏三方會於印度西謨拉，訂立草約，該約創為外藏內藏之名，外藏包有西藏及川邊之昌都，另設獨立政府，不啻淪為英之保護國。中政府以該約喪權辱國，拒未簽字。

(4)大戰以後，英人侵略主義，繼續進行，尤注意於交通，拉薩與印度間電線已通，民國十三年又有率兵越境之事。我國連年內亂，藏案擱置已十餘年。

(丁)外蒙西藏與祖國之關係

(1)就歷史言之，中國與西藏政治的關係與宗教的關係，已亘千三百年之久。蒙古在中國民族史上，更有元代一百年之榮譽。

(2)就經濟言之，華茶稱爲蒙藏二族生命之源泉。而內外蒙之間，平沙大漠，茫無藩籬，在地理上尤覺合則兩利，離則兩傷。外藏之名，則毫無根據。

今後之問題，當本民族平等之精神，聯合蒙藏，組織真正之中華民國，共禦外人之侵略。惟以英俄之亞洲領土與外蒙西藏壤地相接，中國不妨依特殊協定，爲印俄國民謀經濟之便宜；至於政治上則英俄政府決不許行其干涉。

第八章 中國之民族精神

(甲)中國爲一完全發展之民族

(1)就風俗言之 中國諸多天然區域，雖各有其相應之風俗，未可一概而論；但自唐宋以來，統一既久，多方醇化，齊其不齊，由今言之，固可謂中國人自有中國人之習慣，與歐美，日本迥乎不同也。

(2)就方言言之 中國有一種公用的官話，可以通行於各處。今日語言最不同之諸省，莫如閩廣，而一察其不同之點，則不過在乎語音之一部分，至於語法之組織，詞類之變化，與他省尚屬大同小異。惟蒙藏二族語言與漢族顯然大異。

(3)就文化言之 孔子爲中國文化之中心。春秋以前之文化，孔子集其大成；春秋以後之文化，孔子立其大本。孔子之時，各國分立，而孔門弟子兼收多數國籍，故中國教育統一一先於政治統一。二千年來，全民族奉爲師表。

(乙)中國民族之四種重要精神

(1)和平主義 中國民族爲世界最愛和平之民族，中國人數千年來，反對侵略主義，皆

出於天性。孫中山之民族主義，根據吾民族酷愛和平之大道德，故爲健全的反帝國主義。

(2) 中庸主義 中庸之道，在使兩方面平衡調和，不趨極端，在信仰上則爲自由主義，在經濟上則爲平均主義。歐洲歷史上慘酷之宗教戰爭與階級鬭爭，中國獨未有。共產主義不適於中國者，亦以此故。

(3) 人本主義 中國文化以人倫爲中心。人倫道德，首推忠孝，忠者代表民族主義（例如文天祥之盡忠報國），孝者代表家族主義（家族主義之特色爲合作主義）。自滿清入主中國，民族主義漸次失墜，於是中國人只有家族與宗教團體，四萬萬人等於一盤散沙。孫中山謂中國之家族與宗族，乃個人主義與民族主義之中間社會，現當擴充之，由小單位聯合而成國族，則已失之民族主義，不難恢復云。

(4) 實用主義 中國民族重實行而輕理想。亞里士多德與孔子雖皆以中庸爲教，然究其人生觀之全體則截然不同。蓋亞里士多德之所從事者，非僅人文之學問而已，且究

心於自然科學。孔子則以「致知格物」爲「正心誠意」之附屬物。至歐洲近世篤信培根之說，以智識爲權力，科學發達，物質文明大盛。英人羅素嘗謂西方文化之特點爲科學方法，中國文化之特點爲合理的生活觀念，可謂知言。孫中山倡「知難行易」之學說，主張吸收西洋之科學精神，以改造我國民之心理。其大要當由科學原理以求得真知，蓋「從知識而構意像，從意像而生條理，本條理而籌備計畫，按計畫而用工夫，無不指日可以樂成者也。」先生以爲建設國家所難得者爲理想家而非實行家。近十餘年來，中國人科學精神已漸次發達，世界科學紀載中，漸見中國人之新鮮貢獻，此爲民國史上至有價值之事。

第一章 中華民族發展史

中華民族之發祥地——中原

中華民族自有史以來，即以黃河下流爲根據地，所謂中原是也。堯都平陽，舜都蒲坂，禹都安邑，皆在今山西省汾水下流。文王作豐，武王都鎬，秦都咸陽，漢都長安，皆在今陝西省渭水下流。東周東漢皆都洛陽，在今河南省洛水下流。中原者，中國之代名詞也。古時大江流域稱爲蠻夷之地。楚熊渠（西曆紀元前八八七至八七八年）曰：『我蠻夷也，不與中國之號謚。』至春秋時，楚人筮路藍縷，以啓山林，與中國交通，而文化始興。楚之文化，傳之於吳，吳又傳之於越。越人至戰國時始與中國交通。春秋戰國五百年間，中國文化已極燦爛。孔子魯人也，（在今山東省曲阜縣）孟子鄒人也，（在今山東省鄒縣）老子生於陳，（在今河南省

鹿邑縣)而仕於周，墨子亦魯人也。而齊國自太公管子以來，以尊賢尚智爲教，學風最盛。齊宣王(紀元前三三二至三一四年)喜文學遊說之士，於稷門(齊都臨淄之南門)立學舍，學士數百千人，荀子嘗爲稷下祭酒(猶今校長)。故太史公曰：『夫齊魯之嫻於文學，自古以來，其天性也。』(註一)

秦人據關中之地(卽渭水流域)以成富強之業，至始皇帝併吞六國，廢封建爲郡縣，中國之統一自此始(時在紀元前二二一年)。當時吳越之地，遠及南粵(今廣東)皆入秦之版圖，南方未開化之地，日漸開闢，然較之中原，迥乎不侔。故太史公有『楚越之地，地廣人稀』之語。當時中國最富庶之區域，厥惟關中。蓋秦漢之際，引涇渭之水，作鄭白二渠，溉田四五萬頃。太史公曰：『關中之地，於天下三分之一，然量其富什居其六。』(註二)大江流域，以漢水上流發達最早。西漢之興自漢中(今陝西漢中縣)東漢之興自南陽(今河南南陽縣)。西漢末，中國有六大都會，曰長安，曰洛陽，曰邯鄲(趙之故都，在今直隸邯鄲縣)曰臨淄(齊之故都，在今山東臨淄縣)曰宛(卽南陽)曰成都(今四川成都)大江下流無

一焉。

西漢時代有「山東出相，山西出將」之語。東漢時代有「關西出將，關東出相」之語。所謂山東山西以華山爲基點，關東關西以今潼關爲基點，義無二致。漢武帝拓境開邊，北地（在涇水上流）良家子，奏功常最。如東漢時遠征西域之班超，乃今陝西咸陽縣人也。漢末大亂，三國分立，孫吳立國於江東。南京建都，而與中原相對抗者，自此始。吳國人才，均產江淮以南，如孫權富春人（今浙江富陽縣），陸遜吳人（今江蘇蘇州），周瑜舒人（今安徽安慶）。然大略言之，中國文化中樞，迄西晉時，猶在中原。西晉時有「豫州人士常半天下」之語，豫州卽今之河南。據近人丁文江君歷史人物之統計，河南一省在東漢時佔全國人物總數百分之三十七，而江浙二省合計不過百分之六耳。（註三）

第一次民族大遷徙——南方之初盛

西晉之末，五胡亂華，塞外種族，所殺晉人不下數十萬人，焚洛陽宮廟官府皆盡，所謂永

嘉之亂是也。永嘉之亂，中州士女避亂南遷者，十居六七，號曰渡江，是爲中國民族第一次大遷徙。東晉初立，定都南京，（時在西元三一七年）於是南方爲漢族正統之國，二百七十餘年，中州人士，僑寄不歸。顏之推云：「冠冕君子，南方爲優；閭里小人，北方爲愈。」蓋永嘉以來，北土民間猶以漢族居多數，其習俗優於南方吳越之民。而南朝卿相，多出中原衣冠望族，其風尙遠較北方高官之由蠻族出身者爲優也。如王謝二族，原籍中州，（王導今山東琅琊縣人，謝安之父今河南太康縣人）東晉過江，卜居秦淮，歷十世有名人，此其代表也。唐林謂閩中記曰：「永嘉之亂，中原仕族林、黃、陳、鄭四姓，先入閩（今福建）。」福州曰晉安，泉州曰晉江，皆以晉時民族遷徙而名。

大抵南北朝之疆土，以秦嶺與淮水爲分界。當時中國大都會，北推洛陽，南推建康（卽南京）。南朝國勢，以梁武帝時（西元五〇一年至五四九年）爲最盛，京師人口，蓋達一百四十萬，實爲古今稀有之大都會。（註四）北方自異族佔據以後，擾攘幾及百年。陸游有云：「今人稱賤丈夫曰漢子，蓋始於五胡亂華時。」然雜居既久，異族漸爲中國文化所征服，而漸與

漢人相同化。後魏拓跋氏本東胡族鮮卑之裔，至孝文帝時（四七一年至四九九年）其國都山平城（今山西大同）遷至洛陽，汲汲然同化於華夏。禁其國人胡服胡語，又改其姓氏（如拓跋氏改爲元氏）與漢族通婚姻，於是胡漢混雜，不可復辨。據近人梁伯強君醫學上之研究，中國人之血液，以南方爲最純粹，北人不及南人。（註五）所以然者，卽由胡漢通婚之結果。至隋唐之際，吾民族吸收異族分子爲尤多。

唐之帝國，開中國歷史上未有之盛況，塞外諸族及西域諸國，皆奉唐代之正朔，故有『天可汗』之稱號。唐太宗曰：『自古皆貴中華賤夷狄，朕獨愛之如一，故其種族皆依朕如父母。』而外人亦深以歸化中華爲幸。據桑原博士所考證，唐時中國固有之李姓外，蕃人出身之姓李者甚多，如高麗人，渤海人，奚人，契丹人，及回紇人，突厥人，黨項人，黠戛斯人，乃至安國人，印度人，大食人，波斯人，猶太人等。如唐末有大食國（今阿剌伯）人李彥昇，成大中二年（八四八年）進士，睹其名已可知其華化之深。（註六）蓋自隋唐以來，『有張三李四』之諺，姓氏淆亂，不可究詰。惟南方移民，對於譜牒之學，尙極注重。東南故家大族，多自中原遷

移而來，重宗誼，講世好，千載之譜，一毫不紊。然由今觀之，所謂譜學者，不過敬祖收族之遺意，種族之辨，無人過問焉。

晉室南渡，於南方之開發，有重大之意義。晉元帝謂諸葛恢曰：『今之會稽，昔之關中，』其殷實概可知矣。故自隋唐統一，而中國經濟，已有南北倒置之象。有唐一代財賦，悉仰給於東南，南米漕運，年約二百萬石。韓愈謂當今賦出天下，江南居十九，決非架空之談。唐都長安，賴運河與南方交通，而由運達江之點，則揚州也。上溯江流，下窮嶺海，遷徙貿易之人，往還京師者，均出揚州之下。故唐時揚州最爲繁華，時人諺稱『揚一益二』，謂中國之盛，揚州爲第一，而成都次之也。然當時南方之開發，實限於大江流域，至於珠江流域，草昧方闢耳。唐時嶺南之地，爲漢蠻雜居之區，官吏謫戍之所。韓愈謫居於潮州，柳宗元謫居於柳州，其最著者也。今廣西柳州有柳江，廣東潮州有韓江，卽所以紀念二公。北宋時蘇軾謫居瓊州，於是中國文明遠達島上矣。

第一次民族大遷徙——南方之全盛

永嘉之後，約八百年，而有靖康之亂，金軍大舉迫宋，汴京（今開封）陷落，徽欽二帝等千二百人被虜而北，宋室南渡，是爲中國民族第二次大遷徙。至今甯波一帶，名門右族，率稱「汴京遺宗」。趙翼有言：「宋南渡諸將立功，雖在江南，而其人皆北人也。韓世忠延安（陝西）人，岳飛湯陰（河南）人……統計諸名將，無一非出自山（西）陝（西）者，是南宋之偏安，猶是北方之餘力也。」杭州建都，在宋高宗建炎三年（一一二九年）自是以後，杭州爲南宋之京都幾百五十年。「上有天堂，下有蘇杭」之諺，蓋起於南宋以後。宋末元初，杭州尤爲浩繁，城內外不下百十萬人。馬哥孛羅（Marco Polo）稱杭都爲世界最繁華之地，又極稱其風俗之善良。自杭州建都以來，中國文化中心亦自汴洛之間移於東南沿海。朱子曰：「豈非天旋地轉，閩浙反爲天地之中。」北宋道學必推二程，二程河南人也。南宋道學必推朱陸，陸子爲江西人，朱子產於徽州而僑寓於閩，講學武夷山中，故朱子學派又有「閩學」之稱。廣東亦被其餘風，故南宋時已有「嶺學」之名。若夫黃河流域，受異族之壓迫蹂躪，戶口凋耗，文物萎微，不勝淪落之感。據丁文江君歷史人物之統計，山東山西二省，北宋時各佔

全國百分之十左右，南宋時降至百分之二或三；江西福建二省，北宋時各佔全國百分之五有奇，南宋時昇至百分之十三或十四，盛衰之變，可以概見。

蒙古崛起漠北，入主中原，以北京爲都城。蒙古帝國，東至日本海，西至地中海，版圖之大，亘古無匹。元人分所治爲蒙古、色目（卽西域人）、漢人、南人四色。元時所謂漢人南人者，以宋金疆域爲判；故契丹、女真、高麗皆漢人，而純粹之漢人反爲南人。元代對於南人，防之甚嚴，凡中央政府之要職，皆蒙古人爲之。至元之末葉，天下騷然，感於懷柔南人之必要，始用南人爲要官，然已無及矣。元代有一特色，卽西域人之華化者甚多。蓋元軍先定西域，後下中原，西域人之從軍者，被虜者，接踵而至。元制，色目人可自由雜居，故一傳再傳之後，通中國之文，讀中國之書，炫於中國之文物，視爲樂土，而不肯思歸。據近人陳垣君所考證，畏吾兒（卽回紇）突厥、波斯、大食、敘利亞等人，本有文字，本有宗教，然一旦入吾華地，亦改從華俗，且多在文學界佔重要之地位，從可見元代西域人受中國文化影響之深且廣也。（註七）

明太祖以南京爲根據地，傾覆蒙古，恢復中華，其論中原檄有云：『余本淮右布衣，因天


下亂，爲衆所推，率師渡江，居金陵形勢之地，今十有三年，南方盡爲我有。方欲遣兵北逐胡虜，拯生民於塗炭，復漢官之威儀。慮民人未知，反爲我讐，故先諭告。歸我者永安於中華，背我者自竄於塞外；蓋我中華之民，天必命中國之人以安之矣。」明代對於中國民族史之貢獻，爲西南方之移民。雲南之建省始於元，貴州之建省始於明。明太祖定鼎金陵，徙舊民置雲南，另徙江浙人口以實京師。明初江南人民，從征雲南者甚多，其後有遊宦入籍者，有商賈僑寓者，教化所敷，日以維新。明武宗時，王陽明謫居龍場驛，常講學於貴陽，貴州文學從此昌盛。大抵元明以前，雲貴高原通於中國者不過十之一二；元明以來，中原風氣十得六七矣。


明太祖洪武元年（一三六八）詔以開封府爲北京，應天府爲南京，尋罷北京。以應天爲京師。成祖永樂元年（一四〇三）建北京於北平府。七年改北平爲順天，仍以南京爲京師，成祖駐於順天，故稱行在。至英宗正統六年（一四四一）始以北京爲京師，而南京爲陪都，或曰留都。明代都燕之原因，謝肇淛君言之甚明，「蓋山後十六州，自石晉予戎狄，幾五百年，彼且自以爲故物矣，一旦還之中國，彼肯甘心而已耶？其乘間伺隙，無日不在胸中也。」太祖

既逐胡元，命燕王鎮守北平，蓋隱然以北門鎖鑰付之矣。『自明都燕，從邊疆戎馬之地，開聲名文物之盛，陸海百貨，聚於其中。明代北方六省，人物之百分數，平均爲四·七，惟直隸爲七·二，則以京都所在故也。滿清以外族入主中國，亦建都於北京，取其兼顧滿蒙，較爲近便也。』

歷覽前史，北方千六百年間，除隋唐三百二三十年，北宋百六十年，及明二百八十年外，其餘八百數十年間，皆在異族統治之下。漢族之優秀分子，或慷慨死義，或遷徙南下。子遺之民，迭經屈辱，養成服從之性，又與異族雜居通婚之結果，民氣每况愈下。燕趙古稱多慷慨悲歌之士，至近世則寂寥甚矣。宋明之季，忠臣義士，皆產南方。元末與晚清之革命，亦皆自南方起義。明季大儒，如顧亭林（江蘇崑山人），黃黎洲（浙江餘姚人），王船山（湖南衡陽人），皆以南人志存光復，而王船山鼓吹種族主義，爲尤激烈。其所著黃書有云：『可禪可繼可革，而不可使異族間之。』黃書溯黃帝爲吾族之祖，辛亥革命軍文牘多署黃帝紀元四千六百有九年，卽受黃書之影響。自武漢舉義以來，大江南北，盡歸光復，而北方於秦（陝西）晉（山西）而外，奮起者蓋寡。民國元年孫大總統之辭職也，堅持新總統須在南京就職之條件。誠

以『北京爲兩代所都，帝王癡夢，自由之鐘所不能醒；官僚遺毒，江河之水所不能湔。必使失所憑藉，方足鏟除專制遺孽；遷地爲良，庶可蕩滌一般瑕穢耳。』且以揚子江流域農工商業之盛，實爲中國經濟上中心要地，定都於此民族生活之大動脈，足以調劑南北之平。今年四





南京孫中山陵墓

月，國民政府繼述總理遺志，定都南京，誠我民國千秋大計。（註八）

滿洲開發史

關東草原，東胡族之故鄉也。二千年來，與吾國倏分倏合，關係至爲密切。試分三期，略述如左：

(一) 戰國時，燕之勢力已達關外。秦滅燕，置遼東遼西二郡，漢代因之。三國以降，漢人勢力失墜，慕容氏（東胡族）并有遼東，遂蠶食幽燕，五胡亂華，此其一也。史稱慕容氏引用漢人，雅慕中國文化，故傳世獨長。及慕容氏衰，遼河流域爲高句麗（東胡族）所有。隋唐之間，高句麗國勢最強，北至長春，東臨日本海，南至漢江，西抵遼河，與隋之遼西郡爲界，國都在今朝鮮平壤。唐高宗時，（西元六六八）滅高麗，其地屬安東都護府。唐玄宗時（七一三），滿洲北部有渤海國之興起。渤海嘗受唐之冊封，子弟遣唐留學，得中國文物制度，文化頗有進步。其領土東至日本海，南至朝鮮大同江，西至遼河中流，與契丹爲界，北至黑龍江邊。其與中國交通要道，卽爲今之旅順。其國都臨忽汗海，卽鏡泊湖。今

吉林寧古塔西南七十里，渤海城址往往可認。渤海爲遼所滅，其後金源滿洲，更起迭興。梁任公曰：『二千年來，外族與我族之關係，以東胡族爲最頻繁，其苦我也最劇，其同化於我也最完。』

(二)五代以後，漢族復衰，遼金二國皆以東胡之游牧族，侵入中國。遼卽契丹，興於遼河上流潢水（西喇木倫河）流域，都臨潢。遼極盛時，東至日本海，西至天山，北至外蒙古，南至北京，以白溝河（今直隸拒馬河）與宋人分界，至宋徽宗宣和元年（一一一九）滅於金。金卽女真，興於松花江支流牡丹江流域，至宋高宗紹興二十二年（一一五二）遷都北京。遼人僻在東北，未嘗南下，金則自北京而開封，國都屢遷，兵力所及，遠至江浙，南宋之世，與漢人平分中夏，至宋理宗端平元年（一二三四）始爲蒙古所滅。遼金二代，雖努力吸收中國文化，但同時亦知保存國性，如金人建立女真大學，以女真語翻譯中國古典，以授青年子弟，此爲東胡民族自決之證據，與南北朝時元魏之禁止鮮卑國語，頗不侔矣。

(三)元於關東設遼東行省，其首府卽今奉天遼陽縣。明代設遼東都司（猶今特別區）附屬於山東省。永樂時始築邊牆，西起山海關，東抵鴨綠江，延袤二千餘里。萬曆以後，滿清勃興，乘明之衰，力征經營，三十餘年，遂以亡明。滿清乃金人餘裔，起於遼河支流渾河流域。明萬曆四十四年，卽清太祖天命元年（一六一六）建都興京，在瀋陽之東二百七十里。天命十年，遷都瀋陽，名曰盛京，是其發祥始基。迨太宗撫有全遼，世祖進兵關內，順治元年（一六四四）遷都北京，遂以盛京爲留都。

遼金及清，其初皆勇悍之游牧族，『生生之資，仰給畜牧，績毛飲漚，以爲衣食；凡酒食會聚，以騎射爲樂』。是以兵精馬強，所向無敵。其後入居中國，參用中國之人才，吸收中國之文物，制度風俗，模倣中國。故其初之以尙武興者，卒多同化於漢人之文教。滿清入關以後，旗人假天朝之威，常得高官厚祿，生習繁華，養成驕逸；卽滿洲各城兵丁，亦坐食俸餉，類成游惰，一飽之外，更無奢望。初，滿人以種族之偏見，禁止漢人出關耕墾，致有用之地，拋棄如遺。及咸豐以後，俄人南下，日人北進，清廷爲國家大局起見，始實行移民實邊之政策。光緒三十三年

(一九〇七)奉天、吉林、黑龍江改建行省，籌邊殖民諸要政，大有起色。燕齊生齒日繁，諗知關外土地肥沃，爭來耕墾，趨之若鶩，人口之數，與年俱增；農業愈發達，漢族之勢力亦愈大。現在滿洲人口共有二千萬人，其中十分之九以上為漢人移民，而尤以山東人居大多數，滿洲土著不及十分之一，散居於興安嶺中與松花江下流一帶。其他各地，不復見有純粹之滿人，蓋自辛亥革命以後，滿人皆已改漢姓，學漢語，瀰漫漢風，舊俗日漸。滿漢之界限，渺乎不可復迹矣。

蒙古開發史

以大較言之，蒙古草地二千年來乃突厥族、東胡族、蒙古族與漢族先後活動之舞臺。顧前三族均為游牧民族，如史記匈奴傳曰：「居於北邊，隨草畜牧而遷徙，無城郭常居耕田之業。」北史突厥傳曰：「其俗穹廬毳帳，隨逐水草遷徙，以畜牧射獵為事。」今之蒙人，依然為天幕之生活，馬上之生活。塞外農業之勃興，悉為漢人之功。近百年來，漢人出塞移殖，絡繹於

途，於是草萊荒蕪之區，漸變爲農墾發達之地。

塞外草原，良馬所出。自匈奴以至蒙古，皆以騎兵稱雄於北方。『南下牧馬，』幾成爲北方蠻族侵略中原之代名詞。秦漢時匈奴（突厥族）最強，寇我邊境，漢興尤被其害。吾國人抵抗匈奴，始則以長城爲界。（秦代土築之長城，在陰山一帶，毀滅已久。現在嘉峪關至山海關磚砌之長城，皆明人所築。）至漢武帝窮竭兵力，漠南爲漢所有，匈奴失陰山之後，過之未嘗不哭也。匈奴旣衰，南遷者雜居中華，而烏桓鮮卑（東胡族）漸以強盛。後魏拓跋氏卽鮮卑之裔，其境域之廣，則北逾大磧，西至流沙，東接高麗，南臨淮漢，而與南朝平分中國，已見上述。河套黑水（黃河之支流）一帶，爲秦漢時代之雲中郡，漢民族嘗屯田其間，至四世紀時遂爲拓跋氏之發祥重地。張相文云：『歸化城西行七十里，有畢克齊鎮，周隋兩代之豐鎬也。唐高祖生長武川，其地在今畢克齊之北，至李克用發迹天德，石敬瑭世居陰山，皆不出此數百里間。天荒地老，世產霸才，亦可異矣。蓋自拓跋魏興自代北，歷周、齊、隋、唐以至五季，奕葉連枝，相承不絕，直至宋初而後衰。』

突厥族之歷史，殆如雙峯並峙，一爲秦漢間之匈奴，一爲隋唐間之突厥。突厥盛時以塞外爲根據地，東至於遼東，西至於裏海，唐太宗高宗之世，征服突厥，故唐之武功媲美於漢。（突厥之滅在唐玄宗天寶四年卽七四五年）匈奴爲漢所敗，西遷歐洲，而成今之匈牙利；突厥爲唐所敗，西遷歐洲，而成今之土耳其。然突厥族未嘗一度入主中夏，此爲與東胡族不同之點。蒙古族爲東胡突厥之混種，其在中華民族中，興起最晚，而兵威獨最盛，至今白人猶以蒙古人爲黃種之代表。

蒙古成吉思汗（卽元太祖）崛起之地，在外蒙古肯特山之陰，鄂嫩河（黑龍江上源之一）至窩闊臺（卽太宗）奠都和林（一二三五年）在杭愛山之陰，鄂爾坤河（色楞格河上流之一）之源。當十三世紀之初，成吉思汗以不世之天才，統一全亞，並歐洲之東部，混合一切民族。其後數世間，蒙古大汗所都之和林，萬國衣冠咸會於此。各國之使臣，與諸教之主教，項背相望。據歐洲教士維廉（Guillaume de Rubrouch）所記，（維廉以一二五三年當元憲宗蒙哥之世，奉法王路易第九之命，使於和林）一日儒釋道回回基督五教，抗

論於大汗之前，大汗以寬容之態解之曰，此五教如手之五指，不可闕一。此不獨對宗教爲然，各國工匠亦多居和林之肆。（註九）故和林之地，各種族雜居，此實蒙古之黃金時代也。蒙古主蒙哥（憲宗）使其弟忽必烈（世祖）鎮漠南，漸置城郭於御河（即灤河）上流，建開平府，即今多倫是也。至忽必烈滅宋而全有華夏，至元元年（一二六四）始遷都燕，曰大都，即今北京是也。元代北京爲大都，多倫爲上都，每年四月草青，則駕幸上都避暑，頒賜於宗戚，馬亦就水草，八月草將枯，則駕回大都，每歲往來於兩地。史稱上都山多林木，水饒魚蝦，鹽貨狼藉，畜牧蓄息，居民利之。今元時宮殿故址猶存，荒臺斷礎，零落於荒煙野草之間，可爲一慨。

明太祖恢復中華，蒙人遂竄於塞外，復反於部落狀態，土崩瓦解，一蹶不復振。明與蒙古，以長城爲界。清代統一中國，長城以北，盡爲蒙古牧地。蓋滿清初興，鑒於前代邊患之烈，實行羈縻政策，固不利其土地也。分旗置牧，世其封爵。時以朝貢，所以撫綏之者，不可謂不至。顧一方懷柔蒙人，保護其牧畜，一方則利用喇嘛以減其生殖，斷絕交通以閉其耳目，故禁止漢人移居蒙地貿易耕種，及娶蒙古婦女，又禁止蒙人學習漢文，可見清代防閑蒙人，亦無所不用

其極。然承平既久，燕晉貧民子身出口，貿易耕種者，亦漸成習慣。大抵康熙帝每年巡幸熱河，開漢人移居蒙地之漸，二百年來，生聚日繁，或春往冬歸，行居莫定，或鑿井築室，成爲土著。至二十世紀之初，清廷視俄窺蒙日急，政策一變，而西北放墾之議興。民國以來，政府亦持移民實邊政策，鐵道已成，推行較易。今內蒙有熱河察哈爾綏遠三特別區，凡三十縣，大都已設縣治之地，皆漢勝於蒙，農重於牧；而張家口歸綏包頭，稱口北三大鎮焉。至於陰山以北蒙旗之地，大都黃沙白草，穹廬簇簇，非復中原之風云。

外蒙隸屬我國，已歷二百餘年，最近形勢激變。辛亥革命，蒙古獨立，陰實操縱於俄。民國四年中俄蒙條約成立，我國得宗主權之虛名，俄國得經濟上之實權，外蒙自治徒有其名。民國八年，外蒙王公自願取消自治，九年有庫烏科唐鎮撫使之設立。（庫倫，烏里雅蘇台，科布多，唐努烏梁海）民國十年蒙古國民黨以蘇維埃俄國之奧援，組織政府，號曰蒙古共和國，廢除階級制度，實行社會主義。民國十三年中俄協定成立，蘇聯政府雖承認外蒙爲中華民國之領土，而事實上則外蒙之俄化益甚，不啻爲蘇維埃聯邦之一部，蓋我國連年內亂，坐

令外人越俎代庖，今國民政府成立以後，對於外蒙，當開誠布公，促以內向，本民族平等之精神，組織真正之中華民國，此皆國民之天職也。

新疆開發史

天山南北二路，以地理環境實不相侔，天山北路屬草原帶，與蒙古滿洲相似，天山南路之特色，即沙漠中之水草田是也。地理影響於歷史，故在前漢時，天山北路有烏孫國（在今伊犁河流域），烏孫爲行國，以畜牧爲生計，與匈奴同俗；天山南路小國棋布，凡三十餘國，其民居城郭，有田疇廬舍，與匈奴異俗。所謂國者，實即一水草田，人口或千餘或數千，最大之龜茲（今庫車）人口八萬餘。西域之名起於漢代，有廣狹二義，狹義之西域即今新疆省天山南路，漢書西域傳云：『南北有大山，中央有河』是也。但後來交通漸廣，中亞一帶葱嶺東西之地，統稱爲西域云。

自地圖觀之，新疆之地實東亞與西亞商業之通路也。雖除此道外，非無東西交通之道；

然由西藏入印度之路，自西曆六四〇年西藏爲佛教國後始開，雖在今日，罕有行此道者；又如經雲南緬甸通印度之路，有山河之險，有野人之阨，且其途昔人所未知也。至於海路，則爲馬來半島所隔，道里回遠。最初東亞與西亞之交通，舍新疆末由矣。始開此道者，乃漢武帝之臣博望侯張騫，張騫之中亞旅行（西元前一三八至一二六年）史家所謂「鑿空」之事業也。

漢代之經營西域，在先得祁連山北麓之地，匈奴退入於沙漠中，西域之道遂通。又自今肅州築長城以達玉門，長約四百哩，爲掩護行軍之用。玉門在敦煌水草田中，漢代有事於西域者之大本營也。漢人統治西域自宣帝時始，漢之西域都護治烏壘城（卽今庫車縣）督察天山南北兩路諸國。膺斯任者，如和帝時之班超，（西元後九四至一〇二年）實爲中國史上一最偉大之軍人與政治家。漢人統治西域凡百餘年，考其原因，一爲外交手腕，（卽所謂「以夷制夷」之政策。）一爲文化勢力，而兵力尙爲其次。（註十）當時西域之地爲中西交通之津梁，中國文化由此而西被，波斯印度之文化由此而東流。當佛教及其美術之東行

也，實山伊蘭民族（即古代波斯民族）爲之介紹，自漢迄於魏晉之間，中國之翻譯經典，或出康居，或出大月氏，或出波斯，大抵生於伊蘭族中，而自印度來者寥寥。然伊蘭人在東方之事業，不獨於佛教而已，其於他宗教亦然。當西曆第七世紀以前，中國數百年間，罹分崩之禍，至隋唐統一中國，前此東西交通之路，因亂梗塞者，至此復開，於是三大宗教，相踵而入中國，即景教（基督教之別派，所謂聶斯托爾派 Nestorians），摩尼教（波斯人摩尼 Mani 所創，爲耶穌後謨漢默德前西方一有力之宗教），祆教（即波斯人蘇魯亞士德 Zoroaster 所倡之拜火教）是也。伯希和云：『今日所能斷定者，中國與印度佛教及其他宗教之關係，非面相授受，又非經突厥人之介紹，實因伊蘭人民屢活動於中亞細亞，爲東西之驛騎；此今後之學界，所不能不承認者也。』（同上註九）

唐高宗時，（六六〇）平西突厥，自阿爾泰山至阿母河流域之地皆屬唐之版圖。唐代統治西域，置安西都護府，轄天山南路及波斯以東，治西州（今吐魯番）後徙龜茲（今庫車）又置北庭都護府，轄天山北路及吉爾吉思草原，治庭州（今迪化）。唐代東西交通之

繁盛，又過於漢代。唐中葉以後，國勢漸衰，當時西藏之地，有新建之吐蕃國，與之抗衡。內則變亂相繼。於是突厥族中之回紇族，日以強大，動則干涉中國之內政。回紇本居外蒙，後徙新疆，以吐魯番水草田（古名高昌）為其國都，其國教則摩尼教也。回紇唐元和間（九世紀之初）改稱回鶻，其族類本在葱嶺之東，與回回（波斯大食人）之在葱嶺以西奉阿薩蘭教（Islam 即謨漢默德教）者迥殊。五代時回鶻既衰，漸有改奉阿薩蘭教者，遼史稱為阿薩蘭回鶻。在蒙古未興以前，回回教已風靡天山南路。

成吉思汗興於十三世紀之初，方其歿時，西起黑海，東至黃河，均在蒙古大汗直接統治之下。蒙古帝國百餘年間為中國與歐洲貿易上、藝術上、知識上之自由交通時代，其繁昌為近古所未有。中古時代最大之旅行家馬哥孛羅即沿天山南路而來北京。元亡以後，中西陸路交通又復梗塞。明代以嘉峪關為邊境，時葡萄牙人海上航業逐漸發達，中西陸路交通，其重要遠不逮昔。是以十七世紀之末，清代之征服新疆，在世界交通史上觀之，自不及漢唐兩代之富於興味矣。

乾隆二十年（一七五五）平定準部，二十四年（一七五九）平定回部。準噶爾者，西
蒙古人之一族，元亡以後，遊牧伊犁河附近。清初準部強大，其勢力東及蒙古，南抵拉薩，與中
國抗衡。康熙帝親征準噶爾，敗之於外蒙古，至乾隆二十年後，清兵掃蕩伊犁，準噶爾男婦百
萬人皆伏誅，地盡空虛。清於蒙古西藏皆以舊俗羈縻，惟開拓新疆，以郡縣之法治之，故天山
南北二路日漸開化，迪化人物繁富，有『小蘇杭』之稱。同治年間，陝甘回亂，波及新疆，南路
諸城，先後失守。光緒元年（一八七五）詔陝甘總督左宗棠督辦新疆軍務，二年春出關，北
路平，三年南路平。於是新疆改爲行省，實行移民政策，大抵京津多商人，陝甘多農人，湘籍多
軍人，蓋左宗棠所部皆湘軍也。故新疆人種龐雜，甲於行省。据近年調查，新疆全省人口，列表
如左：

蒙之與哈，職業同而宗教不同，哈之於回，宗教同而職業不同，列表比較如左：

回	哈薩克人	蒙
子	突厥族	人
突	遊牧生活	蒙
厥	住圓頂天幕	古
族	喇嘛教	族
農		遊
商		牧
住		生
平		活
頂		
房		
屋		
回		
教		

纏頭回人	…50 %	… 1,750,000
漢回人	……15 %	……525,000
漢人	……15 %	……525,000
哈薩克人	…12.5 %	……437,000
蒙古人	…… 5 %	……175,000
滿人	…… 2.5 %	…… 87,500
共計	…100 %	… 3,000,000

(據政府經濟討論處統計)

漢人在新疆握有軍事商業政治上之重權。纏回則務農者居多，其詳俟第五章述之。若滿人多爲清初從征兵士駐防屯田者之後，人數甚稀，日趨不振，近年多與他族同化。新疆於光緒八年（一八八二）改爲行省，而財政支絀，軍需仍恃協餉。民國以來，始卓然有以自立，又其長官能以清廉節儉自持，吏治清明，勝於關內，故天山南北晏然無事，使政府稍紓西顧之憂，殊可喜也。

西藏青海開發史

西藏至第七世紀，始入歷史時代，唐宋曰吐蕃，元曰西番，明曰烏斯藏，清代始稱西藏。唐代吐蕃最強大，雄兵數十萬，唐太宗以宗室王女文成公主下嫁於吐蕃王棄宗弄瓚，其傾慕華風自此始。嘗遣子弟請入國學，以習詩書，又請蠶種及造酒碾磑紙墨之匠，並許焉。佛教傳入西藏在第五世紀初葉，弄瓚受公主之感化，加以闡揚，於是有印度高僧熱心布道，佛教之盛自此始。今拉薩所唱蠻戲，以唐公主時事居多，誠歷史上之佳話也。吐蕃與唐之關係，爲獨

立國之關係，觀唐穆宗長慶初年（八二一）建立吐蕃會盟碑（在今拉薩大詔寺）大唐與大蕃並稱，可以概見。至五代時，吐蕃亦衰弱，部落分散，無復統一矣。

元代征服西藏，以其地廣而險遠，民獷而好鬪，思有以因其俗而柔其人，乃定刺麻教爲國教。刺麻教乃西藏式之佛教，初稱紅教，以蕃僧衣紅袈裟故也。元世祖封其教主帕克斯巴爲「大寶法王」加以「大元帝師」之號，百年之間，禮遇極隆。明太祖懲唐代吐蕃之亂，亦招徠蕃僧，賜給甚厚。因元明二朝優待刺麻之結果，沾染中國奢侈之風，僧侶道德頗爲墮落。明代中葉，有宗喀巴者，實行宗教革命，禁飲酒娶妻，主張嚴肅之教律，黃其衣冠，故曰黃教。至明嘉靖萬曆年間（十六世紀中葉），黃教之勢力遠在紅教之上，青海蒙古亦皆信仰黃教，所謂「化被西方，名馳東土」者也。

滿清未入中原以前，西藏僧已來盛京。順治九年（一六五二）西藏達賴刺麻迎至北京，賜金冊金印。當時外蒙未服中國，蒙古王公惟刺麻之言是聽，故清代對於達賴懷柔備至，其目的不僅在西藏，亦兼在維持蒙古之和平也。康熙時，準噶爾侵擾西藏，肆行猖獗，康熙五

十九年（一七二〇）清兵由甘肅西寧出口進討，西藏平定。乾隆時，廓爾喀（即尼泊爾國）亦闖入邊疆，掠札什倫布，西藏大震。乾隆五十七年（一七九二）清兵征討廓爾喀，分三路踰喜馬拉雅山，破其國都，奏凱而還。此役之結果，中藏關係起一大變化。初，雍正五年（一七二七）置駐藏大臣正副二人，分駐前後藏鎮撫之。據乾隆五十七年上諭：「藏中諸事任職，達賴喇嘛及噶布倫等率意徑行，大臣者不但不能照管，亦並不預聞。」可見當時駐藏大臣並無實權。噶布倫者，達賴喇嘛理事者也，達賴喇嘛常坐禪入定，自餘俗事悉委噶布倫，故噶布倫實為顯要之位置。乾隆帝因廓爾喀兩度侵入西藏之事，由於駐藏大臣之無責任，亂事既平，自應改革舊制，申明約束，凡噶布倫以下番官，皆為大臣屬員，大小政令悉取決焉。於是事權歸一，開政教分離之漸。自此以後，西藏純然為中國之藩屬國，不但有家主權，且有主權。（註十二）

十九世紀中葉以前，歐人對於西藏尚極暗昧。光緒十三年（一八八七）英人併吞孟雄（即錫金），於是西藏與印度接壤，西藏問題從此開幕矣。自光緒十九年（一八九二）

訂定藏印通商條約以後，以藏人閉關之故，致啟兵端。光緒三十年（一九〇四）英兵入拉薩，迫藏人爲城下之盟，遂開三地爲商埠。至民國二年中英藏三方會於印度西謨拉（Simla）訂立草約，尤爲可恥之事。該約創立內藏外藏之名，而於外藏設立獨立政府，不啻淪爲英之保護國。且以西康特別區（卽川邊）之昌都，亦劃入外藏範圍之內。中政府以該約喪權辱國，拒未簽字。自是以後，藏案懸而不決者十餘年。歐戰以後，英人之侵略主義，再接再厲，長此因循，西藏恐將無形斷送。西藏問題當與外蒙問題相提並論，其詳俟第七章述之。

青海二千年來，迭爲羌、渾、吐蕃、西夏、蒙古所據。羌人者，青海之土著也，屬西藏族，吐蕃亦羌之別種也。漢時黃河上流皆西羌地，其種別甚繁，有先零、党項等目。自魏晉之際，鮮卑、吐谷渾（屬東胡族）率其部衆渡隴而西，據今青海之地，此爲異種侵入之始。至隋唐之際，而鮮卑勢衰，吐蕃強盛，吐谷渾徙居內地以避之。吐蕃之盛也，奄有西藏、青海、河湟、松潘等地，蓋舉其同種所在而統一之，實爲羌人最盛時代。宋時吐蕃衰落而西夏崛起。西夏始祖出於党項。一〇〇四年新國成立，奄有新疆、青海及蒙古接境地方，國都在今甘肅寧夏。西夏人種頗雜，

但內中多數爲西藏人（即番人）回回人，西夏亦受中國文化之影響。至一二二六年爲蒙古成吉思汗所滅。元代未嘗殖民於青海，至清初平定準部，西蒙古人之一部分，東徙青海，是謂異族第二次之侵入，即今和碩特二十九旗之所由來。當蒙古之侵入也，番人皆遠徙，以黃河爲分界。雍正年間，平定青海，置青海辦事大臣，駐節西寧，蒙人以旗制轄之，番人以土司轄之。（即玉樹土司二十五族）每歲會盟於青海之濱，聊示羈縻而已。自嘉道以後，番強蒙弱，渡河侵擾，蒙人退避於祈連山之南麓，而沿海水草肥美之地悉爲番人所有。民國成立，設寧海鎮守使於西寧，而於經營青海之計，亦未遑也。

孫中山之民族主義

我總理孫中山先生致力國民革命，凡四十年。其所定三民主義爲救中國之惟一途徑。三民主義即民族革命，政治革命，社會革命，所以促進中國之國際地位平等，政治地位平等，經濟地位平等，使中國永久適存於世界。我中國自秦漢以來，向以一個民族造成一個國家，

雖歷史上有北方蠻族南下牧馬之事，而蹂躪我者卒皆同化於我。東西洋各國常有一個民族分屬於數個國家者，或一個國家之內包容數個民族者。故在外國，言民族與國家，往往有別；而在中國則民族卽國家，國家卽民族，此實中華民族之特色也。孫中山曰：

『就中國民族說，總數是四萬萬人，當中參雜的不過幾百萬蒙古人，百多萬滿洲人，幾百萬西藏人，百幾十萬回回教突厥人，計算起來總數不過一千萬人。所以就大多數說，四萬萬中國人可以說完全是漢人，同一血統，同一言語文字，同一宗教，同一習慣，完全是一個民族。』

辛亥以前，滿洲以一民族宰制於上，而列強之帝國主義復從而包圍之，故當時民族主義之運動，其作用在脫離滿洲之宰制政策，與列強之瓜分政策。辛亥之役所得之結果，一爲蕩滌二百六十餘年之恥辱，使國內諸民族一律平等，無復軋轢侵凌之象，二爲剷除四千餘年君主專制之迹，使民主政治得以開始。自經此役，中國民族獨立之精神與能力，屹然於世界，不可動搖。此其結果之偉大，洵足爲中國歷史上大書特書而百世皆蒙其利者也。辛亥以

後，國民黨之民族主義有兩方面之意義，一則中國民族自求解放，即反帝國主義，二則中國境內各民族一律平等，即承認國內弱小民族之自決權，於反對帝國主義及軍閥之革命獲得勝利以後，要組織自由統一的中華民國。孫中山曰：

『觀中國歷史之所示，則知中國之民族有獨立之性質與能力，其與他民族相遇，或和平而相安，或狎習而與之同化。其在政治不修及軍事廢弛之時，雖不免暫受他民族之蹂躪與宰制，然卒能以力勝之。觀於蒙古宰制中國垂一百年，明太祖終能率天下豪傑之士以光復故國，則知滿洲之宰制中國，中國必終能驅除之。蓋民族思想實吾先民所遺留，初無待於外鑠者也。余之民族主義，特就先民所遺留者發揮而光大之，且改良其缺點。對於滿洲，不以復仇爲事，而務與之平等共處於中國之內；此爲以民族主義和國內之諸民族也。對於世界各民族，務保持吾民族之獨立地位，發揚吾固有之文化，且吸收世界之文化而光大之，以期與諸民族並驅於世界，以馴致於大同；此爲以民族主義對世界之諸民族也。』

民國十三年孫中山召集國民黨第一次全國代表大會於廣州，並於此時手定建國大綱，其第四條云：

『其三爲民族，故對於國內之弱小民族當扶植之，使之能自決自治；對於國外之侵略強權，政府當抵禦之，並同時修改各國條約，以恢復我國國際平等，國家獨立。』

民國十四年七月一日爲國民政府在廣州成立之期。根本既固，於七月十五日出師北伐，以與大江南北勾結帝國之軍閥決鬪，一年之間，勘定東南。今年四月十八日，國民政府爲求實現國民革命之目的，自廣州而定都南京。其宣言有云：

『本政府受中央黨部與民衆付託之重，惟有秉承總理全部遺教，繼續努力，尤願於最短期間開國民會議，廢除不平等條約，實現三民主義，使中華民國成獨立自由之國家，中華民族成自由平等之民族，同享民有民治民享之幸福。謹此宣言。』(註十二)

(註一) 見史記卷一百二十二儒林傳。

(註二) 見史記卷一百二十九貨殖傳。

(註三) 見丁文江歷史人物與地理的關係。(載於科學雜誌第 卷第 期,民國十二年)

(註四) 參觀張其昀金陵史勢之鳥瞰。(東方雜誌第二十三卷第十三、十五號,民國十五年)

(註五) 見梁伯強醫學上中國民族——漢族——之研究。(同上第十三號)

(註六) 詳見桑原隲藏隋唐時代移居中國之西域人。(載於內藤博士還曆祝賀支那學論叢,大正十五年京都弘文堂出版)

(註七) 詳見陳垣元西域人華化考。(載於北京大學國學季刊第一卷第四號,民國十二年)

(註八) 參觀張其昀中國之國都問題。(東方雜誌第二十四卷第九號,民國十六年)

(註九) 詳見法國伯希和 (M. Pelliot) 著,王國維譯,近日東方古言語學及史學上之發明及結論。(國學季刊第一卷第一號,民國十二年)

(註十) 詳見斯坦因博士西域史上之地理環境。(Aurel Stein: "Invermost Asia: Its Geography as a Factor in History", 載於英國皇家地學會地理月刊 Geographical Journal 一九一五年五月號與六月號)

(註十一) 見矢野仁一近代西藏史研究。(載於東洋史講座,大正十五年東京國史講習會出版)

(註十二) 詳見孫中山民族主義,又中國之革命。(載於最近之五十年) 中國國民黨第一次全國代表大會宣言,又國民政府定都南京宣言。(載於國民政府公報)

第二章 中華民族之現狀

中國人口之總數

我國人口之衆，在古代已著稱於世界。吳康泰外國傳云：『外國稱天下有三聚，中國爲人聚，大秦爲寶聚，月氏爲馬聚。』康泰於西曆三世紀之中葉，游歷南海諸國，當時外人已有中國人口之數爲世界第一之說也。蓋我國位於東亞季風帶，風雨有時，寒暑有節，二千年來，以農立國，講求農田水利，故農產之富與人口之衆，有相持而長之勢。茲將歷代人口統計，列表如左：

年	代	西	曆	人	口	總	數
西漢平帝元始二年			二	五九、五九五、〇〇〇			

東漢桓帝永壽二年	一五六	五六、四八七、〇〇〇
唐玄宗天寶十四年	七五五	五二、九一九、〇〇〇
北宋徽宗崇寧元年	一一〇二	四三、八二一、〇〇〇
元世祖至元二十七年	一二九〇	五九、八四七、〇〇〇
明神宗萬曆六年	一五七八	六〇、六九三、〇〇〇
清高宗乾隆四十八年	一七八三	二八四、〇三三、〇〇〇
清宣宗咸豐元年	一八五一	四三二、一六四、〇〇〇

（歷代人口載

於唐杜佑通典

宋馬端臨文獻

通考及石渠餘

紀等書）

大抵明以前戶口數，以納稅爲基礎，每有隱匿之弊，故較實數爲少。清康熙五十年（一七一
 一）以後，丁賦攤入地糧，自後所生人丁，不復徵收錢糧，則編審不過虛文。地方官吏迎合朝
 廷之意，粉飾太平，所有人口報告，遠較實數爲大。

前清宣統二年（一九一〇）預備立憲，為選舉議員起見，民政部着手調查戶口。近年來又有郵局調查、海關調查、教會調查三種，是以最近我國人口統計材料已較為豐富，而數目亦較為可靠。茲將近年人口統計列表如左：

一九一〇年	民政部調查	(十八省)	三三一、一八八、〇〇〇
		(全國)	三四二、六三九、〇〇〇
一九一〇年	郵政局調查	(十八省)	四三八、四二五、〇〇〇
一九一八年	海關調查	(全國)	四三九、四〇五、〇〇〇
一九二三年	郵局調查	(廿一省)	四三六、〇九五、〇〇〇

民政部調查與郵政局調查，二者皆出於估算。民政部即以當時所調查得之戶數，按照每戶五個半人計算，而得此數。（此次調查總戶數全國共計六二、四八四、〇〇〇戶）郵政局即用所謂詢問調查（Inquiry），諮詢各地方官吏及人民口碑觀測而得者。兩種推測之標準，

皆不能合乎實際，故其結果有一萬萬人之差池。海關的推算則以經濟事實為標準，例如以農產物之棉、穀、麥，天產物之鹽，工產物之布疋、砂糖等消費總量為根據。此種原則，較上述二者為合於科學精神。但亦有其缺點，蓋一則中國內地生活尚在半自給半交換經濟的時代，所以海關統計上之貨物量，在外國足以表現貨物消費之實況，在中國則未盡然；二則中國地方太廣，各地人民生活習慣迥乎不侔，縱令此貨物量之數字為可靠，究難推知人口確數。要之，今日中國尚無客觀的人口統計之可言也。此外中西學者之主張亦大相懸隔，據北京大學教授陳啓修推算，全國人口總數大概為五萬四千七百萬；美國哈佛大學教授伊斯德（E. M. East）謂現在中國人口約在三萬五千萬人之數。（註一）通常所稱中國人口四萬萬，亦取其折中數目而已。

人口之增減，其有關於國民經濟者，極為重要。如租稅與國債之負擔，米糧之消費與分配等事，在在需以人口統計為根據。在政治上，如關於外交、選舉、軍事、社會等問題之解決，人口統計亦占有重要之位置。國民黨對內政策第九條云：「清查戶口，整理耕地，調整糧食之

產銷，以謀民食之均足。誠當今急需舉辦之事業也。

(附)一九二六年世界主要各國人口統計一覽表(註二)

國別	全國土地面積(平方英里)	全國戶口(單位爲千人)	每一平方英里戶口	鄉村戶口所占百分率
中國	四、二七八、三四七	四四四、六五三	一〇三·九	八〇·〇
日本	一四九、七九二	五九、七三七	四〇六·一	六六·七
蘇聯	八、一八九、三七四	一三八、七八一	一六·四	八三·五
美國	三、〇二六、七八九	一一七、一三六	三八·七	四八·六
英國	九四、一〇一	四五、〇六七	四七八·〇	二〇·七
法國	二一二、七三六	四〇、七四四	一八四·〇	五五·八
意大利	一一九、七三三	四二、一一四	三五·七	……

德國

一八一、五一二

六二、三四九

三三五・〇

二九・〇

(備註)

最近世界人口總數共計十八萬五千萬人。

日本英國均指其本國而言，屬地不計在內。

中國本部十八省每方英里人口密度爲二六七人。

中國人口之密度

我國人口之分佈，至不平均。以大較言之，中國天然可分二大區域：曰近海部，本部十八省與滿洲內蒙古是也。曰內陸部，外蒙古與新疆西藏是也。此兩大部之間，以南北行之橫斷山脈，與東西行之戈壁沙漠，爲其天然界限。近海部屬於季風區域，雨量豐富，居民以農業爲生；內陸部距海既遠，又有崇山環繞，爲季風勢力所不及，雨量極稀，居民以遊牧爲生。本部十八省每方英里人口密度平均爲二六七人，東三省平均爲五三人，內蒙三特別區平均爲三

五人；至於內陸部外蒙古新疆西藏平均僅得三人，此可見地理與人生影響之鉅矣。

中國本部人口之分布，亦甚不平均。以大較言之，山谷之地，稼穡艱難，人煙較稀；沖積平原，灌溉便利，最爲膏腴，人口亦最稠密。例如廣東全省面積約十萬方英里，珠江三角洲之沖積平原，不過占三千方英里，而廣東全省人口三千七百萬之數，其居於珠江三角洲者則過其半焉。（註三）又據英人譚維斯（H. B. Davis）考察，雲南平原之地每方英里人口四百人，山地四十人。全省平原之地占四分之一，餘爲山地。即平原面積一萬方英里，人口共計四百萬人；山地面積十四萬方英里，人口五百六十萬人。全省面積十五萬方英里，人口九百六十萬。又平原居民十之八九爲漢人，山岳居民三分之一爲漢人，其餘皆蠻夷也。（註四）

江浙兩省人口之密，不但在我國首屈一指，卽在世界各國亦無其匹。世界各國人口之最密者，首推比利時，荷蘭次之，英吉利又次之，而日本則位居第四。此外人口之稠密者，尙有荷屬南洋之爪哇島，與印度之孟加拉省（Bengal）皮哈省（Bihar）及麻打拉省（Madras）。但依下表，則知除爪哇外，與江浙同面積之區域，其人口密度無一能超出江浙

之右者。比利時、荷蘭號稱世界人口最密之國，雖兩國面積不過江浙三分之一，而其人口密度均不及江浙之平均。歐洲其他各國更無論矣。在亞洲則素以過剩人口為問題之日本，其人口密度最大之九州島亦不過五三二，而其面積則不及浙省之半也。印度人口最多之孟加拉省，面積與江浙相若，但人口密度則猶弗如。惟南洋羣島之爪哇，因土地膏腴，四時溫暖，而荷政府在民國三年以前，嚮用強迫種植制度，故其人口遂以繁殖，密度駕江浙而上之，乃其面積則尙在江浙兩省之下也。竺可楨先生謂在同等面積之上，江浙兩省人口密度之大，全球無能出其右者，此則吾人所可斷言者也。（註五）

（附）江浙兩省人口密度與世界人口稠密各地比較表

地	別	面積（方哩）	人口密度（每方哩）	調查年份
比	利	一一、七五二	六五二	民國十二年
荷	蘭	一一、五八七	五七三	民國十二年

英吉利與威爾士	五八、三三〇	六四九	民國十年
日本 本州 四國 九州	八七、五〇〇 七、〇八〇 一五、三〇二	四七八 四三九 五三二	民國九年
爪哇	五〇、七四五	六八九	民國九年
印度 孟加拉 皮哈 麻打拉	七六、八四三 四二、三六〇 一〇、六九六	六〇八 五五二 五一一	民國十年
江浙 江蘇	三八、五九七 三六、五二七	七三二 六〇三	民國九年
江浙兩省	七五、一二四	六六九	

凡一地人口密度達飽和點時，必有移民。試觀山東直隸人口密度小於江浙，而兩省之過剩人口反多於江浙，如移民殖邊或招攬工人，取資於直魯者，多於江浙，卽以此故。卽以江浙而論，淮河流域與浙江上游，人口較疎，而殷富反遠不及蘇常嘉湖一帶。荒漠凍土之地，每方哩二人已覺其多，而溫帶膏腴之地，則雖千人亦可支持，是故人口之成爲問題，不視乎一地之絕對人口密度，而視乎其比較密度而定。所謂比較密度者，卽一地現有之人口與其充量能供給之人口（飽和點）之比也。一地人口之飽和點，視乎四種原因而定：（一）能供給食物地畝之多寡。（二）每畝之生產量。（三）工業化之程度。（英、比、荷諸國人口最密之各縣莫不爲工商業中心之所在地。）（四）生活程度之高下。（同上註五）

我國人口最稠密之區域凡三：一曰大江三角洲（按江浙兩省人口密度在千人以上之縣，江蘇有二十二縣，其中二十一縣在大江三角洲，浙江有十三縣，其中七縣在大江三角洲）二曰珠江三角洲，三曰成都平原，其人口密度皆在千人以上，乃至千五百人。（人口最稠密之縣，如江蘇上海縣，面積三八九方哩，人口密度三、九六〇；浙江鄞縣，面積五九九方哩，

人口密度三、六二五。至於移民最盛之區，則別有所在。我國移民最盛之區域，一爲福建之廈門與廣東之汕頭一帶，是乃南洋華僑之出發地，其詳俟第三章述之；一爲山東半島，是乃滿蒙移民之出發地，其詳俟第四章述之。宋史地理志曰：『福建土地迫隘，生籍繁殖，雖磽确之地，耕耨殆盡，畝值寢貴，故多田訟。』戶口日繁而地不加增，海濱之民使船如馬，此卽海外華僑之地理的原因。世界華僑總數七百六十餘萬，南洋獨有五百餘萬。今廈門有暨南局，掌華僑事宜，統計由夏出發之移民，每年平均十二萬人，汕頭亦十二萬，此外香港六萬人，瓊州三萬人。山東半島之移民，亦由貧瘠使然。魯人之開發滿洲與華僑之開發南洋，同爲中國民族史上所宜特書之事。現在滿洲人口密度每方哩平均五十三人，山東爲五百五十二人，幾成十與一之比例。是以東三省每值耕作時期，需要勞工極多，恆賴山東等省之移民以補其乏，大率於陰曆新年後渡海，秋收後返里。其由移民而化爲土著之民者，亦比比然也。據近今統計，山東移民由龍口啓程至大連或營口上陸者，每年約六萬人。由煙台起程至安東上陸者，每年約五萬人。由青島起程者約三萬五千，此外尙有四萬人由津浦路或小清河羊角溝

出口，合計不下二十萬人。（註六）

中國之都市人口

農夫多居於萬人或數千人以下之村落，而工商業則非大都市不能發達。是以觀察一國之都市人口，則其工商業化之程度可以立見。『近年以來，吾國經濟生活之工業化，實遠過於一般人之所想像。此種發展，有二個原因；一爲外資。甲午（一八九四年）以前，外人在我國經營工業，尙非條約所許。迄甲午敗於日本，馬關條約成立，乃設有「日本人民，得在清國從事各種製造業及輸入各種機器類」之規定。自是以後，日本既取得在華經營工廠之權，他國亦持利益均占之說，援例要求；於是外人在上海及其他通商口岸，設立種種工廠，日進無已。二爲歐洲戰爭。歐戰發生以後，歐洲諸國竭全力以從事戰爭，於是吾國特種入口貨不免驟減（最著者爲英國紡織品）；國內工業因以代興。日人在華工業之突進，亦以歐戰爲主因。現時全國工業已具新式工廠形式者，無慮數十百種；每一種新式工業，綜計全國，亦

往往達數十百所。就中如紡織、製絲、製粉、製糖、製鐵、製紙、製革、火柴、電氣、紙烟、印刷、玻璃、肥皂、洋灰、化學品、罐頭食品等工業，且不乏組織雄偉之廠。紡織、製粉、火柴、肥皂等業之猛進，尤爲顯著。譬如紡織工業，在民國三年全國廠數僅三十有二，紗錠數僅九十七萬；至民國十年則已增至一百十二，紗錠數增至三百二十六萬六千。除却工廠之工人而外，鑛場、鐵路、郵政、電信、航運、諸項實業所雇之工人，爲數亦復不少。吾國勞動工人之總數，究有若干，吾人尙無翔實之統計可考。有列全國製造工人總數爲一〇、七五九、九七一一人者（見中國年鑑，此係民國四年數目）；至於新式工廠之工人數目，則有列爲四一〇、二七九人者（見第八次農商統計表，此亦係民國八年數目）。此種統計，或則太舊，或則不全，大概俱遠在實數之下。誠然，以勞工與農民較，吾國農民之數尙遠非工人數額所能比擬。然吾國農民數額，是否如論者所云，尙占全國人口百分之八十五（見英文中華年鑑，民國十五年份），殊屬疑問。即令屬實，而因新式工人俱集中於少數之大都會，大規模組合的產生亦勢所必至。譬如單就上海一市之紡織工業而言，華商紡織公司所雇用之工人，爲數亦達二萬九千餘人（據民國十

一年北京經濟討論處調查)……各地工會聯合機關，其會員數額，動以萬計。(註七) 由此觀之，國民革命之運動，必恃全國農夫工人之參加，然後可以決勝，蓋無可疑者。

中國舊日建築物惟有寶塔，今則重要城市之中，常見工廠烟突，高聳雲際。江蘇之無錫，南通，所以稱為中國之模範縣者，即由於新式工業勃興之故。又如蘇省之蘇常，浙省之嘉湖，養蠶之風極盛，亦可稱為工業化。以其能以人工製造品（絲綢）銷行於外，取良好之代價，以購飲食起居之必需品也。是故蘇、常、杭、嘉、湖一帶所以稱為東南財賦之區者，實以其工業化之程度冠於全國也。以大較言之，江蘇為我國工業最發達之省份，但以都市人口而論，較之歐洲各國，則尚不及意大利與西班牙，至於浙江則僅足與波蘭希臘相頡頏也。(同上註五)

(附表) 世界各國三萬以上都市人口之百分比例

	總人口 (以千 人爲 單位)	都市 人口 (%)
荷蘭	7,218	41.5
比利時	7,666	26.0
意大利	38,755	20.0
西班牙	21,763	19.9
匈牙利	8,215	19.8
日本 (內地)	56,640	17.3
江蘇	28,236	17.3
希臘	5,536	12.3
捷克	13,613	11.0
波蘭	27,192	11.0
浙江	22,043	10.4

孫中山曰：『世人嘗以中國爲生活費最廉之國，其錯誤因爲尋常見解以金銀之價值衡量百物，若以工作之價值衡量生活費用，則中國爲工人生活最貴之國。中國一尋常勞工，每日須工作十四至十六小時，僅能維持其生活。中國平民所以有此悲慘境遇者，由於國內一切事業皆不發達，生產方法不良，工力失去甚多，根本救治之法，必須用機器以輔中國巨大之人工，以發達中國無限之富源也。』（註八）要之，目下中國之家庭工業與機器工業，漸有新陳代謝之勢。非謂機器可以全代手藝，然於中國實業之舊背景上，別開一機器之新時代，則必然之事也。

民國十三年中國國民黨第一次全國代表大會宣言有云：『中國以農立國，而全國各階級所受痛苦，以農民爲尤甚。國民黨之主張，則以爲農民之缺乏田地，淪爲佃戶者，國家當給以土地，資其耕作，並爲之整頓水利，移殖荒徼，以均地力。農民之缺乏資本，至於高利借貸，以負債終身者，國家爲之籌設調劑機關，如農民銀行等，供其匱乏。然後農民得享人生應有之樂。又有當爲工人告者，中國工人之生活絕無保障，國民黨之主張，則以爲工人之失業者，

國家當爲之謀救濟之道；尤當爲之制定勞工法，以改良工人之生活。此外如養老之制，育兒之制，周恤廢疾者之制，普及教育之制，有相輔而行之性質者，皆當努力以求其實現，凡此皆民生主義所有事也。」

中國之糧食問題

人口問題之關鍵，在於糧食，所謂人滿爲患者，并非空間充塞，無立足之餘地，乃比例於糧食言之也。中國之糧食恐慌，已歷有年所。近年上海米價之貴，高至十八元以上，即今日一石之價，在民國二年可購二石之米也。而國外輸入之米糧，亦有增無已。上海米商專運仰光西貢香港等處洋米來滬，分銷各路，俾內地民食，得資接濟。民國二年洋米進口已有五百四十萬擔，民九最少，一百五十萬擔，十二年輸入量最高，竟達二千二百萬擔，十三年十四年亦各在一千二百萬擔以上。至於小麥，在民九至民十一俱爲出超，十年小麥輸出量尙有五百萬擔。十二年北滿歉收，遂一變而爲入超。十三年小麥輸入至五百萬擔，麵粉六百餘萬擔，十

四年小麥輸入七十萬擔，麵粉二百八十萬擔。主要糧食之不足自給，已屬顯然，民已窮矣，財已匱矣！即以洋米論，自民國九年迄於十四年，金錢外溢之數，平均每年在八千六百萬圓。不圖急救，何堪設想乎！

考我國產米缺少，民食不足之故，其主要原因有四：

(一)水旱災 例如黃河下流之土壤，本極膏腴，乃因水災之故，每值粟麥收穫之時，一旦西水東注，顆粒無收，殃及小民，以百萬計。

(二)栽種罌粟 罌粟生長期間，與豆麥雜糧直接衝突，故鴉粟多則雜糧減少，食雜糧者改食米，故米價上昇。中等煙癮，一人吸煙，可當五人食飯；若中國有兩百萬人吸煙，不啻增加人口一千萬。據中華國民拒毒會調查，民國十三年國內鴉片概況，則甘肅省之煙稅，年收約二千萬元。數萬軍隊依之給養，湖北爲一千五百萬元，陝西爲一千萬元。又如福建之全省軍費每年約二千萬元，皆惟煙稅是賴。唐紹儀氏嘗謂民國十四年之數次戰爭，均爲鴉片，故可稱爲十四年之鴉片戰爭云云。(註九)

(三)改種其他植物 例如直隸高陽縣（在保定附近）以愛國布著名，年產二百萬匹，遍銷北方各省，因棉織業之發達，棉田日益推廣，植棉之利，倍於種麥或高粱，農民多舍彼取此。棉田每畝可值六十元至八十元，而雜糧之田僅值四十元而已。（註十）

(四)養兵爲地方患 例如四川一省，兵士多至五六十萬，散匪尙不計其數。戰事招兵則農事荒，遣散成匪爲農民害，荒已無可補救，害則正當之農民亦不能安於隴畝，糧產安得而不少？

上述四條，農產物之改易，有利無弊，可不具論。現在國民政府已有三年之內禁絕鴉片之明令。將來國內統一之後，實行中山先生化兵爲工之策，開發邊疆，建設交通事業，又「清查戶口，整理耕地，調查糧食之產銷，以謀民食之均足」，則糧食恐慌之原因，已去其大半。至於根本解決之策，厥爲以科學方法，振興農田水利。馬寅初曰：「吾國向重荒政，乃自清季以來，政治丕變，倉儲水利，棄而不講，日就衰頹，以故一遇水旱天災，遂成巨厄。如民六（一九一七）北數省之大水，民九（一九二〇）北數省之大旱，災情至重，卒不能先事預防。如森林缺乏，

河道不修，故洪水之來，無法抵禦；溝渠失浚，灌溉維艱，故旱魃爲災，莫可救濟。加以農民貧窮，平時既無積蓄，專恃借貸，豐年尙嫌不足，一遇災荒，惟有坐以待斃。我國黃河之爲患，人人皆知，故黃河之修治，實爲一重大之問題。此問題之解決，固有待於科學方法之設施者也。卽如埃及之尼羅河，有時汎濫，有時旱涸，農人大受其害。現在英國就河旁低地，鑿爲深池，另設鐵閘，開啓閉，使水漲時有所容受，水涸時有所挹注，以資灌溉，埃及農人大受其惠。此卽以科學勝夫然之明證。又如江蘇試用電力戽水之方法，已有相當之成績，蓋以電力戽水，每畝收獲至七石餘，不以電力戽水，僅一石有餘。况每畝所費電力，不過六角，是用電力比用畜力人力，尤爲節省。加以牛馬之食料太昂，殊不合算，且不用其勞力之時，亦須飼養。凡此皆人力勝天定之確證。」（註十二）米糧問題爲我國食糧上第一重要問題。年來國民生計之困難，無不與米糧之騰貴有關。質言之，米價安定，供給豐富，爲我國社會問題之焦點。自今以後，急應講求改良增進之方法，使不但可以自給，復可以貢獻於世界。

（註一）詳見陳啓修中國人口的總數。（載於社會科學季刊第三卷第四號，民國十四年北京大學出版部。）

又 Edward M. East: *Worldwide Problem of Overpopulation*. (幼雄君譯文載於東方雜誌第二十三卷二十三號, 民國十五年)

(註二) 詳見中外經濟周刊第二百十四號, 一九二六年世界各國經濟統計一覽表。(民國十六年六月北京經濟討論處出版)

(註三) 見孫中山建國方略之二, 實業計畫頁六十三。(民國十年)

(註四) 見譚維斯雲南省 (H. R. Davies: *Yunnan*) 頁三〇六。(一九〇九年英國牛津大學出版)

(註五) 詳見竺可楨論江浙二省人口之密度。(載於東方雜誌第二十三卷第一號, 民國十五年一月出版)

(註六) 見近十年間海關貿易報告冊。(Chinese Maritime Customs: *Decennial Reports, 1912-1921*) 上册頁七八, 一八九, 二二八。

(註七) 見王世杰中國工會法問題。(載於東方雜誌第二十四卷第三號, 民國十六年)

(註八) 見孫中山建國方略之二, 頁一五七。

(註九) 見周憲文中國之煙禍及其救濟策。(載於東方雜誌第二十三卷第二十號)

(註十) 見近十年間海關貿易報告冊, 上册, 頁一五四。

(註十一) 見馬寅初中國經濟上之根本問題。(載於東方雜誌第二十四卷, 第四號)

第三章 海外華僑與祖國之關係

華僑之地理環境

華僑赴海外之原因，大都由於人滿爲患。蓋閩廣各省人稠地狹，田園不足以耕，不得不以海洋爲謀生之所。宋史地理志稱福建土地迫隘，生籍繁夥，雖磽确之地，耕耨殆盡。宋時泉州爲中國四大商港（廣州、泉州、寧波、杭州）之一，海舶往來，已開移民之端，至明代而大盛。明成祖永樂三年（一四〇五年），三保太監鄭和，以六十四艘之大舶，載運二萬八千人，巡遊南洋，示威海外，爲中國超前軼後之偉舉。自永樂三年至宣德八年（一四三三年），鄭和七次航海，經歷蘇門答刺、滿刺加、錫蘭、印度、波斯等處三十餘國。故俗傳三保太監下西洋，爲明初盛事，自此以後，東南海島，幾無處不有明人之足跡焉。明張燮云：「海濱一帶，田盡斥鹵，耕者無所望歲，只有視淵若陵，久成習慣。富家徵貨，固得捆載歸來；貧者爲傭，亦博升米自給。」


(註一) 又明史呂宋傳：『先是閩人以其地近且饒富，商販至者數萬人，往往久居不返，至長子孫。』南洋華僑有傳至十餘世者，則明代移殖後未嘗回國者也。

自明社既屋，滿人鐵騎蹂躪中原，時遺老義民，不忍漢族淪亡，暗中結合，以抗暴力者，名曰洪門。孫中山云：『美洲各地華僑多立有洪門會館，（即致公堂）洪門者創設於明朝遺老，乃欲以民族主義之根苗流傳後代，故以反清復明之宗旨，結爲團體，以待有起者，可藉爲資助也。』(註二) 可見民族主義，本爲華僑結合之精神，其後孫中山之革命事業，慷慨助餉，亦以華僑爲多。據大清律例二二五條，人民至海外者，與通盜通敵等罪斬首。清廷之厭惡華僑，達於極點。乾隆五年（一七四〇年），荷蘭人慘殺爪哇華僑六萬餘人，清政府明知之而不屑問也。咸豐八年（一八五八）中英條約，十一年俄約美約，先後訂立，皆有允彼招工之明文，蓋華工出洋之事，固外國所要求而中國勉允者也。同治三年，中國與西班牙之條約，亦招華人前往承工，蓋招往其屬地古巴者也。同治七年（一八六八）中美續約，亦謂兩國人民得以自由來往。蓋在五十年以前，各國對於華僑皆需要之歡迎之者也。光緒六年（一八

八〇）中美續約，中國承認美國得有限定在美華工人數及華工居美年數之權，是爲美國排斥華工之始。嗣是以後，列國對於華人入境，往往設立特殊限制，如徵收高額入境稅之類。目前散處各處之華僑，雖無確數可舉，大概尚有七八百萬人。華僑之生命財產與自由，因無國力之保護，在在遭受外國之苛待，此實中華民族之一重大問題。

海外華僑固以工人居多數，然在南洋羣島，則華商頗佔勢力，而僑民之數亦特多，例如新加坡一埠，華僑共三十一萬七千餘人，歐洲人僅六千餘人，宛若海外之中華民國。「南洋」二字有廣狹二義，廣義的南洋，如一般人所稱者，包括暹羅及英、荷、法、美、日、荷六國屬地；狹義的南洋，一如中國國民黨所規定之南洋總支部，僅僅包括英荷兩國屬地。南洋各屬華僑以福建之泉、漳、永籍與廣東之潮、梅籍居大多數。据近年統計，由廈門、汕頭出發之移民，每年各有十二萬人，故廈門、汕頭與南洋間運輸業極盛，此外由香港出發者六萬人，瓊州出發者三萬人。茲將海外華僑之分佈狀況，擇其重要之處，列表如左：

暹羅……一百八十萬人。



南洋歷城圖

英美法荷日勢力交會于南洋圖

英屬馬來半島……一百二十萬人。

荷屬東印度羣島……七十萬人。

美屬菲律賓羣島……四十萬人。

法屬安南……二十五萬人。

美國……六萬人。

加拿大……五萬人。

暹羅與安南之華僑

暹羅人口以七百萬計，而華僑居百八十萬，暹京曼谷（或盤谷 Bangkok）已有二十萬。若就混種關係言之，則暹羅全國人民皆與中華民族有血統上之密切關係；彼中優秀分子，十之八九，皆吾族子孫。『凡曾觀察暹羅之生活者，皆知暹羅今日國勢之強盛，胥由華人之功；蓋華人以其智慧與血統，注入於暹羅民族，而後暹羅人民精神煥發，此乃公認之事。』

實也。』(註三) 暹羅華僑以潮州人居大多數，瓊州人次之，在暹京曼谷，潮語幾成爲該處普通話。潮梅人士在暹生活，行商者佔十之三，耕田者佔十之五，駛船伐木捕魚開墾築鐵路及各種勞力工作，約佔十之二。故在暹羅國中，窮鄉僻港，山深林密之處，皆有華僑蹤跡。暹羅金融，操於華僑之手，暹羅米糧接濟汕頭，爲數亦巨。暹羅近年採行西法，蔚然爲東亞新興之國，對我華僑，漸行反目。昔日華人娶暹婦所生子女，悉爲華籍，今則彼法改爲暹籍。在暹華僑設立學校，聘請本國校長教員，彼國乃頒布學律，校長並各教員須通曉暹文，此乃限制華僑教育之嚴酷制度。又暹羅並無中國公使，僑胞受暹政府之虐待，而無可申訴。

法屬安南有華僑二十五萬，卽西貢堤岸一處，已有十一萬人。堤岸(Orhonn)爲西貢(Saigon)之附郭，完全爲一中國市鎮，歸華僑自行治理。華僑大都經營商業，爲歐人與土人之中介，米之貿易最大，廣州之瓷器生絲亦在此販賣，故堤岸之繁盛過於西貢。此外河內(Honon)有華僑三千人，海防(Haiphong)有華僑五千人，皆以粵人爲多。法國殖民政府對於華僑人權，剝奪殆盡，言論不自由，居住不自由，遷移不自由，以至一切舉動均不自由。華

人每年身稅須三十餘元。法國在安南，對於華人入境，尙特設一種華人互保制度，凡華人入境，務須經由該地一個華人團體，爲之擔保。惟據光緒十二年（一八八六）中法條約，中國人民之於安南，當享受「最惠國」待遇。然則條約之效力，亦從可見已。

英屬馬來半島之華僑

英屬馬來半島華人數額，在民國元年（一九一二）約九十二萬人，至民國十年已增至一百二十萬人。光緒三年（一八七七）吾國始設領事於新加坡，至今新加坡華僑人數約三十二萬人，占全埠人口四分之一。『法、荷、斐三屬華僑，比較英屬實居少數，且彼三屬均需入境護照，居留執照，如菲島且有限制條例，華僑工、佃、漁、牧、負販、苦力，可謂極寡，甚或絕跡焉。豈若南洋英屬夙爲萬國工商自由之埠，出入行旅，往來不禁，故中下級之勞動苦力，佔十成之九乎。』（註四）馬來半島之錫礦與樹膠園胡椒園等，幾全賴華人爲之經營，小本經商者遍地皆是，其中積資鉅萬，擁有廣大之樹膠園者，亦比比然也。馬來半島政府之收入，以錫



馬來樹膠園中之華僑
(採自今日之世界 Outline of the World Today)

礦爲大宗，馬來產錫佔世界總額之過半數，此皆華人之勞績也。

英國政府關於外人入境問題之政策，大別爲二。其對於熱帶殖民地，則採取一種比較寬大的政策。因熱帶地方之發展，不能不利用有色人種之勞力，而其需用華人之處爲尤多。所以英屬馬來半島、香港、英屬婆羅洲以及緬甸各處，華人入境尙稱自由，而上述各他華人之數額，亦尙有加無已。至於英國對於溫帶殖民地（如加拿大、澳洲、南非洲、新西蘭）之政策，則純然以造成白種世界爲目的；黃色人種之入境受有嚴酷之限制，而於華人入境限制尤嚴，其詳俟下述之。

荷屬東印度之華僑

荷屬東印度羣島之華僑共計七十萬人，爪哇一島佔三十餘萬人。華僑之在爪哇者，集中於巴達維亞 (Batavia)，三寶壟 (Semarang)，泗水 (Surabaya) 三大都會，總數在五萬人以上。其餘散布於婆羅洲彭家島 (Banda) 及蘇門答臘之東海岸。據最近荷蘭殖民政

府統計，爪哇人口共計三千五百萬人，土人佔三千四百餘萬，東方僑民佔四十一萬五千，歐人佔十三萬五千（其中荷人又佔十二萬七千）。東方僑民之中，除少數之阿刺伯人外，以華人居最大多數。華僑多屬中等階級，以經商爲主，惟以其克勤克儉之故，頗有積蓄，經營大商店大農圃大工廠者，亦所在有之。（註五）就上列統計觀之，荷屬華僑人數遠較土人爲少，實則大半華人受荷屬國籍法之拘束，變爲東印度土人。據遊歷家觀察所得，荷屬東印度華僑人數當不下於英屬馬來之華僑。

荷屬東印度華僑國籍問題，爲中國晚近外交上一段重要故實。前清光緒末年，荷蘭以中國無國籍法，遂否認華僑爲華人。以是中國於宣統元年（一九〇九）始制定國籍法，並採取屬人主義，（即血統主義）凡華人之生長國外者，仍隸中國國籍。明年（一九一〇）荷蘭亦頒布國籍法，以示抵抗；明定「凡誕生於荷屬東印度者，皆爲荷屬東印度人，」係採屬地主義。以是華人之生於荷屬殖民地者，依該法便又當然爲荷人。至宣統三年（一九一〇）中國與荷蘭簽訂領事條約，形式上在調和兩方法律之衝突。依此次協定，凡生於荷蘭

殖民地之華人，在荷蘭殖民地爲荷人，回到中國則爲中國人。此種協定，華僑仍大失所望，因華僑所要求者，在保留中國國籍，以便取得中國領事官及外交官之保護，依此種協定，則生長荷屬之華僑，皆不能得國力之保護也。宣統三年之中荷領約尤可怪者，卽中國領事毫無外交之性質，不得直接荷政府；且在殖民地之民事刑事法律，皆應遵守。蓋領事欲自保其身分，已頗費兢兢，更無論保護華僑矣，此則荷屬華僑特別之現象也。中荷領事至今已十六年，本年六月中央政治會議議決，於最短時期內，廢止荷約，然後以平等互惠之原則，另訂中荷通商條約。務使在荷屬地之華僑，與在中國之荷僑，同等享營業上之便利；而駐荷屬地中國領事，必須與駐在我國之荷領事，有同等之權力與地位。至於國籍問題，則主張凡生於荷蘭屬地之華僑，於已屆成年年齡之時，享有自由選擇國籍之權利。（英國國籍法對於外籍人民之子女，生於英國領土者，卽採取此種辦法。）

菲律賓賓與檀香山之華僑

菲律賓羣島爲美國之屬地，但美國僑民不過七千人，華僑有四十一萬人。菲島華僑大多數爲福建之泉漳二府人，其移殖已有三四百年之歷史，在菲島商業上佔有優越之地位。大自都市，小至鄉僻，零售一項，幾全操於華人之手；計馬尼刺（Manila）一埠，我華人操小本營業者，達萬人之數。至於巨商大賈，則多經營麻、椰子、木材等出口貿易。近年以來，菲律賓人染受「民族自決」之思潮，故屢次要求美國允許其獨立自主，另一方面則發生排斥華僑之運動。其於華商關係最切者，厥爲西文簿記案。此案之動機，在菲人欲推翻其地華僑商權，於一九一三年菲議會卽有簿記律之提議，經我華僑設法疏通，故未見實行。至一九二一年菲議會公然通過實行，全島華僑奔走呼號，菲島總督乃改爲一九二三年實行。華僑以是案影響商業甚大，不與力爭，中下級生意，無立足地，堅請撤銷是案，並往美京上訴，是年六月美京大理院判決，西文簿記不合憲法，勝訴歸於華僑。然簿記案雖獲勝於一時，安知他日不再有他例提出，我國民其念之。

夏威夷羣島位於太平洋之中心，東通北美洲及巴拿馬運河，西通亞洲澳洲。島上素產

檀香木，華人呼爲檀香山。檀香山現有華僑二萬三千人，約居島上人口總數十分之一。中國著名商人及領袖人才，生於檀島，或曾久居檀島者，不乏其人。自美國合併檀島後，將華工禁例推行於此。

日本之華僑

日本各地隨處皆有華僑，神戶大阪橫濱爲通商大埠，亦華僑集中地點。地震以前，橫濱有華僑六千人以上。神戶大阪二處華僑，亦有六千餘人，其中以粵閩居多，江浙次之，山東奉天一帶之人數亦屬不少。以經營進出口雜貨爲大宗事業。僑居日本之工人，以三刀手工爲最盛，所謂三刀手工者，卽理髮師（剃刀）裁縫師（剪刀）廚師（菜刀）是也。

中日兩國國境接壤，兩國人民往來最便，而朝鮮以歷史關係，華人來此尤多，就仁川言，每年來往不下一二萬人，其中以魯人爲最多，粵人次之，皖浙又次之。經商者十居二三，工作者十居七八，除較大商店有一處住地外，其餘皆散居各處，春來而冬歸。

自十七世紀中葉明亡以後，閩人徙居臺灣者甚衆，皆久居其地。五十年前，臺灣爲吾民族發展之目的地，與新疆省同其重要。甲午之戰（一八九五）割於日本。最近臺灣人口約三百六十五萬，其中日本人十五萬，漢族三百三十六萬，蕃族約十四萬。（註六）漢族之衣服飲食言語習俗等，皆與內地閩廣等省無異，而其國籍則已轉移久矣。

美國之華僑

中國人之向美移殖，自一八五〇年（道光三十年）始，是時美國加利福尼亞州發現金礦，招致華工前往開採，故有金山之名，後澳洲亦發現金礦，乃名爲舊金山（即 San Francisco）。

美國西海岸本爲未開闢地方，因金礦發現，富源驟盛，美政府乃築鐵道橫貫大陸，其地多崇山峻嶺，華工因築路而犧牲生命者數萬人。故美國西部今日之盛況，華人實與有功焉。至一八八二年（光緒七年），美國始下禁止華工入境之令，當其厲行之時，華人譁然，因有抵制美貨之舉。自是以後，華人得入美者，只准官、商、教、讀、遊五等人。留美華僑人數在一

八九〇年爲十萬七千餘人，在一九〇〇年約九萬人，在一九一〇年爲七萬一千餘人，在一九二〇年爲六萬一千餘人。

我國人在美經商者多爲廣東人，開平、恩平、台山（新寧）、香山、新會五縣之人尤多。美國有所謂中國鎮（China Town）者，卽華僑聚居之地，華僑多自稱曰唐人街。舊金山爲美國華僑之大本營，中國鎮極大，凡全美華人一切日用物品，均取給於是，又爲國民黨之總部。美國都市之大小，觀中國鎮之有無而定，有中國鎮者多爲一等城市；無中國鎮而有中國菜館及雜貨店者，則爲第二等；苟祇見中國之洗衣作者，可斷其爲小城市矣。（註七）孫中山云：『近年華僑所到之地，則中國飲食之風盛傳，在美國紐約一城，中國菜館多至數百家。凡美國城市幾無一無中國菜館者，美人之嗜中國味者，舉國若狂。』廣東酒樓之奢靡，可謂冠絕中外。

禁止華工入境，爲美國首先採行之一種制度。當一八六八年（同治七年）中美條約成立時，美國尙需要華工入口，所以該約剴切承認變更居住與變更國籍爲「天賦的與不

可割讓的人權」(Inherent and inalienable right of man) 並且承認締約國任何一方之人民，對於其他締約國，享有往來貿易游歷或永居之自由。自是以後，中國人民之赴美謀生者，極一時之盛。華工耐勞而堅苦，生活低而取值廉，美人不能與競爭也，於是發生排華運動。美國國會於一八八二年始定禁止華工入境之法律。從此以後，留美華人之數日形減少。不但此也，自夏威夷及菲律賓於一八九八年割讓於美國後，美國政府並已陸續將禁止華工入境之律，施行於其屬地。伍廷芳駐美時，雖曾一再抗議，終無效果。所以一八六八年中美條約，今雖仍爲中美現行條約之一，而該約之精神，則已被美國政府毀棄無餘。(註八)依照美國一九二四年移民法，各國每年入美之人數，概不得超過各該國留美人數總額百分之二，此項留美人數，以一八九〇年美國戶口調查冊爲標準。

加拿大之華僑

加拿大之有華僑蹤跡，始於一八五八年。現時加拿大華僑共有五萬人，較美國華僑祇

少一萬。加拿大華僑之過半數居於卑西州，而蕃古洼一城獨有一萬。英屬哥倫比亞州（British Columbia）係加拿大之一州，加人因名詞太長，省稱B. C.，華人遂譯作卑西。加拿大太平洋鐵道（Canadian Pacific Railway）西起蕃古洼（Vancouver），東達哈黎法克斯（Halifax），綿亘三千餘英里，其屬卑西州一段，長約三百八十英里，大部爲我華僑所築。一八八四年全加鐵道告成，華工遂有「烏盡弓藏」之悲。加人主張限制移民，華人赴加須繳人頭稅五十元（美金），一八九五年經國會通過，成爲法律，一九〇二年增至百元，一九〇四年增至五百元。一九二三年提出華人新移民律，該律要點爲取消人頭稅，但以後只有外交官與學生商人可以入口，學生程度須直接能進大學，商人須有二千元以上之資本，且不許開設飯館及洗衣作。此律在國會討論時，華僑曾聯絡各團體，作大規模反抗運動，卒無效果。此律於是年七月起實行，爾後華工入加之路絕矣。（註九）

南美洲澳洲等處之華僑

禁止華工之事實，美國倡之於先，中美南美諸邦起而效尤者，亦已不少。巴拿馬、危地馬拉、哥倫比亞、哥斯達立加、委內瑞辣、祕魯等國，或則對於黃色人種之入境，爲概括的禁止，或則特別禁止華人入境。祕魯於一八七四年（同治十三年）亦曾與中國訂約，承認變更居住爲「天賦的與不可割讓的人權」，並且以「最惠國」待遇給予中國人民。至一九〇九年（光緒三十四年）頒布苛例，凡華人到祕者，須有英金五百鎊以上，方許登岸。一九一〇年（宣統元年）我國駐使向之抗議，始得取消，然我已承認，凡並無目的事業之勞工，由我國自禁其前往。與以上諸國政策相反者爲巴西。一八八一年（光緒七年）中巴條約略云：「兩國人民，彼此皆可前往，華民在巴，得依巴律任便游歷居住，並無限制。」至今守約弗替。近年巴西華僑約二萬人，祕魯華僑四萬五千人。

美國之政策，旗幟鮮明，以種族或國籍爲標準，禁止華工以及其他黃色人種之勞工入境。英國歷來之政策，爲顧全日本之國交計，可謂委婉曲折。英國政府之主張，對於前往英屬自治殖民地之外籍人民，舉行一種語言文字的試驗。此種制度，自一八九七年即已行於南

非洲，爾後澳洲及新西蘭等處亦已做行此制。譬如在澳大利亞，凡外人入境，便須由關吏口授一種歐洲語言文字（至少五十字），由入境者筆記之，若筆記不能及格，即不許其入境。此種制度採行以後，華工入境殆絕跡矣。（自一九〇五年至一九一四年，十年之間，未有一個華人曾因試驗及格而得入澳大利亞者。）而且既經入境之外人，於入境後三年之內，尙得隨時由官吏授以同樣的語言文字試驗，試驗不及格，仍須勒令出境。

近年華人在澳經商者，實繁有徒，據民國十三年外交部調查，澳洲華僑約二萬五千人，新西蘭華僑二千五百人。（見中華年鑑）

歐洲之華僑

歐洲華僑總計在二萬以上，以工人水手爲多，學生最少。僑工多集中於繁盛商埠，如倫敦、巴黎及比利時之安特衛普（Antwerp）意大利之的里雅斯德（Triest）等處。民國五六年間，歐戰正酣時，英法在山東募集華工十五萬人補助戰役。華工雖未直接參戰，而在後

方從事土木工程及製造軍需品，使英法軍隊，得以專力對德，無後顧憂者，華工之力居多。是以聯軍戰勝，我國雖未派兵參戰，而各國不得不認我為戰勝國家。華工習操作，耐勞苦，志節豪爽，勇於為義，至今歐美人士多稱道之。

華僑所貢獻於祖國者

海外華僑皆視勞工為神聖，極活潑而忠誠，往往徒手出門，起家鉅萬。然皆愛鄉邦，重祖先，姓氏宗族，均仍舊貫，其心目中皆有祖國「唐山」之遺影。如福建漳泉永諸地，為華僑桑梓之邦，每年華僑寄回之款已有三千萬元。據廈門銀行界之調查，福建華僑每年由匯豐銀行匯回者，約計一千五百萬元，由荷蘭安達銀行匯回者，約計五百萬元，由其他各地批局（即信局）匯回者約一千萬元。顏文初云：「予於昔年走過大江南北，且沿津浦路，入北京，折往山西，所見鄉村，其人煙之稠密，建築之壯麗，用度之奢侈，誠未有若閩南者。就晉江一縣言，計八百餘鄉，皆聚族而居，大鄉者萬餘人，數見不鮮，小鄉亦百人以上，其生活皆藉南洋為挹注。

各鄉紅磚白堊之建築物，彌望皆是。婚嫁之費，普通人家開消皆在千金以上。」（註十）又如潮州四鄉道路，多以水泥砌成，瑩潔整齊，遠望如一匹白練。樟林一村（屬澄海縣）多自南洋歸國之僑商，擁有家財數十萬數百萬者，不可勝紀。全村人口三萬餘，有輕便鐵道通至汕頭，長六十里。公益埠在廣東新會縣之西七十里，爲海外華僑歸國後所建設，屋宇儼然，生活豪侈，有美國風。

近年以來，華僑歸國振興教育實業者，彬彬日出。陳嘉庚所開辦之廈門大學與集美學校，頗得南洋華僑之信仰。先施永安等兩大公司，皆華僑之所投資。先施公司於一九〇〇年（光緒二十五年）創立，現在資本增至七八百萬，總公司設於香港，分公司徧於國內外。論者謂國內實業家，資本殊苦不足，利用外資，固爲一道，然能利用僑民之資，則爲計尤得。譬如我國礦產現雖逐漸開發，然除與外商合股經營，及少數本國人所營大礦外，餘多失利，溯其原因，資本之不充，實爲大病。今地下寶藏有待啟發者甚衆，欲利用富源，貴先吸收資本；政府誠能善爲啟導，獎勵招徠，則華僑度必有樂於投資，聞風興起者。夫礦業特其一端耳。

戴季陶氏稱海外華僑爲中華民國之母（註十二）此言諒不爲過。海外華僑中，國民黨同志甚多，在中華民國創造史上，華僑之力應占一部分。孫中山曰：「乙酉（一八八五）以後，余所持革命主義，能相喻者，不過親友數人而已。士大夫方醉心於功名利祿，惟所稱下流社會，反有三合會之組織，寓反清復明之思想於其中，雖時代湮遠，幾於數典忘祖，然苟與之言，猶較搢紳爲易入，故余先從聯絡會黨入手。甲午（一八九四）赴檀島美洲，糾合華僑，創立興中會，此爲以革命主義立黨之始。庚子（一九〇〇）以後，中國同盟會遂爲中國革命之中樞，分設支部於國外各處，尤以美洲及南洋爲盛。革命黨人以一往直前之氣，忘身殉國，其慷慨助餉，多爲華僑，熱心宣傳，多爲學生，衝鋒破敵，則在軍隊及會黨，踴躍奮發，各盡所能，有此成功，非偶然也。」蓋海外華僑久受外國不平等待遇之痛苦，而無所歸依，一旦得聞中山先生國際地位平等之主張，莫不萬衆一心，努力捐輸，以求其成功。今者，革命事業雖尙未貫徹，然政府苟能保護華僑，華僑必能贊助政府也。

華僑保護問題

王世杰君有言曰：「法國國際法學者往往把權利分爲『人權』『公權』『私權』三類。而認外僑對於這三種權利，有的在原則上，必然享有，有的在原則上不能享有。一般的國家，對於『人權』是以給予外僑爲原則的；對於『公權』是以不給予外僑爲原則的；對於『私權』是採取平等主義或相互主義的。可見列國對於華僑的待遇，便往往不如此。『公權』是當然不給予他們的；就是『人權』也往往被剝奪。至於『私權』他們也大都不是生活於平等主義或相互主義之下。

- (一) 財產權……例如美國華僑不能享有購置土地及租用土地的利益。
- (二) 營業權……例如加拿大華僑的營業自由，也受有種種限制。
- (三) 納稅問題……如法屬安南對於華僑徵收一種人頭稅。
- (四) 入籍問題……如荷屬東印度無形中強制華人入籍。

(五) 婚姻權……如美國諸邦中，對於華僑婚姻權，亦設有特定限制的。

中國人在外國，受有諸種特殊限制，而那些限制，是一般國家所不施諸一般外僑的。而從另一方面觀察，外國人民之在中國，卻是享有諸種特殊權利，而那些權利，為一般國家所決不給予外僑的。（如租界權，領事裁判權等等皆是）所以中國的民族解放運動，實在應該注意到兩方面：一方面在打破外人在中國的特殊地位，一方面在解除中國人民在外國所受種種限制。」（同上註八）

(註一) 見張燮東四洋考。（此書成於明萬曆四十五年（一六一七））

(註二) 見孫文學說頁一一五。

(註三) 見麥克奈爾華僑概況 (MacNair: The Chinese Abroad) 頁四九。（一九二四年商務印書館出版）

(註四) 見星加坡中華總商會呈交通部文。（載於民國十六年三月七日申報）

(註五) 見佛爾耿堡博士著爪哇之經濟地理。 (Dr. Valkenberg: Java, The Economic Geography of a Tropical Island. 載於美國地學季刊 The Geographical Review. 一九二五年十月號)

(註六) 見栗原寅次郎大日本地理精說，下冊，頁一六七。（大正十三年東京大同館出版）

(註七) 見徐正鑑留美探風錄頁二五七。(民國十六年商務印書館出版)

(註八) 詳見王世杰國際移民問題。(載於東方雜誌第二十三卷第五號，民國十五年)

(註九) 見程天放加拿大華僑概況。(東方雜誌第二十三卷第二十三號)

(註十) 見顏文初菲律賓通信。(民國十四年九月九日申報)

(註十一) 詳見戴季陶中國與暹羅序。(民國十三年)


第四章 移民實邊政策

移民實邊之歷史

我國內地多游民，邊疆多曠土。移民實邊政策，乃移內地之游民，實邊疆之曠土，國利民福，莫過於此。滿蒙一帶，移民實邊之歷史，大致可分三期，而黑龍江省之呼蘭平原，可為代表。

(註一) 呼蘭城之名由呼蘭河而來，呼蘭河在哈爾濱對岸流入松花江者也。

(一) 官屯期……清雍正十二年(一七三四)至一八五九。(雍正十二年，設置呼蘭城，有少數旗兵駐防屯墾。是時滿洲尚為封禁之地，不准漢人出關開墾，故稱官屯期。考其所以封禁之故，蓋有數端：祖宗發祥重地，一也；恐妨旗人遊牧生活，二也；保留失敗後之退嬰地，三也。然滿人素以騎射為俗，假天朝之威，驕惰成俗，故此期中實際從事於墾畝者，



呼倫附近地圖

仍爲漢人，卽清初謫戍於關外者之子孫也。但此期之末，當道光咸豐間，漢民越關私墾者已不少。道光末年，呼蘭城有旗人一萬弱，漢人二萬數千。

(二)民墾前期……咸豐十年至光緒十三年（一八六〇至一八八七）咸豐末年，俄人南下侵略，黑龍江以北烏蘇里江以東之地，悍然割去。是時黑龍江省地曠人稀，軍餉又極拮据，清廷鑒於內外情勢之變遷，始以招民實邊爲急務。山東直隸，人滿爲患，出關謀食，如水赴壑。呼蘭平原地味膏腴，農墾尤盛，稱爲全省穀倉。黑省餉額之半，出於呼蘭，其於國防上之貢獻，實甚大也。自同治七年，迄光緒十三年，十九年間，呼蘭旗營戶口，僅增二倍，漢人則增加四十五倍。於是經濟上之實權，漸爲漢人所奪，滿人漢化，從此始矣。此期以農民爲開發之主權，其耕作運輸方法，純屬中國式，稱爲民墾前期。

(三)民墾後期……光緒十四年至現今。本期之初，本省架設電線。光緒二十三年（一八九七）俄人所築中東鐵路經過本區。鐵道有吸收移民，吸收資本，及開拓世界市場之功效。中東路建築之時，北滿洲人口不到二百萬，至民國十年（一九二一）增加六倍，幾達千

二百萬人。(註二)新式工業，亦次第勃興，哈爾濱有麵粉廠，榨油廠，釀酒，製糖諸工業。最近呼蘭平原增設鐵道，交通益爲便利。呼蘭河源出興安嶺，流入松花江，全長千里，綏化以下四百里通小汽船。近擬建設呼海鐵道，由官商集股合辦，自哈爾濱對岸之松浦鎮起，經呼蘭綏化至海倫，計長二五〇英里，業已興工開築。『松浦居哈爾濱江北，聲息相聞，陸路則南北行火車皆通，水路則上下游輪帆接踵。出產之黃豆，油餅，小麥，雜糧，皮骨，山貨，最屬豐富。目前雖屬初闢市場，將來定與哈爾濱並駕齊驅。』(註三)


滿洲之殖民

滿洲草原既往二百年之開發，猶未脫創業期之歷史。觀每方哩人口密度，東三省平均爲五十三人，(即奉天一三二人，吉林七〇人，黑龍江一二人)，山東省爲五百五十二人，適成一與十之比例。又如黑龍江省可耕面積五分之四，依然荒蕪，未經開墾。故滿洲實爲我國過剩人口之重要出路。滿洲農家，雇用山東直隸之移民，每年在四十萬人以上。最近數年，入

境移民銳增，而回籍移民反減。據政府經濟討論處調查；民國十四年內地人民之移殖滿洲者約五十萬名，十五年約五十萬名至六十萬名。又據天津京奉鐵路局調查，民國十六年春季，直魯難民出關者，已達三十六萬人之多。至於移民回籍人數，就大連一埠而論，民國十三年經由該埠之回籍移民約居該埠入滿移民總數百分之六十五，十四年約居百分之四十九，十五年約居百分之五十二。蓋國內連年戰爭，民不聊生，直魯兩省而外，其他腹地人民，亦多盡室遠行，以謀生計。向者直魯人民往滿洲工作者，多係短期傭僱，單身獨居；近年情勢一變，婦孺移民亦日見其多。（註四）滿洲政府對於移民常與以獎勵，如中東鐵路自陽曆三月十日至四月三十日，舉行減價，以爲招徠勞工之計。關東草原既爲山東之殖民地，故旅行滿洲，與目相接者皆山東店。山東農民富於進取精神，有探險之性，具沈毅之力，其實樸敦厚之風，關內農民不是過也。滿洲氣候嚴寒，然少水旱災，沿江一帶農林漁澤之利，大有可圖。滿洲農作物，以大豆小麥最爲饒富，有「亞洲之穀倉」之稱。伍朝樞氏有云：「希望本黨國精神，由珠江揚子江黃河三大流域，最後發展至黑龍江流域。」旨哉斯言。

滿洲地曠人稀，惟藉鐵道爲開發富源之鎖鑰。日俄二國皆以鐵道爲侵略我滿洲之導線。當俄人在北滿勢力最盛之時，中東路名曰中俄合辦。其實完全爲一俄國政治之利器。俄人以哈爾濱爲行政之中樞，哈爾濱者北滿經濟之中心，小麥大豆之集散地。俄國官吏之管理哈埠及鐵道儼然主人；日俄戰後，日人抄襲其法以禍南滿。中東路綿亙三千里，昔年俄國移民達三四十萬，以致鐵道沿線語言文字悉成俄化。大戰以後，俄人頻年退去，至今尙有二十萬人。中東路現由中俄合辦，沿線市政權亦已收回，改爲東省特別區。日本僑民大都在南滿鐵路沿線，共計二十萬人，其中有八萬三千在關東州租借地，而日人尙有移民遲緩之歎。日俄政府對於移民，均有積極助長之意，故言及內政，無不含有外交性質。

據日人統計，東三省合共面積三八二、六二七方英里，等於二四四、八八一、〇〇〇英畝，現在耕種之農田，約三〇、五〇〇、〇〇〇英畝，不過占全面積百分之十二·五，除去興安嶺長白山之山地，計六四、五〇〇、〇〇〇英畝，然則尙有一四〇、〇〇〇、〇〇〇英畝，即等於日本全國耕田三倍之地，足資開發也。（註五）即盡徙日人於此，亦無人滿之患。而



哈 佛 大 學 函

第四章 移民實證政策


一七七

自東京至瀋陽，鐵道六十小時可達，故日人心目中之滿洲，早已視爲朝鮮第二。日人侵略滿洲，以南滿洲鐵道公司爲中心。該公司係光緒三十三年（即明治四十年，西曆一九〇七年）開辦，以開發滿蒙爲其根本事業。（按日人所稱之滿蒙常指東三省及熱河特別區而言）總社設在大連，支社設於東京。民國九年，資本增至四億四千萬圓。其所經營之事業，則有鐵道業，水運業，礦業，科學事業，教育事業等，舉凡開發滿蒙之根本事業，可謂囊括無遺。（註六）昔英國以一東印度公司而滅印度，日人之野心，何以異此？年來國人在東三省經營實業者，因受日人壟斷之苦，失敗者屢屢聞矣。况日人邁往直前，如入無人之境，我國若不速定移民實邊之大政策，急起直追，人一能之己十之，則麥秀黍離之感，亦已晚矣！

間島問題

東北邊疆有「延邊」「倫邊」之稱，延邊者吉林延吉道之邊疆，倫邊者黑龍江呼倫貝爾之邊疆。倫邊當庚子之亂，俄人曾越界居住，其後我國興辦屯墾，得以無事。延邊爲中韓

雜居區域，清季釀成間島問題，爲國際間之一重大問題。（間島之名，昉自韓人，而日人襲之，蓋卽「墾土」一音之轉。）間島跨長白山東部，圖們江北岸，爲吉林東南門戶，土壤膏腴，適於農墾，與朝鮮只一衣帶水之隔。清代中葉以後，韓人越界私墾，沿江一帶多爲所佔，人口蔓佔，倍於華民。日人既併朝鮮，欲乘機進取間島，擴張殖民地，願其所持理由，嚮壁虛造，毫無根據。宣統元年，中日兩國締結協約，確定間島地方爲中國領土，韓僑歸中國統治。民國四年日本二十一條件，要求在滿洲任便居住權，日本住間島領事，藉口保護韓僑，越俎代庖，重起糾紛。間島者介於東朝鮮北滿洲之間，爲日本海通北滿洲之捷



間島圖

徑。今日人所築之天圖路，已由圖們江岸通至龍井村，將來擬延長至敦化，與吉敦路聯絡，由吉林直達長春，以完成其鐵道包圍南滿之計畫。

間島之地，三面環山，森林蒼然，礦產亦富，以天寶山銅礦爲最著。二十年來，中國人殖民其地，以山東登萊人爲多，現達七萬人，然尙不及韓人三分之一。韓人每年移民，自一萬人漸增至二萬人，蓋日韓合併以後，韓民苦日之苛政，相率遷徙，皆以我國邊境爲桃源也。據龍井村日本領事署宣布間島人口（和龍延吉汪清三縣）在民國元年，朝鮮人十四萬三千人，中國人三萬六千人；至民國九年，朝鮮人二十二萬三千人，中國人六萬八千人。且也，東省韓僑初不止間島一處，遠至吉林東北虎林密山各縣，及奉省鴨綠江支流渾江流域，皆有所謂「高麗村」者，統計之無慮五六十萬人，誠不知再越十年，當增殖至何數字。民族雜居，動滋事端，去之則彼歸無家，不去則日將來治，誠爲東北邊疆之大問題也。（註七）

內蒙古之殖民

前清以蒙古爲屏藩，既欲其愚昧無知，受清廷之籠絡，又懼漢人煽誘，謀爲不軌，以圖報復，故任其地廣人稀，絕不輕議開放，至其季年始弛禁例。然口內貧民，固時時有潛出者，大抵漢人足跡之抵河套，始於乾隆之世，至道咸間而大盛。光緒二十七八年頃（一九〇一）清廷感於強鄰之威脅，對於蒙古之政策亦一變，獎勵內地移民。當時開濬八大幹渠於河套，立西北農墾之基礎。近年以來，京綏鐵路告成，包寧汽車路接踵舉辦，直晉墾民，連翩而至。如平地泉、民國十年始建縣治，包頭十一年始建縣治。蓋自鐵道開通以來，商旅墾戶，蟻集雲屯，以荒僻之鄉村，一變而爲浩繁之都市。惟除鐵道沿線外，人煙仍極寥落，察哈爾十一縣只百餘萬人，當南通一縣。熱河、察哈爾、綏遠三特別區，合計不過七百萬人，倘使盡力開墾，以期與山西省人口密度相等，至少可容四千萬人。河套一帶，目下每畝地價不過一元，實爲容納內地過剩人口與裁減兵隊之絕好處所。今朝野人士，咸注意於西北之開發，良有以也。

河套水利，自古知名。據民國十四年東南大學綏遠農墾調查團報告，河套之地（包括五原、臨河、大佘太等地）爲綏遠倉庫，舊有八大渠，灌地一萬頃，現渠道淤塞，只能灌三千頃。

馮督辦（玉祥）曾派兵三旅，開濬八渠，灌溉既便，立成良田。每畝以六斗計，爲六百萬石，人口以二百萬計，供給民食而有餘。（註八）西北農產有食糧油糧之別，食糧以小麥爲大宗，油糧以胡麻爲大宗。綏遠農作物中，食用作物占四分之三，經濟作物（如胡麻）占四分之一，然經濟作物獲利較厚。察哈爾殆全屬旱地，水地極少；在綏遠宜提倡農墾，在察區宜提倡畜牧。我國軍用馬匹，咸出察區，多倫爲著名馬市，俗稱廟馬。（因多倫有喇嘛廟故也）羊毛爲出口最大宗，西北一帶，毛莊特多，察哈爾以張家口爲中心，綏遠以包頭爲中心。肉類中亦以羊肉爲最普通，孫中山嘗稱察哈爾爲中國之阿根廷，將來世界肉類最大供給地之一。

孫中山先生指定多倫諾爾爲將來發展殖民政策之中心點。其所計畫之西北鐵路系統，由北方大港起經灤河谷地以達多倫諾爾，凡三百哩，復由多倫進展於西北。以國民需要之原則言之，此爲第一需要之鐵路，蓋所經地方，較諸本部十八行省，尤爲廣闊。現以交通機關缺乏之故，豐富地域，委爲荒壤；而沿海沿江煙戶稠密省分，腐集之貧民無所操作，其棄自然之惠澤，而耗人力於無爲者，果何如乎？倘有鐵路與此等地方相通，則稠密省區無業之

遊民，可資以開發此等富足之地，此不僅有利於中國，且有以利世界商業於無窮也。」

中山先生稱蒙古新疆之殖民政策，除有益於鐵路以外，其本身又爲最有利之事業。『卽以滿洲現時殖民言之，雖於雜亂無章之中，虛耗人工地力，不知凡幾，然且奇盛。假使能以科學方法行吾人之殖民政策，則其收效，將無倫比。』『土地應由國家買收，以防專占投機之家，置土地於無用，而遺毒害於社會。國家所得土地，應均爲農莊，長期貸諸移民，而經始之資本種子器具屋宇，應由國家供給，依實在所費本錢，現款取償，或分年攤還。而興辦此事，必當組織數大機關，行戰時工場制度，以爲移民運輸居處衣食之備。第一年中，不取現值，以信用貸借法行之。一區之移民，爲數已足時，應授以自治特權。每一移民，應施以訓練，俾能以民主政治之精神，經營其個人局部之事業。』『假定十年之內，移民之數爲一千萬，以國民需要之原則衡之，則此種政策實爲今日急需中之至大者。夫中國現時應裁之兵，數過百萬，生齒之衆，需地以養，殖民政策於斯兩者，固最善之解決方法也。』（註九）

過探先君論綏遠農墾有云：『現在之問題，不在地廣人稀，有地而無耕種，患在地而分

配之不均耳。歷來放墾，漫無限制，所訂辦法，又適合於智識階級之企業，長袖善舞之商販；真正之農民，籌資已覺不易，領地更感困難。需地耕種之人愈多，地販愈形居奇；壟斷之利愈大，地販愈多。某處有地三千頃，都在公司之手中，經營雖已數年，所開不及十分之二，坐以待地價之增高，而遂其不勞而獲之願焉。此種情形，最足以妨礙農業之進步，急應設法取締。」（同上註八）綏遠農墾糾紛所在，以教堂地爲甚。庚子亂後，各國天主教徒恃勢而驕，擅自圈地，招民耕墾，河套一帶，有教區十餘所。而每一教區，更築牆自衛，儼然城堞，四圍則大樹參天，溝渠縱橫，苦心經營，已非一朝一夕。賀蘭山東有市鎮名三道河，乃教堂之總匯處也。（三道河在包頭上流四百里，爲長百餘里，廣五十餘里之廣野，該地於三十年前由法國及比利時傳教師數人，對蒙古阿拉善王，實行懷柔政策，乃允許於該地開墾傳教。其後日漸推廣，教徒日衆，不啻一小天主教國，其地居民，悉爲華人天主教徒，已開墾運河八條，與黃河相通，俾便灌溉。教堂地之地租，佔農場總收入十分之三。農民終歲勤勞，只得總收入十分之七。而外國教士不勞而獲，年得巨額租金，於是興建築，辦教育，播耶教，奪官府之治理權。且其對於國家地方

之義務，均不擔負，若不嚴行取締，不但墾政不能進行，且恐一旦爲帝國主義者所利用，則必至成爲中國心腹之大患，決不能以其偏僻之地而忽之也。(三十)

新疆之殖民


新疆省伊犁河流域，平原廣衍，草場豐美，有「中亞樂國」之稱。清代屯兵伊犁，濬通惠大渠，灌田數萬頃。同治初，新疆回亂，伊犁失守，同治十年（一八七一）俄人占據伊犁，及回亂底定，經曾紀澤與俄力爭，始得退還中國，即光緒七年（一八八一）之伊犁條約。約中有「俄民田地照舊管業」之語，於是城廂內外，園莊牧地，與我錯雜而居，往往欺壓平民，爭佔水利，弊竇至多。伊犁以北，烏倫古河與額爾齊斯河流域，亦皆膏腴沃壤，頗適耕種，惟以土曠人稀，蒙哈（哈薩克）雜處，仍多用爲牧場，從事農業者甚少。阿爾泰居額爾齊斯河上流，爲阿爾泰山扼要之區，舊屬科布多。民國成立，以阿山遠處極邊，界連俄國，在國防上實有重大關係，因將阿爾泰歸併新疆，改建道區。如布爾津布倫托兩處，均於民國三年始置設治局，數

年以來，生聚漸繁，至民國八年始立縣治。阿爾泰境內，沃野千里，河流縈帶，及時經營，設治招墾，尤爲實邊至計。

片馬問題

片馬爲雲南省西北部之要隘，在北緯二十六度，拔海約七千尺。南距騰越十四日程，東爲高黎貢山。西北爲野人山，西南爲高良工山，皆滇緬之界山也。（高良工山一名扒拉八山。野人山一名茶山，所謂野人，卽指野人山中之土民，又稱爲猿夷、怒夷。）有河流名小江，發源板廠山（高黎貢山之旁支）南流轉西，復西北會於恩梅開江，折向西南流，注於伊洛瓦底江。高良工山卽小江與恩梅開江之分水嶺也。片馬向屬保山縣（舊永昌府）登埂土司管轄，距縣城二百八十里。野人山一帶多膏腴沃壤之地，又富森林礦產。宣統二年（一九一〇）英人不顧公理，派兵二千，佔據片馬，又於高黎貢山之巔，分築礮臺，電光遠射，照及怒江渡口。度其用心，顯然推翻光緒二十八年（一八九四）中國公使薛福成與英外部訂約簽字之

地圖成案，（指明高良工山山脊爲界）而強指高黎貢山爲天然界線，計圈入英界之地，橫約數十里，縱約數百里。政府與英人交涉，久無結果，其勢幾至決裂。歐戰以後，英人不遑東顧，自行撤兵，是以邊境無事者數年。及至民國十一年（一九二二），我國外部據駐仰光領事報告，英人擅將片馬改設縣治，歸緬甸治理。雲南省政府亦派委調查，報稱英人在距片馬約三十英里向隸中國明光土司管轄形勢極險之拖角地方，設立拖角廳爲行政官，徵收片馬居民戶稅，一切設施，不遺餘力。



片馬交涉地圖

雲南邊境之山林 (徐韋曼先生攝)



(此係習降山
嶺高出海面約
一萬餘尺，在騰
越北三百里爲
英緬政府擅定
之中緬邊界，由
此可見片馬等
處。)

至民國十六年，雲南省政府接到騰越駐軍報告，英政府頃由瓦城（即緬甸首府阿瓦）發兵三千有餘，以二千開駐新街（即八莫）以一千餘添設江心坡一處，毗近我國疆界。其後江心坡英兵增至四千有奇，馬匹不下三千餘匹，並在該地附近設營安寨。查江心坡距片馬不過二百餘里，與騰越古永接壤。（註十二）今英人驟添數千兵馬，其用意所在，路人皆知。英人之野心，初非爲片馬一隅之地，蓋欲沿高黎貢山，進窺西藏四川，以據長江之上游。是片馬問題，實西南邊防之大問題也。姚文棟云：『自英得緬，藩籬撤而門戶寒矣。所幸者猶有野人山之天險，可以限隔中外。若使野人山爲英所得，則長驅而入雲南，有高屋建瓴之勢，而雲南危若累卵矣。』（註十三）爲今之計，當與英人嚴重交涉，從速劃清我野人山與英屬緬甸之界線。鑒既往之失敗，爲未雨之綢繆，則改土歸流，移民實邊，國防尙可爲也。

（註一）詳見有高岩黑龍江呼蘭平原之開發。（載於內藤博士還曆紀念支那學論叢，大正十五年出版）

（註二）見北滿洲與中東路（North Manchuria and the Eastern Chinese Railway）頁四。（民國十一年中東鐵路經濟調查局出版）

（註三）見黑龍江松浦市政局來函。（載於民國十五年十二月十五日申報）

(註四) 詳見中外經濟周刊第二百二十五號，我國內地人民移殖東省之情況篇。(民國十六年八月)

(註五) 見日人安達氏滿洲考察記 (Adachi Kinnosuke: Manchuria a Survey) 頁一四一。(一九二

五年出版)

(註六) 詳見南滿洲鐵道株式會社編吾社之事業一書。(大正十三年)

(註七) 參觀張其昀本國地理，下冊，頁三一九至三二三。(民國十六年商務印書館出版)

(註八) 詳見農學第三卷第一期，綏遠農墾專刊。(民國十五年)

(註九) 詳見孫中山建國方略之二，實業計畫，頁十四至十九。

(註十) 參觀保衛西北旅行雜記 (載於東方雜誌第二十四卷第三期，民國十六年)

(註十一) 見新聞報十六年四月六日，雲南特約通訊。

(註十二) 參觀趙祥瑗片馬問題研究。(載於史地學報第二卷第四期，民國十二年) 又徐章曼滇緬交界情

形(同上第六期)

第五章 原始民族之開化運動

廣東開化黎瑤民族之創舉

我國西南方山谷間，有未開化之種族約數百萬人。大都各成小部落，而大別之分爲六種：一曰苗，居於雲貴高原；二曰獠，居於嶺南山地；三曰黎，居於海南島；四曰白夷，居於滇省西邊；五曰西番，居於西康特別區域；六曰獯，居於四川建昌道之谿谷中。雖種類非一，語言分岐，而有其共同之風俗，卽重女輕男，重牧輕耕是也。蠻人以牛羊爲恆產，以玉蜀黍爲正糧。不蓄治生，故無積蓄；以物易物，不用貨幣；刻木爲符，以定真僞；崇巫事鬼，不知醫藥；此皆原始時代之生活也。而天多陰雨，地盡峯巒，蓬頭跣足，狀如猿猴。漫無人倫之秩序，婚姻以唱歌跳舞爲媒，若兩情相投，卽誓永好，然每因戀狎不平，頓成仇敵，弱肉強食，淫殺無已。要之，純任自然，

初無法制以相管轄。故數千年來，文獻無徵，喜則人，怒則獸。去其野蠻，移風易俗，我漢人之責任也。

民國十六年六月，廣東省政府議決「開化黎獠民族案」，在瓊崖設化黎局，在連陽設化獠局，分期舉辦宣傳隊，簡易識字學校，開路局，土產交易所，儲蓄銀行，警察保安隊，人事評判所等。此舉也，實為西南原始民族開化運動之先聲，行之有效，其裨益於西南部富源之開發者，何可限量。茲將粵政府民政廳請設立「開化黎獠局」提案原文錄之如左：

「吾粵為革命策源地，其民族夙號優秀。而瓊崖連陽之間，仍有未開化之民族二，蔓衍風傳，莫可紀極，考其種類，厥曰黎。黎民則散處於瓊崖各屬，獠。獠民則散處於連陽，不識有文字，不知有國家。其聚於瓊山安定間者，曰領門黎；聚於瓊東樂會間者，曰樂安黎；聚於臨高儋縣者，曰南豐黎；聚於萬寧陵水間者，曰興隆黎。斯四黎者，尚知架木而居，烹飪而食，此外則皆裸體穴居，茹毛飲血而已。若獠民則散處於連縣之西，陽山縣之北，連山縣之南。自宋至今，孳生漸衆，區別丁口，皆以排名。（大排人口約五千餘）曰油嶺排，南江排，橫江排，

軍寮排，馬箭排，大掌排，八洞排，火燒排，此卽所謂連陽八排之獠民也。而其獠、猺、渾、噩，亦悉與黎、民同。歷代以來，抗顏而司民牧者，縱撫有二族，亦不復以人類相待，惟芟夷淘汰之，恐其未盡。於是未沐教化之黎、猺，遂終身淪九淵而陷九幽，永永不能自拔，此誠最可憐之弱小民族，抑亦吾粵顛連無告之赤子者也。夫國有民而不施教，是謂自棄其民；民梗化而不與開，是謂官溺其職。我大元帥提倡革命，以扶植弱小民族爲黨綱，以全民得自由平等爲目的。今黎、猺二族，祇以獠、猺、渾、噩之故，未登自由平等之途，遂使短裙椎髻，莫覩冠裳，乳酪腥醃，未諳觴豆，芸芸種種，滅而復生，此豈二族梗化之性成，毋亦國家開化之未得其道歟？况瓊崖一島，西控安南，南連爪哇，東帶菲律賓，北屏百粵，實爲中國南部要區。而五指山一隅，黎、民之屯集尤衆，該山礦產森木，蘊藏滋植，歷千百年而未經開伐，其地利之厚，外人久已垂涎。至若沉香蠶絲，鹿茸牛羊等物，皆產於黎、民生息之地，每歲不可以數計。故善導之，則地盡其力，不善導之，則貨棄於地，利害轉移之間，全視乎開化之策，能否實施爲斷耳。此黎、民開化之不容緩者一。又獠、民散處於連陽之間，縱橫三

百餘里，其地與廣西賀縣相連，常爲用兵之地。查獠地之產物，以杉木、黃豆、大麥、棉花、山薯爲大宗，其地利雖不及瓊、黎之饒厚，然獠民皆能自食其力，無待國家之補助，茲所需要者，祇期國家之教化而已。此獠民開化之不容緩者又一。今黎、獠二族，人口達數百萬，故開化實爲今日之要圖。然開化之義，固無憑武力以勞撫綏，亦非藉文章以資粉飾者也。昔對於黎、獠二族，設官治理，皆署撫綏黎、獠之職銜，既視黎、獠爲化外生成，故舍武力則幾無辦法。不知民國成立以後，黎、獠皆殷殷內向，未聞有抗順擾亂之行爲，卽無所用其武力撫綏之政策。又嘗考歷代之官斯土者，開化之術，素令講求，類皆寫其風俗，播爲詩歌，自詡循良，謬彰政績。或敍其踏月跳歌，而詞傷忠厚，或述其鬪牛賈勇，而旨近荒唐；要皆無關於啓發愚民，適足以見其侮辱人格，卽此施政，皆無取焉。夫吾粵近以模範之名，標示宇內，則瓊、崖莊嚴之革命策源地，自不宜更有長髮赤足之倫，永斬其沐白日青天之化。倘其有之，不特國史之污點未除，亦卽吾儕之責任未盡。比年以來，瓊、崖二屬，雖有撫黎、局、獠、務、局之設置，然皆辦理敷衍，成績甚微。茲謹遵先總理扶植弱小民族之

義，擬爲開化黎獠二族之謀：誠能宣以黨義，施以教育，闢其地利，導其自由，榛狂而文明之，渾噩而進化之，對內可紓國家瞻顧之憂，對外可杜帝國覬覦之謀，大之可進其民爲革命之前驅，小之可使流寇失負隅之憑藉，此皆開化之效，可待期成者也。」（註一）

苗人之生活

苗族總數約一百五十萬，現多居於貴州東南部，湖南西部，雲南東部亦有之。近人多信苗族卽古之三苗；且謂中國先有苗族後有漢族，此謬論也。（註二）今之苗，卽古之蠻。漢唐以來之地理志，祇言南蠻，未有稱三苗者。以蠻爲苗，乃近儒附會古典（尙書三苗之文）習焉不察，遂成通稱耳。苗人之環境，卽所謂「深潭沈碧，危峯礙日，密樹蒙煙，怪石猙獠。」山居使人塞，數千年來，苗人仍未開化。蓬髮熬面，短裙赤足，「刀耕火種」，「山箐蒼鬱，先須縱火焚燒，然後開墾」以玉蜀黍爲正糧，出產惟有牛皮樟樹之類。多穴山而居，陟岡楛，履荆棘，捷如猿猴。苗人語言紛歧，風俗龐雜，細別之有七八十種之多。（註三）大別之，可分正苗族與漢苗

混合族，正苗族如黑苗（約十二萬）花苗（約二萬）等，漢苗混合族如狛家（約十萬）龍家（約一萬）等。花苗淳樸畏法，俗陋力勤。黑苗性獷悍，以剽劫爲能，貴州歷次苗亂，多由此苗倡首。狛家雜有隋唐流民之血統，身裁俊俏，聰慧能讀書，喜居水濱，黔人有一高山苗，水狛家」之諺。狛家商販諸苗中，如甬人徽人之在各省云。龍家乃周代聖賢之裔淪於荒徼者，「通漢書，秉周禮，駸駸乎禮樂之鄉。」今貴州有龍里縣。然苗族除龍家等少數人外，皆營原始時代之生活，且因其環境相同，風俗亦大同小異。舉其最顯著者，約有下列數端。

（一）跳月 跳月者苗人之婚禮也。每歲孟春，聚未婚男女於郊，踏月跳舞，連袂宛轉，以樂爲節，情鍾意合，抱腰合脰，自相配偶，父母不禁，惟異種苗人，彼此絕不議婚。

（二）愛牛 苗族以多牛爲富，婚姻交際，多以牛酒。或以鬪而死，約牛牲若干償還，名骨價。

（三）重女輕男 女爲家主，女勤男逸，女襲祖產，男爲贅婿。

（四）實物交易 入市交易，止負土物，如雜糧苗布之類，易漢人之鹽與鐵器。

又若苗人畏鬼信巫，刻木結繩以代文字，匪毗之仇，至相殘殺，謂之打冤家，皆不可以禮法繩



貴州苗民土風舞


第五章 原始民族之開化運動

之。苗族自古不屬中國，漢唐宋明皆爲羈縻蠻地，未能革其草昧也。清雍正時，鄂爾泰建議改土歸流，苗人不服，屢起變亂，用兵十餘年，始克蕩平。然建縣未久，欲其帖然無事，一視同仁，此實難矣。王陽明先生有言曰：『夷民方若未琢之璞，未繩之木，雖粗礪頑梗，瀆禮任情，不中不節，未免於陋之名。誠有君子而居焉，其化之也蓋易。』此語雖在今日，猶可師法，不當以苗疆遐僻而忽置之也。

獠人之生活（附畬民）

獠人分生熟二種：熟獠卽平地獠，與漢人錯處，或通婚姻；生獠卽山獠，皆居巖洞之中，不與華通。或謂高山曰獠，深峒曰獠。獠獠皆善登巖崖，攀緣樹木，捷如猿猴；體軀短矮，頭上被長髮。其謠曰：『官有萬兵，我有萬山；其來我去，其去我還。』廣東連山附近山中，有八排獠，性最橫悍，其臀微有肉尾，脚皮厚寸許。廣西獠獠最多，舊有『民四蠻六』之語。獠人生理簡陋，山中或射鳥獸，江邊或捕魚鼈，其務農者，種禾黍山芋爲糧，今歲此山，明山又別嶺矣。住屋似樓

贛西語言分佈圖 (採自中華書局)



附註——圖中斜線為官話區橫線為粵語區至東南隅之直線則指明該處並有土語及粵語北部之小方格區域係代表黎民所居之處該處官話不通而中部一大方格處則為苗民之居住地此地皆山地在台稿未劃分語界黑點部內種家語可通行然各行集中亦時聞粵語小黑文者係代表用客家語之用體

第五章 原始民族之開化運動

而非樓，蓋茅作兩層，內架以版，人居其上。則豬圈牛欄，皆在臥榻之下矣。衣粗布，不知有絲屬，用土盃，不知有瓷器，猶上古獠狃之景象也。又不產食鹽，漢人與之交易，多致奇富者。獠人有限制人口生產率之遺俗，每夫婦二人只准育二男二女，多則棄去；蓋其土地狹窄，恐人口增加，物產不足供給，起爭奪，招禍亂也。（註四）獠人悍蠻難制，無食則四出剽掠，其藥箭甚毒，中人有至死者。華人或侵削之，益以激其狼子野心，故變亂之起恆較他省爲易。廣西大藤峽，林菁叢惡，尤爲險深，明代屢次獠亂，王守仁大舉剿之，始漸平定。廣西桂鬱二江自漢已爲通道；紅柳二江則近代始開焉，卽大藤峽之榛塞故也。廣西自柳州以西，大山盤礴，明清以來，土司繁夥，顧獠狃自封，渺不相屬，桀驁漸萌，動滋事端。至清季，土司頗多改爲州縣，設官以治理之。要之，粵西數千年來最爲閭淡，今日之務，在廣建學校，崇尚醫藥，誘諸獠爲良民。夫嶺南山川縣邈，環拱千里，果能剪除荒穢，啓發寶藏，則向之以蠻荒爲病者，安見其不胥變而爲樂土耶？

畲民（音斜）實獠族之一支，亦稱曰畲獠。福建境內之畲民，以舊建寧府屬汀州府屬等處爲最多；浙江畲民多居於括蒼山脈之南部，卽舊處州府屬各縣，佔處州總人口七分之

一、總數約二十萬。漢人稱畬民所居曰「畬客寮」。畬民稱漢人爲「明家人」。蓋自明代汪守仁平獠之後，獠民流離遷徙，散居於閩浙間谿山高深之處也。畬民生活簡陋，布衣短褐，色尚藍，以番薯爲正糧，玉蜀黍次之。旁山結茅，自成村落，有藍雷鍾槃四姓，婚姻亦惟四姓世爲之。男女皆務耕作，女子有承受遺產權。隨山遷徙，種穀三年，土瘠輒棄去。其爲漢人佃戶者，多能操本地漢語。漢人有童謠云：「公會做，瓩會做，做得有脚沒有褲。」言畬民生活之困難也。其家有餘財者，間能向慕文化，遣其子弟讀書，然亦千百之一耳。畬民曾受高等教育者，據云僅有一人，名藍絢，浙江遂昌縣人，南京高等師範學校畢業。（註五）

黎人之生活

瓊崖苦於黎患，史不絕書。黎人居黎母山（卽五指山），層峯疊嶂，林竹叢深，故諸獠得以負嶋。黎分生熟二種，略如生獠熟獠。男女出外操作，均遮以六角形之笠，食糯米，佐以番薯；織棉爲布，縛竹爲屋，惟鐵器仰給於漢人。性嗜射獵，專尚弓矢，以取鹿豕。男女之交，毫無節制，

俗以最後之子爲嫡。黎人猶在上古部落時代，遇有變故，黎頭發號施令，全弓服從；一弓發難，則傳矢他弓，附者自刻一痕於其上，則又傳他弓，約定之後，至死不悖，獷悍之名，由此而得。實則黎人天性純樸，頗有太古遺風；歷代黎患，多由漢人誅求過甚，釁端屢起，良非不得已。瓊崖沿海與腹地，劃爲黎漢二境，彼此不相往來，僅米鹽魚貨，間有交易；雄厚富源，多委黎境之中。故欲經營海南島，必自開化黎人入手，成效乃有可期。（註六）

白夷之生活

雲南西南部，夷人居於高度四千尺以下之幽谷，漢人居於四千尺以上之高原，界限頗爲顯著。因高原地較涼爽，合於衛生也。（註七）白夷多在河濱低原，編竹樓居，故有「水擺夷」之稱。夷人生活以種植爲主，打獵爲副。婦女身體強健，凡耕耘操作等事，多以婦女任之。夷亦有美俗，一切契約，刻木爲符，如期酬償，毫髮不爽。兩曹交戰，勝負未分，有僧入陣止之，遂罷陣而歸。大抵怒江以西之夷，傳緬甸之佛教，怒江以東之夷，傳暹羅之佛教。子弟皆以學習緬甸

雲南獮民之家庭




文爲榮，近年普洱沿邊創設漢文學校，始稍改觀矣。漢人負販其地，利益極厚，惜蠻烟瘴雨，易於染疾，此種貿易，謂之「走夷方」。瀾滄江流域之夷女，多贅漢人，粵人爲其贅婿者甚多，故漢夷漸通婚姻，而種族之見漸泯。

羅羅之生活

四川建昌道南部（大渡河以南）爲羅羅之窟宅，人口約十五萬。羅羅卽蠻蠻也，分佈甚廣，西迄滇邊，南及思茅，東侵貴州，要以建昌谿谷爲中心。羅羅有生熟二種，居淺山者爲熟夷（如越嶲等縣）自清雍正以來，納糧輸稅，與內地人民相等。惟生夷僻處大涼山（雅龔江與金沙江間）負嵎恃險，叛服不常。羅羅在諸蠻中最爲桀驁不馴，習俗尙鬼，又名羅鬼。善騎馬，精射擊，苗人多畏之。衣以氈，履以革，以玉蜀黍爲糧，肉多生啖，階級甚嚴，有黑骨頭白骨頭之分，羅羅尙黑色，故自稱曰黑骨頭，白骨頭卽漢人或西番之被擄爲奴者及其子孫是也。蓋其地夷強漢弱，侵擾邊境之事，時有所聞。（註八）

西番之生活

西番乃西藏族之枝派，居於西康特別區域。歷代對於西康番人，皆以羈縻之術官其酋長，土人只知有西藏而不知有中國。自西藏問題發生後，清政府始悟康藏之界，不可不亟謀劃清。光緒三十二年（一九〇六）始設邊務大臣經營其地，改打箭鑪爲康定府。如學務貨幣工商業等，皆次第修舉，以爲長治久安之計。民國成立，劃川邊三十三縣爲特別區域，以康定爲首府，十三年改爲西康特別區域。西番面貌頗黑，狀甚粗魯，衣惟毛毯是尙，食以奶油爲佳，日耕野壑，夜宿碉房。（疊石爲碉，形如浮圖，高約數丈，貨藏其上，人居其中，畜圈其下。）財產皆以牲畜計算。地近雪山，寒氣侵略，人性稍剛。兄弟數人，共娶一妻，以其地寒，不產五穀，故如此。信奉佛教，惟喇嘛之言是聽。其有學業較深者，輒遠赴西藏，學習藏經，十餘年後歸來，便翹然自異，羣以喇嘛目之，抗衡於土司酋長之列，徭役賦稅，均得捐免。西番所以不爲漢人所同化者，一則以其有熱烈之宗教感情，保守性質極強。一則地勢高寒，漢人僑寓者甚稀。打箭



青海人種圖

鹽在大渡河之西，爲川藏貿易之中心，居民四萬，漢六藏四，漢人皆能藏語。江達在川邊極西之境，距拉薩僅一八〇哩，居民四十戶，漢人十七戶。（註九）蓋自西康建設特別區域以後，漢人往川邊開墾者，頗有成效云。

甘肅西南部與青海周圍之草地，亦屬西番之牧場。其地番人亦以畜牧爲恆產，羊乳爲飲，羊毛爲衣，茶布則仰給漢人，風俗與川邊相類，所不同者，川邊西番大都解除武裝，青海番人猶多佩刀，愈西行愈無法紀，且有劫掠行旅之事。惟在甘肅洮湟一帶，與漢人雜居，近頗革心向化，漸知屯田樹藝，衣冠語言雖殊，而皆和好無間。番人所居皆黑羊毛帳，漢人稱爲黑帳房。

滿洲森林帶之原始民族

英人蘇韋貝氏 (Sowerby) 謂黑龍江沿岸之東胡族，與北美洲之印第安人 (Indians) 頗有關係，不但體格極爲相似，卽服飾、器具、歌謠、宗教等，亦多相類，同屬原始時代之生活。（註

此種未開化之東胡族，又可分爲二類：其以漁業爲生者，如黑斤人是也，世稱爲「魚皮韃子」，居於烏蘇里江與凱湖一帶；其以獵業爲生者，如鄂倫春人是也，世稱爲「打牲部落」，居於興安嶺之谿谷中，茲略述如左：

黑斤人（卽赫哲人）以捕答抹哈魚（卽鮭魚）爲生計，食其肉而衣其皮，漢人呼此種人爲答抹哈人。黑斤語類滿人，無文字，問其年以食答抹哈魚幾次爲對。夏捕魚作糧，冬捕貂易貨。所駕漁舟曰幾喇，用婦女蕩槳。善睇獸，蹤迹之必獲。江上結冰，則以數犬駕橇，故又稱使犬部。好吸煙，無醫藥，有疾惟跳神祈禱，降神之巫名薩滿，故稱爲薩滿教。在前清時定例每歲會長必至三姓城獻納貂皮，今同江富錦諸縣多有其人。鄂倫春爲興安嶺土著之民，冬居山之陽，夏住河之濱，性情勇敢，騎馬射擊爲其特技。所獲野獸以鹿狐灰鼠爲最多。服飾表裏皆毛，遠而望之，有如熊羆。居無定處，以木支帳，圍以樺樹之皮，行則負戴，止則張架，名曰「撮落子」。器具簡單，大率以樺樹皮製成，箱篋亦然。生計艱難，儀文疏略，然與漢人頗有交際，常餽漢人以禽獸，漢人則贈以米麵酒布。鄂倫春人亦知象養牲畜，俗名四不像，蹄似牛，首似馬，

身如驢，角如鹿，其性最馴；惟食石苔，又善走，能負重百餘斤，蓋卽馴鹿（Reindeer）是也。鄂倫春人所以名爲使鹿部者，以此。索倫人卽鄂倫春人之同族而別爲部落者也，大抵鄂倫春人居東興安嶺，索倫人居西興安嶺。清初索倫騎射聞天下，卽由索倫鄂倫春等族所編成。康熙時，索倫兵隊北征羅刹（卽俄羅斯），雍乾以還伊犁西藏之軍事，索倫兵無役不從。何秋濤云：『世於黑龍江人不問部族，概稱索倫，而黑龍江人居之不疑，亦雅喜以索倫自號。』近年黑龍江政府頗欲提倡鄂倫春教育，嫩江瓊瑋諸縣之國民學校，已有鄂倫春子弟來學。學生入校後，不能任便回家，因其家游獵，遷徙無定，非其家人到校親爲提攜不可。諸學校於嫩江縣開運動會時，射擊一項得錦標者皆鄂倫春之學生也。鄂倫春兒童入校半年可通漢語，生性樸實，無欺詐誑語等事，蓋此族既乏固定之財產，無所用其爭訟也。鄂倫春勇敢沈摯，惟久居山內，幾同野人，今有志於向上，不甘自就淘汰，洵足嘉也。（註十二）

（註一）粵政府設立開化墾務局提案原文，見民國十六年四月六日新聞報。

（註二）見朱希祖駁中國先有苗族後有漢種說。（載於北京大學月刊第一期，民國九年）

- (註三) 參觀於曙樹貴州苗族雜譚。(載於東方雜誌第二十卷第十三號，民國十二年)
- (註四) 見劉策奇俗簡聞。(載於北京大學研究所國學週刊第二卷第二十四期，民國十五年八月)
- (註五) 見沈作乾畚民調查記(東方雜誌第二十一卷第七號，民國十三年)
- (註六) 參觀殷汝驪瓊崖實業調查報告。
- (註七) 據譚維斯雲南省(H. R. Davies: Yunnan)頁五十六。
- (註八) 見雷伯倫羅士人風土志(地學雜誌第十二年第一期)
- (註九) 見沛萊勒北京至拉薩遊記(Younghusband: Peking to Lhasa—Journey made by the late Pereira) 頁一七六。(一九二五年倫敦出版)
- (註十) 見蘇章貝滿洲生物誌(Soverby: The Naturalist in Manchuria) 頁二七六。(一九二二年出版)
- (註十一) 見姜松年黑龍江鄂倫春人近日之狀況。(地學雜誌民國十三年秋期)

第六章 西北回教徒之分佈

中國回教徒統計

吾國回教徒總數幾何，至今尚無確實之統計。據日本陸軍省大村一之氏之推測，約八百餘萬人；又據南滿洲鐵道公司大宰松三郎之推測，約一千餘萬人。列表如左（註一）

中國回教徒統計表		大宰氏	大村氏
新	疆	1,000,000	2,500,000
甘	肅	3,000,000	3,000,000
陝	西	2,000,000	500,000
(包括綏遠)			
直	隸	600,000	600,000
(包括熱河)			
山	東	250,000	150,000
河	南	800,000	200,000
江	蘇	300,000	200,000
雲	南	800,000	800,000
四	川	400,000	250,000
東	三省	80,000	160,000
山	西	60,000	150,000
湖	北	15,000	10,000
貴	州	15,000	20,000
江	西	50,000	2,000
安	徽	250,000	30,000
浙	江	80,000	7,000
湖	南	200,000	20,000
廣	東	50,000	25,000
廣	西	60,000	20,000
福	建	20,000	1,000
蒙	古	50,000	
總	計	10,620,000	8,645,000

甘肅與新疆爲吾國回教之二大中心。據東亞同文書院下林厚之調查，甘肅人口六百萬，三分之一爲回教徒。英人台蚩曼 (Feichman) 漫遊甘肅，亦謂甘肅回教徒當佔全省人口四分之一乃至三分之一。甘肅有回教徒二百萬人，大致近於實數。至於新疆之回人，據政府經濟討論處報告，共計二百七十萬人，約佔全省人口四分之三以上。（新疆人口統計表已見第一章。）

中國回教徒分爲二派，一曰漢回，一曰纏回。漢回居於甘肅一帶，言語衣服皆從華風，惟奉回教不改。新疆之漢回皆在天山北路，十之六從事農業，其餘多爲商賈。（哈薩克遊牧族亦奉回教）纏回爲天山南路之土著，其分居北疆亦所在有之。頭纏白布，故名纏回。大抵纏回多安居樂業，柔而易制，漢回多強悍，睚眦忿爭，常與漢人爲仇。同治回亂，起於陝甘之漢回，其後影響關外，西北備遭蹂躪，新疆亦全淪陷。賴左宗棠雄才大略，用兵十萬，歷時數年，始告肅清，然甘省元氣，自此大耗矣。

甘肅之漢回

回人之在甘肅，語言衣服皆與漢同，故呼曰漢回，然與漢人信仰不同，往往發生仇隙，前清一代，屢爲甘患。同治回亂以後，立漢回分居之制，回教徒多住於城外。例如皋蘭省城人口十一萬，據下林厚之調查回教徒計三千五百戶，城內漢與回爲九與一之比，河北爲三與七之比。（同上註一）民國成立，五族平等，此種界限，當不復存在也。世人通稱漢人爲大教，回人爲小教。回人自稱爲清真教。回教創於穆罕默德（Mohammed），其教以主宰（卽上帝）止一無貳，穆罕默德是主差使，謂之聖人。寺院曰清真寺，每日向西禮拜，（吾國在天堂之東，故必向西，）其經典則阿刺伯文也。回俗尙武合羣，性最剛勁，動以豪俠自矜，謂之教門中人。回教教規，濟施貧乏，財富者利濟貧乏，力強者扶危助弱，故團結力最堅。勿啖豕，戒飲酒，均有可取。甘肅漢人多怠惰，經商販馬多回人。甘肅軍民兩政，半在回族之手，馬氏一族勢力尤大。

甘肅回教徒之分佈，依陝甘大道之路線，可分南北二部。南部則導河（卽河州）循化

西寧臨潭（即洮州）諸縣，人數最衆，而以導河爲中心；北部則平涼固原金積寧夏諸縣，人數最衆，而以寧夏爲中心。南部回人，又稱薩拉回，以別於北部之甘回。薩拉回乃中亞薩馬爾罕（Samarhshand）突厥族之後裔，在五六百年前徙至黃河上流河州一帶者也。薩拉回深目高鼻，有西域人之風格，其性情亦較甘回爲慍悍而猙獰。又其女子風俗，與今撒馬爾罕相類，突厥族之方言，尙有保守者。（註三）

哈薩克人

哈薩克人與中亞吉爾吉思（Kirghis）遊牧族同種。初，乾隆年間開闢新疆，餘威震於中亞，自塔什干布哈爾遠至阿富汗，皆嘗入貢，吉爾吉思草原亦隸屬焉。十八世紀中葉以來，俄人經營中亞，漸蠶食我邊境。道光二十六年（一八四六）佔領吉爾吉思草原。同治回亂，俄人進據伊犁，亂事既平，於光緒七年（一八八一）遣曾紀澤與俄人劃界，於是額爾齊斯河與伊犁河之下流及納林河帕米爾之地，悉入俄境；哈薩克諸遊牧族隨地以隸俄者甚衆。

哈薩克人軀幹偉大，顏色淡黑，言語文字與纏頭回人相似。信回教，誦經禮拜，無日敢怠。逐水草事遊牧，四時結穹廬，茵褥重疊厚至數尺。以騎馬著名，縱馬疾馳，倏如驚矢。然俗尚剽掠，桀驁不馴，習慣自然，有若天性。中俄劃界以後，兩國之民非其朋黨，卽其親戚，彼此相依爲奸藪。今阿爾泰地方數萬人民，哈薩克居十分之七，蒙人僅十分之三。（註三）哈強蒙弱，性情水火，已非一日，尤稱難治。

新疆之纏回

纏回者突厥種人，高鼻深目，多鬚鬚，與歐人狀貌相類，但眸子黑耳。回人以奉教之故，每值禮拜之時，首纏白布，故有纏頭之稱。其分佈天山南路居十之七，天山北路居十之三。其中務農者最多，次牧畜，亦有從事工商業者。自昔聚族而處，閭閻房屋皆與漢同，而門多北向。屋頂正平，人可於其上往來，且爲堆積糧果之地。富家屋旁多築園林，環以渠水，爲消夏遊讌之所。市居者門左右築土爲臺，陳列估貨，謂之八柵爾。回人宗教觀念深入人心，每日禮拜五次，

七日入寺誦經。其有赴阿刺伯之麥加 (Mecca)，參謁穆罕默德墓者，謂之朝汗，多以此傾產墮業，不稍顧惜。然其民重信敬老，簡質循法，以貸貧民取息爲大惡，皆有可取。纏回好賈趨利，甚於漢人，出喀什噶爾（卽疏勒）而往來英俄兩屬之間，（俄屬安集延塔什干諸城，英屬阿富汗克什米爾等地）行商坐賈，遞相轉輸，三四年始一歸。（註四）民國以來，新疆吏治修明，漢回二族毫無歧視。歐戰以後，雜有土耳其人潛入新疆，煽惑回人，運動獨立，並擬聯合亞歐各回教國組織一大同盟，然回民多能洞悉利害，以生命財產廬墓悉在中國，皆願效忠於中國，故近年以來，晏然無事。回民誠我五族中之良民也。

（註一）見下林厚之支那回教徒之分佈。（載於東亞同文書院支那研究第十號，大正十五年）

（註二）見台蚩曼中國西北部遊記 (Eric Teichman: Travels in North-West China) 頁一〇八、一四七。（一九二二年出版）

（註三）見錫恆奏陳阿爾泰情形摺。（載於滿蒙叢書第四冊，頁四二二至四三四）光緒三十三年。

（註四）見新疆圖誌卷二十九，實業誌。（新疆圖誌宣統三年新疆巡撫袁大化監修，王樹枏等編纂）

第七章 外蒙問題與西藏問題

外蒙古問題

外蒙古喀爾喀四部，（即車臣汗盟，土謝圖汗盟，三音諾顏汗盟，札薩克圖汗盟，）自清康熙三十六年（一六九七）平定以後，爲完全藩屬地。中國設官置戍於其境，又操其外交權，故蒙俄之界，西自薩彥嶺，東迄滿洲里，皆中俄間陸續所訂立，蒙人未嘗容喙也。外蒙官制，於庫倫置辦事大臣，於烏里雅蘇台置將軍，科布多置參贊大臣。乃自道光以來，用人失宜，歷任大臣，貪墨昏庸，撫馭無方，蒙情日渙。而俄人籠絡庫倫活佛，懷柔蒙古王公，無所不至，以兵力財力，援助外蒙。因兩國政策之變遷，漸有主客易位之勢。光緒季年，中國視俄窺蒙日急，乃主移民練兵之策，派將校駐庫倫，設兵備處，俄人出而抗議，謂與邦交甚有危險，中國駁拒之。

宣統三年（一九一一年）民軍起義，蒙古在俄人保護之下，倡言獨立，大致謂『今內地各省，既皆相繼獨立，脫離滿洲，我蒙古爲保護土地宗教起見，亦應宣佈獨立，以期萬全。』於是山外蒙喀爾喀四盟公推哲布尊丹巴呼圖克圖（卽庫倫活佛）爲蒙古國皇帝，是年十二月，舉行卽位式，稱大蒙古國，以共戴爲年號。然陰實操縱於俄人，外蒙固無此能力也。

民國元年二月，共和告成，聯合五族，組織民國。袁總統致書哲布尊丹巴，詳述利害，勸其取消獨立。略謂『蒙與漢境，唇齒相依，猶堂與之於庭戶，合則兩利，離則兩傷。』然蒙人畏俄滋甚，寧可開罪於母邦，不敢爽約於鄰國，引狼自衛，而外蒙問題，遂非口舌所能解決。時俄人誘惑外蒙，締結蒙俄條約，十一月約卽簽定，實際以外蒙古爲俄國之保護國。我國聞之大驚，正式提出抗議，略謂『蒙古爲中國領土，現雖地方不靖，萬無與外國訂條約之資格。』俄蒙條約斷難承認云云。惟俄國態度頑強，交涉甚久，迄未解決。至三年九月，中俄外蒙三方，各遣代表會議於恰克圖，歷時九月許，始成中俄蒙條約，俄國棄名取實，我國惟贖宗主權之虛名，時民國四年六月也。依此次條約，俄帝政府強迫承認外蒙自治，而自己實操縱外蒙政府，外

蒙自治亦徒有其名而已。是時俄人擬敷設張家口至恰克圖之縱斷鐵道，與黑龍江呼倫至科布多之橫斷鐵道。會歐戰發生，計劃遂歸中止。

歐戰勃興，俄國革命，既無統一之政府，自無保護條約之能力。時俄蒙貿易衰頹達於極點，外蒙古流通俄國紙幣，價值暴落，諸王公等陷於非常窮困。加以俄國白黨，包藏禍心，意圖內擾，風聲所播，一夕數驚。而中國兵力，日用汽車輸運，甚為迅速，蒙人鑑此情勢，非倚賴中央，實不足以自立。哲布尊丹巴乃召集全蒙王公會議，以決定趨向。八年十一月，外蒙呈請撤治，謂『自己情願取消自治，恢復前清舊制。』北京政府以外蒙能深明五族一家之義，特加優待，同時正式廢止民國四年之中俄蒙三方協約，表示不再承認外蒙自治地位。九年一月遣西北籌邊使徐樹錚行册封活佛典禮。是年八月，陳毅繼任，至九月又改為庫烏科唐鎮撫使，駐紮地在庫倫，庫倫又設漢蒙參贊各一人，襄助鎮撫使管轄土謝圖汗車臣汗事務，烏里雅蘇台唐努烏梁海又設參贊一人，烏里雅蘇台科布多唐努烏梁海又設副參贊各一人。於是外蒙完全屬於中國領土，而立於中國主權之下。（註二）

自民國六年（一九一七）十一月，俄國鮑爾希維克黨革命告成，建立勞農政府，以其實行職業代議制度，故稱爲蘇維埃俄國。（Soviet Russia 蘇維埃即委員制之別名）至民國十三年十二月，蘇俄本部與帝俄時代各屬地開第一次聯邦會議，而「俄羅斯蘇維埃社會主義共和聯合國」（Union of Soviet Socialist Republics）於焉成立。論者謂帝俄時代之外交，尙有小心翼翼之概，蘇俄則取邁往直進之態度。民國十年，蒙古國民黨勃興，此輩多俄國留學生，傾向於社會主義，藉蘇俄之援助，以是年六月，擊破庫倫，組織正式蒙古國民政府，仍以哲布尊丹巴爲其君主，但活佛毫無政權，不過徒擁虛名，以收拾各級蒙人之歸附而已。舊日之王公貴族等階級制度，一律宣告廢除。政府組織，完全倣效蘇俄，各機關均以俄人充顧問，凡新規劃之事業，莫不依蘇俄之力而舉辦之焉。民國十三年（一九二四）十一月，蒙古共和國於庫倫召集正式國會，議員名額九十餘名，加入區域爲外蒙古喀爾喀四部及科布多等。會議結果，憲法於是產生，憲法分甲乙兩部，甲關於勞動國民之權利，乙關於軍事之根本法則，其最重要諸條如左：

(1) 蒙古爲完全獨立民主共和國，主權屬於勞動人民。

(2) 封建的神權制度，根本取消之。

(3) 天然財源宣佈公有，嚴禁私產制度。

中央政府自國務總理以下，設內務、陸軍、財政、司法、外交五部。議會爲最高立法機關。陸軍常備軍約五萬，其中分配庫倫四千，南境約二萬，東境約一萬，境內各地一萬五千餘，對於中國本部及滿洲，施行充分準備，又有六個月短期訓練，以收舉國皆兵之效。設陸軍軍官學校於庫倫。財政以稅務收入爲主體，全國有二十餘稅所，稅目以家畜稅爲大宗，年約二百萬元。經濟機關則有國民合作商業公司，總店設在庫倫，其他要地設分店二十餘，主任悉國民黨員充之。教育由內務部教育司掌管，現有大學校一，中學校六，小學約二十，皆教以蒙文蒙語。政府發行蒙文週刊新聞。司法極嚴整，故行政官無敢怠慢者。(註三)

民國十年六月六日以後，外蒙古已成獨立狀態，我國內爭不息，未能實力經營。昔吾商人執庫倫商業之牛耳，今因外蒙對於吾國貨物入境，悉課以六分捐稅，對蘇俄貨物入境，則

完全豁免，以故吾商業日就凋敝，無從立足矣。民國十三年五月，中俄會議之結果，中俄協約成立，其第五條云：『蘇聯政府承認外蒙爲完全中華民國之一部份，蘇聯軍隊由蒙古盡數撤退。』願條約文字雖於中國有利，事實上則自中俄協定締結以來，外蒙之俄化益甚，所有外蒙軍政民政財政，無一不受其支配，幾幾成爲蘇維埃社會主義聯邦之一。民國十四年，北京政府曾接外蒙政府來電，請宣布民族自決辦法，措詞強硬，頗有分庭抗禮之概。電文內稱：『惟望中國政府早息內爭，共籌脫離列強侵佔之策，實行真正共和……實行民族自決辦法，亟待中政府明令宣布，若將此項明令頒布之下，我蒙古政府當選派全權代表赴馳中央，共議中蒙人民永久享受平安之計。』蒙人豈不知扶助弱小民族，爲我國民政府既定之政策，初不待蒙人之要求。且此項政策，乃本於先總理濟弱扶傾之志願（註三），與蘇俄外假扶助弱小民族之名，以行其侵略之技者，迥不可同日而語。善乎周鯁生君之言曰：『當然因爲俄國亞洲領域和外蒙壤地相接，關係密切，中國在這方面也無妨依特殊協定，爲俄國國民謀經濟上交通上之便宜。至於政治上，則蘇俄政府決不許在這方面行其干涉，也猶之中國』

之不可干涉蘇俄亞洲大陸領域內的事情一樣。這層中國必須堅持到底也。」（註四）

科布多問題

喀爾喀蒙古係東蒙古人；科布多係西蒙古人，即額魯特蒙古。（額魯特西人稱爲喀勒瑪克，KALBUK）額魯特與喀爾喀本不同宗，且世有仇敵。民國九年二月，駐紮科布多佐理專員洪楨呈報科布多所屬蒙旗歸附情形，其文曰：

「科布多管轄區域，在有清之世，計旗十六，總管四，統轄於參贊大臣治理之下。其部落總名曰賽因濟雅哈圖，其族姓分別爲五：曰杜爾伯特，曰輝特，曰札哈沁，曰額魯特，曰明阿特。茲五姓者，以杜爾伯特爲中堅，土廣民衆，故聲勢亦較盛。該五姓與土車三札四部喀爾喀族，按之歷史，考之世系，原不相同，且九世之仇，迄今猶在心目。杜喀比較言之，則風氣此厚而彼薄，人心此純而彼雜。然而財力則喀富杜貧，不相侔也；人力則喀強杜弱，又懸絕也。辛亥（一九一〇）外蒙宣布獨立，庫烏恰等處驅逐華官後，科城尙孤守一載

有餘。乙卯（一九一五）恰約，我承認科布多爲自治外蒙區域，科屬王公聞之譁歎……
觀此知科布多確有歸誠內向之心，惟以近年我國自顧不暇，故科布多不得不加入外蒙民
國矣。

唐努烏梁海問題

唐努烏梁海計共四旗，曰克木齊克旗，曰唐努旗，曰陶礦旗，曰沙而基克旗，廣二千餘里，
袤八百餘里，東西北三面與俄接壤。烏梁海人蓋突厥族與蒙古族之混合種，語言與蒙語不
同。其地遼闊，土饒礦富，實爲蒙疆之冠。且形勢橫亘烏科北面，尤爲西北要塞。前清制度向歸
烏里雅蘇台將軍管轄，而烏里雅蘇台商店亦均設分號於烏梁海。清季以邊遠而放棄，殊爲
失策；俄人視爲天府，覬覦已久，迨蒙倡獨立，則乘機實行侵佔，蠶食殆盡。歐戰以後，俄人猶嚴
兵防守，幸各旗皆傾心內向，我國得以武力收服，時民國八年之六月也。九年二月，庫倫都護
使陳毅，呈報收復唐努烏梁海情形，其文曰：

「唐努烏梁海地方，在前清向隸烏里雅蘇台將軍管轄，該地在烏科北境，東西約二千里，南北約八百里，屹爲外蒙屏障。河流灌溉，土地膏腴，森林茂密，物產豐盈，俄人向所垂涎。前清季年，卽有焚毀察布齊雅達壩界碑之案，該界碑在唐努山脈西端，俄蓋欲以山脈爲界，舉唐努以北攘爲己有也。前清政府迭經交涉，迄不能決。迨宣統三年，外蒙變亂，乘機侵佔，勾誘唐努旗人阿官得木齊爲之作僥，追奪各總管印信，駐兵開屯，爲久居計。海地土人均遭蹂躪，華民商業悉被驅除，縱肆貪殘，無理已極。俄蓋欺我邊遠，素無兵力，又有外蒙居中間隔，決不能與之爭也。……俄雖歐戰潰敗，兵力尙盛，嚴兵守卡，不肯少讓。……幸賴中央始終主持，指示方略，華蒙官吏士卒，嚴冬冒寒，不避險遠，海人嫉俄甚深，同心效順，備嘗種種困難，卒告成功，收回八九年已失之領土；自建議設官及籌畫進兵以來，閱四寒暑，始告結束，不可謂非國家之福也。惟俄人素懷侵略野心，難保將來不復生覬覦，目前兵力實屬太單，非剋日拔派重兵，扼要駐防，不足以臻鞏固。俟實力充固，再妥籌善後事宜，海地庶可永安，無憂外侮矣。」

烏梁海克復後，政府派嚴式超爲駐紮烏梁海佐理專員，其所呈善後辦法，亦以募兵之舉，爲當前要務。略謂「海地遠處蒙邊，中央鞭長莫及，尤緩急所不能濟。目前維持之法，舍就地募兵，莫挽危急。查克木齊克旗居多獵戶，素強馬上功夫，復善射擊，由我派兵募而訓練之，克望亦成部伍。即使交涉，亦可藉爲後盾，地方人民因自衛計，亦斷無不樂從其事。……添設調查處，廣派華海委員，分配各險隘，專司偵報之職。此舉厥要有二，對於戰則逸勞有恃，對於治則隔閡無虞，殊不可缺也。」今已事過境遷，外蒙獨立，海地更鞭長莫及。民國十三年（一九二四）十月，烏梁海人倣效外蒙建設烏梁海國民共和國，採用蘇維埃制度，已入俄國勢力範圍。（註五）

西藏問題

西藏問題萌芽於前清光緒二年（一八七六）之中英煙臺條約，政府應英人請求，允發給英人由內地四川等處以抵印度之護照，是爲英藏交通之始。五十年來，世變日亟，中英

交涉，着着失敗，茲分期述之如左：

(一)光緒十六年(一八九〇)之藏印條約 該約由駐藏幫辦大臣與英國印度總督結於加爾加答，凡八款，其要點有二：承認哲孟雄由英保護，與劃定藏哲界線是也。哲孟雄一名錫金(Sikkim)，本係西藏屬地，現在居民四分之三為尼泊爾人，但其政府中要人，多係西藏人云。蓋自此約成，而藏邊險隘，與英共之矣。

(二)光緒十九年(一八九三)之藏印續約 該約在大吉嶺締結，凡九款，其要點有三：一曰亞東開為商埠，聽英商貿易，印度政府派員駐紮該處，察看商務；自交界至亞東，聽憑英人隨意往來；二曰藏界內英人與中藏人民訴訟，由中國邊界官與英員商辦；(即會審公堂)三曰藏人至哲境遊牧，遵守英國章程。是約也，通商事英人獨享權利，而遊牧事藏人反受限制，無怪藏人之不平，益持閉關主義，於亞東開埠之事，不肯實行。光緒二十六年(一九〇〇) 達賴喇嘛遣使於俄，更遭英人之妒忌。二十九年(一九〇三)英人藉口藏人不履行條約，乘日俄戰爭伊始，利俄之不能兼顧也，率兵入藏，英將楊哈斯朋(Younghusband)

等，於次年八月抵拉薩，達賴出亡。斯文海定 (Sven Hedin) 云：『聞是役藏民無辜損失至四千餘衆，皆由印督寇松 (Lord Curzon) 之主張用兵力以征服和平藏人故也，爲實現人類同情計，此種行動，予期期以爲不可者。』

(三) 光緒三十年 (一九〇四) 藏英媾和條約 達賴既遁，授印於噶爾丹寺長羅生憂爾，英人迫藏人爲城下之盟，訂所謂藏英媾和條約十條，於布達拉山簽押，其要點有三：一曰開江孜噶大克亞東三處爲商埠，二曰賠償英國軍費五十萬鎊，(其後減去三分之二) 作七十五年還清，而其尤重要者，則爲西藏不讓任何權利於他國，易言之，西藏歸英國勢力範圍而已。該約英人逕與藏官開議，而駐藏大臣并不與聞，政府聞之大驚，乃任命唐紹儀爲全權委員，派赴印度與英國全權委員交涉。英只允認中國爲西藏之上國，不肯認其主權。三十三年唐紹儀與英使薩道義始定藏英條約於北京。

(四) 光緒三十三年 (一九〇七) 中英北京條約 該約凡六款，於中國在西藏主權，固不無一二挽回之處，其要點有二：一則英國允不佔藏境及不干涉西藏一切政治，中國亦

承認不准外國干涉藏境及一切內治。二則所有光緒十六十九年中國與英國所定兩次藏印條約，概應切實施行。此約既成，中國始改川邊爲特別區域，劃清西康與西藏之界限。初，達賴出走，避居蒙古，復至北京，宣統元年（一九〇九）清廷敦促回藏。達賴回藏後，反覆狡詐，恣行不軌，及政府派川兵二千，彈壓藏境，達賴又逃至印度，印度總督以盛禮待之。宣統二年，清廷以西藏政教分離之條件，由外務部照會駐京各公使，此後如再遇達賴與外人締結條約情事，中國政府一律不能承認云。

（五）民國二年（一九一三）西謨拉草約 辛亥革命之際，駐藏軍隊，在藏變亂，長官無術駕馭，達賴喇嘛遂藉英人勢力，遣送藏中官民出境，意欲脫離民國，宣布獨立。民國二年一月，達賴喇嘛聯絡蒙古活佛，締結蒙藏協約。英俄之間，亦成立協約，俄於外蒙，英於西藏，各認爲勢力範圍。民國政府聞英俄協約，大爲驚異，覺有與英國交涉之必要，中英藏三方面會議於西謨拉（Simla）爲印度夏季臨時首都，距西藏噶大克三五〇哩。於是年十月開會，次年復在印京特里（Delhi）會議，擬草約十一款，其要點爲分西藏爲二部：（一）外藏，別爲

一省，包有西藏及川邊之昌都，設立獨立政府，名義上仍在中國主權之下，中國與英國俱不准干涉其內務，惟得派代表駐於拉薩。(二)內藏，包有裏塘巴塘，直接歸中國統治。果如此約，外藏實已成一獨立國，受英人保障，不啻淪為英國屬土。(註六)當時雲南省政府與四川省議會，均有電力爭，大意謂前清勘界，已西迄江達，並議建省，定名西康。江達以東為康，均駐漢官；江達以西為藏，均為藏官。獨江達漢藏兩官並設，實以該處為康藏分界之地，故主張必爭江達。(江達現改稱大昭縣)(註七)政府亦以界綫一層，斷難承認，將代表陳貽範撤回，會議遂告中輟。民國三年七月，歐洲大戰起，英國對於西藏問題，暫時放棄。

大戰以後，英人謀藏愈急，其進行方法有二：一則與藏人委曲牢籠，以促進其親善關係；二則注意路政，拉薩與印度電線已通，更謀修築藏印鐵道。而我國連年內亂，藏案擱置已十餘年，我國所派之駐藏辦事長官，竟不能實行入藏，行使職權，此實我中華民國莫大之恥。民國九年五月，駐京英使朱爾典，曾對我外交部催促繼續開議，解決西藏問題，並提出兩項意見：(一)西藏境界問題，當依照民國二三兩年在西謨拉會議時之提案為根據。(二)西藏之

獨立及自治問題，當一任西藏國民代表會議，自行解決，中英兩國皆不得干涉。當時川滇黔各省皆反對川藏界務，喪失土地，以爲一朝委棄，較之清代拋棄黑龍江以北與烏蘇里江以東者，其損失之鉅，有過之無不及。北京政府遂拒絕英使要求，謂南北未統一以前，不能開議，西藏問題遂至今成爲懸案矣。此案一日不決，即英人多一日自由發展之利益，而西藏即無形斷送。今日西藏問題，實處於極艱難極危險之地步。藏爲中國領土，經民國十年（一九二一）華府會議列國之承認，乃民國十三年英國率兵越境，肆行侵略。班禪喇嘛來京求援，足見西藏僧衆傾心內向之意，達賴喇嘛近年感於英人牽制之痛苦，亦時有遣使北京之舉。我國誠當急起直追，與英國繼續交涉，前此印京會議所定外藏之名，毫無根據，實無討論之必要。吾國對藏，只能用祖國之資格與英談判。雖不必遽改西藏爲行省，而不可不以治行省之精神以治之。

夫就歷史言之，中國與西藏政治的關係與宗教的關係，已亘千三百年之久；就經濟地理言之，華茶爲藏人生命之源泉，不可須臾離者；更就感情言之，藏人多稱美中國官吏愈於

西藏番官（註八）而於耶教乃格格不相入。彼英人謂西藏之獨立，當由藏人自決者，實爲欺人之談。昔康熙帝有言：『西藏之地，屏藩青海滇蜀，苟準噶爾盜據之，則邊徼將無寧日。且準噶爾能衝雪絕險而至，何況我軍？』（註九）旨哉斯言！

（註一）詳見陳崇祖外蒙近世史一書。

（註二）見日本國風會編纂北方大觀頁三三三至三三三。（大正十四年出版）

（註三）見孫中山民族主義頁一四〇。（民智書局本）

（註四）見周鯉生中俄關係論（東方雜誌第二十一卷紀念號）

（註五）見淺野利三耶蘇俄歷史地理的研究，頁□□□。（昭和二年版）

（註六）見鮑曼新世界（Bowman: New World）譯本頁四〇九。（民國十六年商務印書館出版）

（註七）見黃鄂戰後之世界，頁三三六。（民國十年出版）

（註八）見培爾著西藏之今昔（Sir Charles Bell: Tibet, Past and Present）頁110。（一九二四年英國牛津大學出版）

（註九）見許光世蔡晉成編西藏新志下卷，頁三七。（宣統三年出版）

第八章 中國之民族精神

中國之方言

先民有言曰：『廣谷大川異制，民生其間者異俗，剛柔輕重遲速異齊，五味異和，器械異制，衣服異宜。修其教不異其俗，齊其政不易其宜。』（見禮記王制篇）我中國山河浩蕩，氣象萬千，每一特別之天然區域，皆有與一相應之風俗，余別撰中國風俗論一文，（註一）茲不具述。雖然，以中國為觀點，各區域固皆有個性之可言；若以世界為觀點，則中國之風俗，又有其共性在焉。蓋我國二千年來，久行同文同軌之治，而如秦開馳道，隋修運河，皆以人工縮短距離，益以促進調劑介紹之力，柳先生有言曰：

「習之大原，根於風土；風土不同，習俗自異。惟甲乙諸地，交互錯綜，薰染遂易，則甲以甲

之所習，參加乙之所習；乙以乙之所習，參加甲之所習；而習亦因之變化。吾國幅員遼闊，山河界域，本極複雜，人力所造，恆有多國。漢書地理志、隋書地理志論各國各州之風俗，多以地理區之，求之今日，往往有沿習未變者，故欲論吾國全體民族共同之習，亦至難言。然宋元以來，統一既久，多方醇化，齊其不齊；如科舉之出於一途，服官之必在異省，兵事之促土著之遷徙，生計之使工商之輻輳，皆有混合吸集之力。故雖東西南朔，距離甚遠，而其心習，自有大同者焉。居今日而言之，自蒙藏諸族外，苟非細別省籍民族及個人之特別心理，固可謂中國人自有中國人之習慣，與歐美日本迥然不同也。（註三）

今試就方言一端，以觀察中國各地異同之迹。方言地理學（Linguistic Geography）者，所以觀察方言之區域，製成方音地圖。中國境內方音究有幾種？其分界若何？其分佈在各省之成分如何？各省是否有遺民語言（如閩浙間之畬客）各方音歷史上之相互關係如何？何者為親，何者為疏？餘如青海雲南貴州語言至複雜之地方，其各部語音所傳佈之區域，俱當詳細調查，製出地圖。（註三）惜吾國此項事業，僅在萌芽，姑以粗略言之，中國語言，大致可

分五區，列表如左：

北方	以北京之音為主	無入聲，其入聲分配於陽平陰平上平各聲。
南方	以南京之音為主	有入聲，（短促急收藏）以h音煞尾。
西方	以成都之音為主	無入聲，其入聲大都併入陽平。
吳語	以蘇州之音為主	有入聲，（短促急收藏）以h音煞尾。
閩粵	以福州之音為主	有入聲，以k, t, p等音煞尾。

今日語言最不同之諸省，莫如閩廣，而一察其不同之點，則不過在乎語音之一部分，至於語法之組織，詞類之變化，與他省尚屬大同小異。初未如素號同文之日本，其言語與我國之語音詞類語法皆截然不同，別為一系統也。以語法詞類之相同，則不能不謂之統一；以語音之不相同，則又不能謂之統一。此其故即由於有文字教育而無一致之語言教育以統一之故也。自宣統二年已有推廣國語教育之事，誠以語言濟文字之窮，又得音標為統一之助，其於

中流以下之人民需求最切，而於蒙藏之教育，效用尤宏。民國九年教育部令有云：『我國由漢滿蒙回藏五族共和而成，考滿回二族與漢族之風俗雖微有不同，而其語言則全同，所以漢滿回三族之結合甚固。至於蒙藏二族與漢族關係密切，初不讓於滿回，而語言顯然太異，所以外蒙西藏時發獨立之警報，最爲可慮。』（註四）

前美國駐華公使芮恩施 (P. Henshaw) 有言曰：

『在中國各方情形看起來，已經是一個完全發展的民族了。雖有種種的方言存在，但是有一種公用的官話，可以通行於各處；風俗大致相似；而倫理的系統，從前以孔子的教訓爲根據的，也大致可爲各處所承認。在蒙古西藏，雖因宗教的關係，有種種特殊的社會制度和社會習慣；但是主要部分的語言風俗和種族的系統，已經可以使中國的國家，根基穩固。』（註五）

孔子爲中國文化之中心

孔子生於二千四百年前，而爲吾民族道德精神之所寄託。中國先民之理想，見於古代經書者，已極深厚，然皆僅具大綱，至孔子始確定之而明其關係，所謂集大成也。孔門弟子除魯人外，有齊楚晉秦陳衛宋吳諸國之人，觀其教化所被，南及江淮，西及山陝，在當時各國分立，而孔子之教不分畛域如此，故中國之教育統一實先於政治統一。與孔子同時，雖有老莊之無爲說，墨子之兼愛說，至魏晉時又有佛教之輸入，然其學說，或趨於極端，或過於消極，不能博得國民大多數之同情者，要非無故。德人加伯倫資（G. H. J. J.）有言曰：『吾人欲測定史的人物之偉大之程度，其適當之法，即觀其人物所及於人民，感化之大小，存續之長短，及強弱之程度，三者之如何是也。以此方法測定孔子，彼實不可不謂爲人類中最大人物之一人。蓋經過二千年以上之歲月，使全人類三分之一，於道德的社會的及政治的生活之點，全然存續於孔子之精神感化之下也。』（註六）

柳先生嘗論中國近世之病源，謂中國最大之病根，非奉行孔子之教，實在不行孔子之教。孔子之教，教人爲人者也；今人不知所以爲人，但知謀利，故無所謂孔子教徒。孫中山先生

亦謂吾民族精神已經失去，所以國家退步，如江河日下；今欲恢復民族之地位，必先恢復民族之精神。其言曰：

「中國從前能夠達到強盛的地位，不是一個原因造成的。大凡一個國家所以能夠強盛的原故，起初的時候都是由於武力發展，繼之以種種文化的發揚，便能成功；但是要維持民族和國家的長久地位，還有道德問題。從前中國民族的道德，因為比外國民族的道德高尚得多，所以在宋朝，一次亡國到外來的蒙古人，後來蒙古人還是被中國人所同化；在明朝，二次亡國到外來的滿洲人，後來滿洲人也是被中國人同化。因為我們民族的道德高尚，故國家雖亡，民族還能夠存在，不但是自己的民族能夠存在，並且有力量能夠同化外來的民族。所以窮本極源，我們現在要恢復民族的地位，除了大家聯合起來，做了一個國族團體以外，就要把固有的舊道德先恢復起來，有了固有的舊道德，然後固有的民族地位，才可以圖恢復。」（註七）

我國之民族精神，優點甚多，但同時亦有其缺點。中山先生以為恢復我固有的道德智識與

能力之後，并宜吸收西方文化之科學，以補中國之所缺。茲將我國之民族精神，列爲四大端，而論其得失如左：

中國民族精神之一——喜和平而厭侵略

中國古來思想，大率鼓吹平和思想。書稱『百姓昭明，協和萬邦。』孔子曰：『遠人不服，則修文德以來之。』子貢問孔子以治國要務，孔子舉足食足兵民信三條，而以信用爲第一，財政爲第二，軍備爲第三。至於老子之不爭，墨子之兼愛，更爲極端之平和學說。中國民族誠世界上最愛和平之民族也。自來歷史相傳，不以勤遠略爲美，而以異族向化爲美。漢唐國威之隆，初非專恃強大，黠武開邊，其於撫綏異族，懷柔遠人，實有一視同仁之概焉。明初建都南京，亞洲沿海諸國，傾慕華風，爭來貢獻。如蘇祿國王嘗請以疆土人民編入中國版圖，其傾心向化，純任自然。故論國際歷史，當以中華之對鄰國爲最高尙最純潔者矣。

現代歐洲各國皆主張帝國主義，有強權無公理，卽中國所謂勤遠略。我中國處此侵略

時代，武裝時代，遂成爲時代之犧牲者。孫中山之民族主義，其目的在使中國得自由獨立於世界，則軍事之準備，自爲吾民族不容稍懈之大事。民國十三年，國民黨創辦黃埔軍官學校，廣植革命種子，爲造國家根本之圖。然黨軍奮勇效命之目的，乃自衛而已，止戈而已，決非以造成循環戰爭爲能事。至於中國人愛好和平之大道德，不但須保存之，更須發揚而光大之。

孫中山有言曰：

「中國人有一種極好的道德，是愛和平。現在世界上的國家和民族，止有中國是講和平，外國都是講戰爭，主張帝國主義去滅人國家。近年因爲經過許多大戰，殘殺太大，纔主張免去戰爭，開了好幾次和平會議，像從前的海牙會議，歐戰以後，凡爾賽會議，日內瓦會議，華盛頓會議，最近的洛桑會議。但是這些會議，各國人公同去講和平，是因爲怕戰爭，出於勉強而然的，不出於一般國民的天性。中國人幾千年酷愛和平，都是出於天性，論到個人便重謙讓，論到政治便說不嗜殺人者能一之，和外國人便有大不同。」

（註八）

是故孫中山之民族主義，實爲健全的反帝國主義，亦卽世界和平之基礎。「欲平天下者先治其國，」此之謂也。

中國民族精神之二——尙中庸而惡偏激

中國之國名，定於三千年以前。（始見於禹貢「中邦錫土姓，」孫星衍謂當從史記作國。）歷聖相傳，無不兢兢焉以中道相戒勉。孔子集古代思想之大成，足爲我民族意識之代表，故曰：「極高明而道中庸。」又曰：「中也者，天下之大本也。」又曰：「中庸之爲德，其至矣乎！」希臘亞里士多德（Aristotle）雖亦提倡中庸主義，惟以其與歐人凡事趨於極端之性質，不相投合，是以後世罕有傳者。大學曰：

「所惡於上無以使下；所惡於下無以事上；所惡於前無以先後；所惡於後無以從前；所惡於左無以交於右；所惡於右無以交於左。」

總使兩方面平衡調和，並非專偏一方面，而人類全體咸可相安而遂其生矣。中國人在政治

方面，宗教方面，經濟方面，社會階級方面，人倫行爲方面，無處不表現其中庸主義。（註九）而其尤顯著者，則爲信仰上之自由主義，與經濟上之平均主義。蔡子民先生有云：

「中國從沒有宗教戰爭，如歐洲基督教與回教，或如基督教中新教與舊教的樣子。中國有一種固有的祖先教，經儒家修正後，完全變爲有意識的紀念，以不神祕爲象徵，與孔德（Comte）所提議的人道教相似。舊有的多神教變爲道教，並不會與儒教有多大的衝突；佛教傳入以後，也是這樣，有注意儒佛相同的。總之，中國人是從異處求出相同點的，去調和他們，不似歐洲人專從異處著眼。回教傳入以後，也是這樣；基督教傳入以後，也是這樣。所以信仰自由主義，在歐洲沒有定入憲法以前，在中國早已實行了。」

（註十）

其次則國民生活問題，自古及今，常以均勞逸，均產業爲標準。孔子曰：「不患寡而患不均，不患貧而患不安。」又曰：「貨惡其棄於地也，不必歸於己；力惡其不出於身也，不必爲己。」漢唐以降之實際的政治，其爲人所稱道者，又大抵皆含有社會政策之精神，而常以裁制豪強

兼并爲職志者也。我國歷史上，未嘗有慘酷的階級鬭爭，所以然者，則人類平等觀念，久已成爲公共信條，雖有強者，莫之能犯也。

現今世界最大之問題，厥爲勞工與資本家之衝突，而俄國所行之共產主義，其手段最爲激烈。孫中山先生知共產主義必不適宜於中國，故自創民生主義以適合中國。先生所主張平均地權與節制資本二大原則，爲思患預防之方法，以免再蹈歐洲階級流血之故轍。國民黨宣言有云：「中俄之歷史不同，社會之情狀亦異，國民革命與階級革命，勢不並行。」（註十二）蓋就事實言之，中國社會貧富階級，相去不遠；所謂「損有餘，益不足」，儘有和平方法以謀解決。更就民性言之，彼偏激之無產專制，與吾民族之中庸主義，根本不能相容也。

民族精神之二——先家族而後國家

中國文化以人倫爲中心，其他皆此中心之附屬物。（註十三）中庸曰：「天下之達道五：君臣也，父子也，夫婦也，昆弟也，朋友也。」謂之達道，即通衢大道之意。自來人倫道德，首推忠孝，

忠者代表民族主義，孝者代表家族主義。大學曰：『欲治其國者先齊其家，』家族與民族，雖有先後之序，初無厚薄之分。孔子曰：『夫孝始於事親，中於事君，終於立身。』則一切修身齊家治國平天下之事，皆得統攝於其中矣。莊子曰：『君臣之義，無所逃於天地之間。』孟子曰：『民爲貴，社稷次之，君爲輕。』蓋所謂君者，不過指民族之領袖人物，民族不可廢，故君臣之義亦不可逃。宋明之季，忠臣義士，如文天祥陸秀夫黃黎洲顧亭林之倫，或慷慨死義，或大節不屈，其盡忠報國之心，實爲我民族精神之所寄託者。民族主義之失墜，由於滿清之宰制中國。自康熙以後，明代亡國已歷百年，遺老凋喪，而文網日密，全謝山所謂『故國喬木，日以凌夷』者也。近代之中國人，只有家族與宗族團體，而無民族之精神。外人皆詆華人國家觀念薄弱，四萬萬人如一盤散沙，以致人爲刀俎，我爲魚肉，中國在國際中處於最低下之地位，幾有亡國滅種之憂。故欲救中國，必須提倡民族主義入手。民族主義，本我先民之所遺留者，因勢利導，其恢復也較易。孫中山先生以爲家族主義與民族主義，實並行而不相悖，我國民當以家族爲基礎，結合四萬萬人，成爲一個堅固的民族，其言曰：

「中國有很堅固的家族和宗族團體，中國人對於家族和宗族的觀念是很深的。由這種好觀念推廣出來，便可由宗族主義擴充到國族主義。我們失了的民族主義，要想恢復起來，便要有團體，要有很大的團體。我們要結成大團體，便要有小基礎，彼此聯合起來，才容易做成功。我們中國可以利用的小基礎，就是家族團體。此外還有家鄉基礎，中國的家鄉基礎也是很深的，如果是同省同縣同村的人，總是特別容易聯絡。依我看起來，若是拿這兩種好觀念做基礎，很可以把全國的人都聯絡起來……中國人照此做去，恢復民族主義比較外國人是容易得多，因為外國是以個人為單位，他們的法律對於父子兄弟姊妹夫婦各個人的權利，都是單獨保護的，再由個人放大便是國家，在個人和國家中間，更沒有很堅固很普遍的中間社會，所以說國民和國家結構的關係，外國不如中國。因為中國個人之外，注重家族，有了甚麼事便要問家長，這種組織，有的說是好，有的說是不好。依我看起來，中國國民和國家結構的關係，先有家族再推到宗族，然後纔是國族，這種組織一級一級的放大，有條不紊，大小結構的關係，當中是很實在

的。如果用宗族爲單位，改良當中的組織，再聯合成國族，比較外國用個人爲單位，當然容易聯絡得多。」（註十三）

中山先生對於中國固有的人倫道德，以爲宜發揚而光大之，其言曰：

「現在一般人的思想，以爲到了民國，便可以不用講忠字；以爲從前講忠字，是對於君的，所謂忠君，現在民國沒有君主，忠字便可以不用。這種理論，實在是誤解。我們到現在說忠於君，固然是不可以，說忠於民是可不可以呢？忠於事又可不可以呢？我們做一件事，總要始終不渝，做到成功；如果做不成功，就是把性命去犧牲，亦所不惜，這便是忠……爲四萬萬人效忠，比較爲一人效忠，自然高明得多。講到孝字，我們中國尤其特長。尤其比各國進步得多。孝經所講孝字，幾乎無所不包，無所不至，現在世界最文明的國家，講到孝字，還沒有像中國講到這麼完全，所以孝字更是不能不要的。國民在民國之內，要能夠把忠孝二字講到極點，國家便自然可以強盛。」（註十四）

家族主義之優點，即所謂「聚會則相親，守望則相助」，西人稱之爲合作之精神（〇〇）。

operative spirit) 西洋則個人主義盛行，有獨立之精神，然老年多單住，離婚案與夫妻相殺案，層出不窮。故我國政治雖弱，特社會之鞏固，則凌駕西洋之上。

民族精神之四——重實行而輕理想

亞里士多德與孔子，雖皆以中庸爲教，然究其人生觀之全體，則截然不同，而足以顯示中國與歐洲民族精神之殊異焉。蓋亞里士多德之所從事者，非僅人文之學問而已，且究心於自然科學，好奇心甚盛。蓋亞里士多德者，學問知識之泰斗，而孔子則道德意志之完人也。
(註十五)大學曰：「欲修其身者，先正其心。欲正其心者，先誠其意。欲誠其意者，先致其知。致知在格物。」孔子非輕視理智者，惟以理智附屬於意志，而供其驅使，二者之關係，如是而已。至歐洲近世，更篤信培根之說，以智識爲權力，其所悉心從事者惟此。歐洲六百年前之文物，尙不及中國遠甚，而彼近一二百年來之進步，其突飛猛進，有非我夢想所能及者，此皆科學之賜也。夫科學系統之學也，條理之學也，凡真知特識，創造發明，必自科學而來。孫中山先生以

西洋之科學爲吾國所未有，必須「迎頭去學」其言曰：

「歐洲之所以駕乎我國之上的，不是政治哲學，完全是物質文明。物質文明所以發達，都是由於科學昌明而來的。那種科學就是十七八世紀以後，培根紐頓那些大學問家所主張用觀察和實驗研究萬事萬物的學問。所以說到歐洲的科學發達，物質文明的進步，不過是近來二百多年的事；在數百年以前，歐洲還是不及中國。我們現在要學歐洲，是要學中國沒有的東西，中國沒有的東西是科學，不是政治哲學。」（註十六）

英人羅素嘗謂西方文化顯著之優點是爲科學方法，中國文化顯著之優點是爲一種合理的生活觀念，此二點卽吾人所願目視其逐漸結合者也。」（註十七）

近人胡稷咸君有云：「道德之原理約，而所重者在實行，後儒之所發明，終不能出孔子道德範圍之外，此所以我國學術界無所謂進步，而對於物質界亦未加以研究也。然人類精神文明進化之程序，必先從真美兩方面，發現善之高尙，而後進化始漸而穩。質言之，必自研究物質界，發現精神生活之重要，而後其信仰精神生活之心，始堅定而不可拔。不然，祇不自

覺的知精神生活之高尙，而不知物質生活之卑下，其弊卽易不自覺的流於卑下之物質生活。我國自古至今，僅少數人自覺的實踐道德生活，多數人皆奉爲模範而倣效之，故一旦無道隆德碩者爲之師表，則全國之道德敗壞不堪，此我國文明之缺點也。」（註十八）孫中山先生以爲中國國民性重實行而輕理想，實爲國事進步最大之阻力。先生常謂中國習俗，暮氣太深，顧慮之念，畏難之心，較新進文明之人爲尤甚。中國事向來之不振者，非坐於不能行也，實坐於不能知也，及其既知之而又不行者，則誤於以知爲易以行爲難也。夫人羣之進化，以時考之，則分爲三時期：曰「不知而行」之時期，曰「行而後知」之時期，曰「知而後行」之時期。以人言之，則有三系焉：其一爲先知先覺者，爲創造發明；其二爲後知後覺者，爲倣效推行；其三爲不知不覺者，爲竭力樂成。而後世界之人誤於「知之非艱」之說，雖有先知先覺者之發明，而後知後覺者，每以爲知之易而忽略之，不獨不爲之倣效推行，且目之爲理想難行，於是不知不覺者則無由爲之竭力樂成者。先生以「知之非艱，行之惟艱」之舊學說，實爲思想之錯誤，故獨創「知之惟艱，行之非艱」之新學說，以改造我國民之心理。其言曰：

「予之所以不憚煩，連篇累牘，以求發明行易知難之理者，蓋以此爲救中國必由之道也。夫中國近代之積弱不振，奄奄待斃者，實爲知之非艱行之維艱一說誤之也。此說深中於中國學者之心理，由學者而傳於羣衆，則以難爲易，以易爲難；遂使暮氣畏難之中國，畏其所不當畏，而不畏其所當畏。間有不屈不撓之士，費盡生平之力以求得一知者，而又以行之爲尤難，則雖知之而仍不敢行之，則天下事無可爲者矣。此中國積弱衰敗之原因也。夫畏難本無害也。正以有畏難之心，乃適足導人於節勞省事，以取效呈功，此爲經濟之原理，亦人生之利便也。惟有難易倒置，使欲趨避者無所適從，斯爲害矣。」（註

十九）

先生之學說，主張由科學原理，以求得真知。學識之難關一過，則國事之進行，有如反掌矣。其言曰：

「當今科學昌明之世，凡造作事物者，以先求知而後敢從事於行。所以然者，蓋欲免錯誤而防費時失事，以冀收事半功倍之效也。是故從知識而構成意像，從意像而生出條

理，本條理而籌備計畫，按計畫而用工夫，則無論其事物如何精妙，工程如何浩大，無不指日可以樂成者也。」

故爲一國之經營建設，所難得者非實行家也，乃理想家計畫家也。當科學之原理既知，四週之情勢皆悉，由理想家籌定計畫，則按計畫而實行之，已爲無難之事矣。

羅素有言曰：「中國學生富有能力，且又非常敏銳。中國前此於科學雖示欠缺，然亦從無仇視科學之事物，故科學知識之發展，絕無阻力，不若歐洲中世紀之時時見阻於教會也。華人若得一鞏固之政府而有充足之教育經費，則此後三十年中於科學必有偉大之成績，此余所深信不疑者也。」（同上註十七）翁文灝曰：「近十餘年來，中國人科學精神之漸次發達，世界科學紀載中漸見中國學者之新鮮貢獻，而此類貢獻中，亦間有爲世界學者所傾服而稱引者。此則不可掩之事實，而足引爲民國以來歷史的紀念者也。」（註二十）

（註一）詳見張其昀中國風俗論。（載於科學雜誌第十一卷第一、二、十二期第十二卷第三、六各期，民國十五年，十六年）

- (註二) 見柳詒徵說習。(載於學衡第二十四期)
- (註三) 見北京大學研究所國學門方言調查會宣言書。(民國十三年)
- (註四) 見陳懋治統一國語問題。(申報館編最近之五十年,民國十二年)
- (註五) 見羅志希譯平民政治的基本原理頁十二。(民國十一年)
- (註六) 參觀吳宓孔教之價值。(載於國聞週報第四十四、四十一期,民國十五年十月)
- (註七) 見民族主義頁一二〇。(民智書局本)
- (註八) 同上,頁一二七。
- (註九) 參觀張其昀中國與中道。(載於史地學報第三卷第八期,民國十四年)
- (註十) 詳見蔡元培中國的文藝復興。(東方雜誌第二十一卷第三號轉載,民國十三年)
- (註十一) 見國民黨取消共產黨籍宣言。(民國十四年十二月十三日申報)
- (註十二) 詳見柳詒徵中國文化西被之商榷。(學衡第二十七期)
- (註十三) 見民族主義頁一〇九、一一〇。
- (註十四) 同上,頁一二二。
- (註十五) 見白璧德 (Herbert Babbits) 論歐亞兩洲文化。(譯文載於學衡第三十八期)
- (註十六) 見民族主義頁九四。

- (註十七) 見羅素中國問題 (Bertrand Russell: The Problems of China) 頁一九三。
- (註十八) 見胡穆成敬告我國學術界。(載於學術第)
- (註十九) 詳見孫文學說。(即建國方略之一, 心理建設。)
- (註二十) 見翁文灝如何發展中國科學。(科學第十一卷第十期, 民國十五年。)

中華民國十七年六月初版
中華民國二十二年七月國難後第一版

本書定價五分

(95676)

新時代
史地叢書
中國民族志一冊

每冊定價大洋陸角

外埠酌加運費匯費

版權所
翻印必究

撰述者	張其
校閱者	邵元冲
主編者	吳敬恆 蔡元培 王雲五
發行兼印刷者	上海河南路 商務印書館
發行所	上海及各埠 商務印書館

中 C 二 三 六 七

